

Жьмар

Пешготьн

Эве к'ьтебе наве хwэ: «Жьмар» жь дө щаред навньвисара щьмэ'та Израел^Ф стандийэ, к'ижан кө wэхте р'еуитийа жь Мьсьре э'рде Кэнанеда^Ф hatьнэ навньвисаре. Бь ибрани^Ф наве ве к'ьтебе те wэлгэр'андьне, чава «Ль бэр'ийеда». Бь ван хэбэра тек'ста ибранийэ к'ьтеба Жьмар дэстпедьбэ у эw дьдэ к'ьфше к'идэре сэрhatийед we қэwьми нэ. Пэй we йэкер'а гава Хөдан^Ф ль сэре ч'ийайе Синайе қанун да щьмэ'та Израел, Муса h'эсабе щьмэ'та Израел ньвиси, йед кө шер'ра'а хазьр бун (h'эсабе левийа жи башқэ), өса жи анэгори т'эмийа Хөдан, чэнд қанун зедэ кьрын у щьмэ'та Израел бона чуйина wi э'рде кө Хөдан соз дабу, хазьр кьрын (с. 1-9). Ле гава эw ль Qадеш-Барнеайе бун (алийе башура синоре Кэнане), щьмэ'та Израел жь дэст сальхед щэ'сусайэ дэрэw, йане ль wьр э'савэ дьжин, тьрсийан кө һэр'ьнэ Кэнане кө wi э'рди бь э'мьре Хөдан зэфти хwэ кьн. Бона ве йэке эw hatьнэ щэзакьрне, чьл сали т'эркэсэри we бэр'ийе бун (с. 10-19). h'эта h'эму ньсьле Израелейи кө нэ гөр'а Хwэдеда нэ нэмьр. Пэй мьрьна wi ньсьлир'а, паше щьмэ'те һеди-һеди э'рдед дор-бэре Кэнане зэфт кьр. Бь ви аwайи израелийа к'аре хwэ кьрын у гьһиштьнэ э'рде Моwабе^Ф, алийе р'оһьлата ч'эме Урдөне (с. 20-36). Т'эмамайа wi зэманида, щьмэ'та Израел гэлэк щара һьндава Мусада бина хwэ тэнг дькьрын у һьмбэри Хwэде р'адьбун, т'эме бешекьр у нэ сэр йа хwэ бунэ,

чава ль бьнйат'а мерьв дьк'эвэ. Ле гава дьбу кӧ Хӧдан мэрьвед нэгӧндар шэза дькър, диса хьндава мьлэте хвэ-йи бьжартида амьн дьма, бона ван хэм дькър, мьрабьли дьжмьнед Израел дьсэкьни, эв сэр дьжмьн дьхьстьн. Н'эта ви н'алида жи, гава сэрwere мьлэт, Муса у Нарун жи гӧр'а Хвэде нэдькърьн, ле диса Хвэде сэр йа хвэ бу, ви дькър кӧ шьмэ'та Израел бьбэ ви эрде кӧ соз дабу, бьда кал-бавед ван.

Навньвисара ИзраелФ

1 ХӧданФ ль бэр'ийа Синайе КонеФ Щьвинеда йэке мэна дӧда, дӧсалия зар'ед Израелэ кӧ жь эрде Мьсьре дэрк'этьбун, Мусар'а хэбэрда у гот: ²«Т'эмамия цьвина зар'ед Израел анэгори малбәтед ван, олк'ед ван, наве һәр мери йэко-йэко бьжмьрэ. ³Тӧ у Нарун һәр кәсе эскәрийер'а һазьр жь бистсалийе жортър анэгори ордийед ван нава Израелда бьжмьрн. ⁴Т'эви вэ гэрэ мэрьвэк жь һәр қәбиле һэбэ. Мэрьве кӧ сэрwere олк'а хвэ йэ. ⁵Эв ын навед мэрьвед кӧ we т'эви вэ бьсэкь-ньн: Жь Р'убен Әлисуре кӧр'е Шьдейур. ⁶Жь Шьмһ'ун Шьлумийеле кӧр'е Суришадай. ⁷Жь Щьһуда Нәһшоне кӧр'е Аминадав. ⁸Жь Исахар Ньт'анеле кӧр'е Суһар. ⁹Жь Зәбулон Әлйабе кӧр'е Н'елон. ¹⁰Жь қәбила зар'ед Усьв: Жь Әфраим Әлишамайе кӧр'е Ә'миһуд. Жь Мьнашә Гамалйеле кӧр'е Пьдаһсур. ¹¹Жь Бьнйамин Абидане кӧр'е Гидони. ¹²Жь Дан Ахихәзәре кӧр'е Ә'мишадай. ¹³Жь Ашер Пагийеле кӧр'е Ок'ран. ¹⁴Жь Гад Әлйасафе кӧр'е Дьһуйел. ¹⁵Жь Нәфтәли Аһ'ирайе кӧр'е Әйнан». ¹⁶Эв ын бьжартийед жь цьвине, сэрwerед қәбилед бавед ван, сэрwerед әлаләтед Израел.

¹⁷Муса у Нарун эв мэрьвед бь нав к'ьфшкьри һьлдан. ¹⁸У йэке мэна дӧда вана т'эмамия цьвине цьванд у эв анэгори малбәтед ван, олк'ед ван, наве йед жь

бистсалийе жортър йэко-йэко жьмартын, ¹⁹чава кӧ Хӧдан т'эми Муса кър ван бьжмьрэ ль бэр'ийа Синайеда.

²⁰Зар'ед Р'убене ньхӧрийе Исраел, зӧр'эт, малбэт, олк'ед хвэва, һ'эсабе һэр мере бистсалийе жортър, һэр кэсе эскэрийер'а һазьр, ²¹һ'эсабе қэбила Р'убен 46500 нэфс бун.

²²Зар'ед Шьмһ'ун зӧр'эт, малбэт, олк'ед хвэва, һ'эсабе һэр мере бистсалийе жортър, һэр кэсе эскэрийер'а һазьр, ²³һ'эсабе қэбила Шьмһ'ун 59300 нэфс бун.

²⁴Зар'ед Гад зӧр'эт, малбэт, олк'ед хвэва, һ'эсабе һэр мере бистсалийе жортър, һэр кэсе эскэрийер'а һазьр, ²⁵һ'эсабе қэбила Гад 45650 нэфс бун.

²⁶Зар'ед Щьһуда зӧр'эт, малбэт, олк'ед хвэва, һ'эсабе һэр мере бистсалийе жортър, һэр кэсе эскэрийер'а һазьр, ²⁷һ'эсабе қэбила Щьһуда 74600 нэфс бун.

²⁸Зар'ед Исахар зӧр'эт, малбэт, олк'ед хвэва, һ'эсабе һэр мере бистсалийе жортър, һэр кэсе эскэрийер'а һазьр, ²⁹һ'эсабе қэбила Исахар 54400 нэфс бун.

³⁰Зар'ед Зэбулон зӧр'эт, малбэт, олк'ед хвэва, һ'эсабе һэр мере бистсалийе жортър, һэр кэсе эскэрийер'а һазьр, ³¹һ'эсабе қэбила Зэбулон 57400 нэфс бун.

³²Жь қэбила зар'ед Усьв, зар'ед Әфраим зӧр'эт, малбэт, олк'ед хвэва, һ'эсабе һэр мере бистсалийе жортър, һэр кэсе эскэрийер'а һазьр, ³³һ'эсабе қэбила Әфраим 40500 нэфс бун. ³⁴Зар'ед Мьнашэ зӧр'эт, малбэт, олк'ед хвэва, һ'эсабе һэр мере бистсалийе жортър, һэр кэсе эскэрийер'а һазьр, ³⁵һ'эсабе қэбила Мьнашэ 32200 нэфс бун.

³⁶Зар'ед Бьнйамин зӧр'эт, малбэт, олк'ед хвэва, һ'эсабе һэр мере бистсалийе жортър, һэр кэсе эскэрийер'а һазьр, ³⁷һ'эсабе қэбила Бьнйамин 35400 нэфс бун.

³⁸Зар'ед Дан зӧр'эт, малбэт, олк'ед хвэва, һ'эсабе һэр мере бистсалийе жортър, һэр кэсе эскэрийер'а һазьр, ³⁹һ'эсабе қэбила Дан 62700 нэфс бун.

⁴⁰Зар'ед Ашер зөр'эт, малбэт, олк'ед хwэва, h'эсабе һәр мере бистсалийе жортър, һәр кэсе эскэрийер'а һазър, ⁴¹h'эсабе қэбила Ашер 41500 нэфс бун.

⁴²Зар'ед Нэфтэли зөр'эт, малбэт, олк'ед хwэва, h'эсабе һәр мере бистсалийе жортър, һәр кэсе эскэрийер'а һазър, ⁴³h'эсабе қэбила Нэфтэли 53400 нэфс бун.

⁴⁴Эв ын h'эсабед ван мэръвед кō Муса, һарун у һәр донздәһ сәрwerед жь олк'ед Израел кō жьмартън. ⁴⁵h'эму зар'ед Израел анэгори олк'ед хwэ, жь бистсалийе жортър, h'эмуйед эскэрийер'а һазър Израелда һатънэ жьмартъне ⁴⁶у т'эмамыйа h'эсабе ван 603550 нэфс бун. ⁴⁷Ле леви қэбила бавед хwэва т'эви ван нәһатънэ жьмартъне.

Борще левийа

⁴⁸Хōдан Мусар'а хэбәрда у гот: ⁴⁹«Қэбила Леви нэжмьрә, ван т'эви зар'ед Израел h'эсаб нэкә. ⁵⁰Ле тō левийа ль сәр КонeФ Шә'дәтийе, ль сәр h'эму һащәтед we у ль сәр h'эму тыштед we к'ьфш кә. Эw бьра кон у h'эму һащәтед we бьбьн, weда қōльх кьн у зомед хwэ дора we лехьн. ⁵¹У чахе цигōһастъна Конe Шә'дәтийе, леви бьра we һәвдън у вэгьртъна Конe Шә'дәтийе жи бьра леви бькьн, йәки дьн кō незик бә we бе кōштъне. ⁵²Гава зар'ед Израел зомед хwэ лехьн, һәр кәс гәрә ль зома хwәда у һәр кәс ль бәр ала хwэ бә анэгори ордийед хwэ. ⁵³Ле леви гәрә зоме дора Конe Шә'дәтийе лехьн, wәки һерса мьн ль сәр щьвина зар'ед Израел р'анэбә. У левийе хwәйитийа Конe Щьвина Шә'дәтийе бькьн». ⁵⁴Зар'ед Израел анэгори ван h'эму т'эмийед кō Хōданә данә Муса, оса жи кьрьн.

Щиваркьрна зоме

2 Хōдан Муса у һарунр'а хэбәр да у гот: ²«Зар'ед Израел бьра зомед хwэ һәр кәс т'эви ала хwэ, бь нишанед олк'ед хwэ лехә. Эw гәрә ль дора Конe Щьвине һьнәки дур зомед хwэ лехьн. ³Пешийева алийе р'оавайе

Щьһуда гэрэ зома хwэ т'эви ала хwэ анэгори ордийед хwэ лехэ. Сэрwере зар'ед Щьһуда Нэһшоне көр'е Аминанадав бу. ⁴Һ'эсабе ордийа wi 74600 нэфс бун.

⁵Р'эх wiда бьра қэбила Исахар зомед хwэ лехэ. Сэрwере зар'ед Исахар Ньт'анеле көр'е Суһар бу. ⁶Һ'эсабе ордийа wi 54400 нэфс бун.

⁷Пэйр'а бьра қэбила Зэбулон бэ. Сэрwере зар'ед Зэбулон Элйабе көр'е Һ'елон бу. ⁸Һ'эсабе ордийа wi 57400 нэфс бун.

⁹Т'эмамияа һ'эсабе зома Щьһуда анэгори ордийед хwэ 186400 нэфс бун. Эвана гэрэ пешийе р'е к'эвьн.

¹⁰Ала зома Р'убен анэгори ордийед хwэ гэрэ алийе ба-шуре бэ. Сэрwере зар'ед Р'убен Элисура көр'е Шьдейур бу. ¹¹Һ'эсабе ордийа wi 46500 нэфс бун.

¹²Р'эх wiда бьра қэбила Шьмһ'ун зомед хwэ лехэ. Сэрwере зар'ед Шьмһ'ун Шьлумийеле көр'е Суришадай бу. ¹³Һ'эсабе ордийа wi 59300 нэфс бун.

¹⁴Пэйр'а бьра қэбила Гад бэ. Сэрwере зар'ед Гад Элйаса-фе көр'е Р'ьһуел бу. ¹⁵Һ'эсабе ордийа wi 45650 нэфс бун.

¹⁶Т'эмамияа һ'эсабе зома Р'убен анэгори ордийед хwэ 151450 нэфс бун. Эw гэрэ йе дөда р'ек'эвьн.

¹⁷Һьнге we Коне Щьвине р'е к'эвэ, зома левийа бьра нава зомада бэ. Чава кө зомед хwэ we лехьн өса жи р'е-к'эвьн. һэр кэс щийе хwэда бэ анэгори алед хwэ.

¹⁸Ала зома Эфраим анэгори ордийед хwэ гэрэ алийе р'оавайе бэ. Сэрwере зар'ед Эфраим Элишамайе көр'е Э'миһуд бу. ¹⁹Һ'эсабе ордийа wi 40500 нэфс бун.

²⁰Р'эх wiда бьра қэбила Мьнашэ бэ. Сэрwере зар'ед Мьнашэ Гамалйеле көр'е Пьдаһсур бу. ²¹Һ'эсабе ордийа wi 32200 нэфс бун.

²²Пэйр'а бьра қэбила Бьнийамин бэ. Сэрwере зар'ед Бьнийамин Абидане көр'е Гидони бу. ²³Һ'эсабе ордийа wi 35400 нэфс бун.

²⁴Т'эмамияа һ'эсабе зома Эфраим анэгори ордийед хwэ 108100 нэфс бун. Эw гэрэ йе сьсийа р'е к'эвьн.

²⁵Ала зома Дан анэгори ордийед ван гэрэ алийе бакөре бэ. Сэрwere зар'ед Дан Ахиһэзэре көр'е Әмишадай бу. ²⁶Һ'эсабе ордийа ви 62700 нэфс бун.

²⁷Р'эх wiда қэбила Ашер бьра зоме лехэ. Сэрwere зар'ед Ашер Пагийеле көр'е Ок'ран бу. ²⁸Һ'эсабе ордийа ви 41500 нэфс бун.

²⁹Пәйр'а бьра қэбила Нәфтәли бэ. Сэрwere зар'ед Нәфтәли Аһ'ирайе көр'е Әйнан бу. ³⁰Һ'эсабе ордийа ви 53400 нэфс бун.

³¹Т'эмамийа һ'эсабе зома Дан 157600 нэфс бун. Әw гэрэ хьлазийе р'е к'эвьн анэгори алед хwэ.

³²Әв ьн һ'эсабе зар'ед Израел анэгори олк'ед хwэ. Т'эмамийа һ'эсабе зома анэгори ордийед хwэ 603550 нэфс бун. ³³Ле леви нэ һатьнэ жьмартыне т'эви зар'ед Израел, чава кө Хөдан т'эми ль Муса кьрбу.

³⁴Зар'ед Израел һ'эму өса дькьрьн чава кө Хөдан т'эми ль Муса кьрбу. Wана зомед хwэ анэгори алед хwэ ле дьдан у өса жи р'е дьк'этьн, һәр кэс т'эви малбәтед хwэ анэгори олк'ед хwэ.

Навньвисара левийайә пешьн

З Әв ьн зөр'әтед һарун у Муса, we р'оже гава Хөдан т'эви Муса ль ч'ийайе Синайе хәбәрда. ²Әв ьн наве көр'ед һарун, ньхөрийе ви Надаб пәйр'а Абиһу, Елазар у Ит'амар, ³әw к'аһинед^Ф р'ункьри йед кө һарун әw к'аһинтийер'а қәвин-қәдим кьрьн. ⁴Надаб у Абиһу ль бәр Хөдан мьрьн, гава ван бәр'ийа Синайеда шаш* агьр ль бәр Хөдан дан у әw безөр'әт бун. Елазар у Ит'амар ль бәр ч'әве һаруне баве хwэ к'аһинти дькьрьн.

⁵Хөдан Мусар'а хәбәрда у гот: ⁶«Qэбила Леви бинә у ль бәр һаруне к'аһин бьдә сәкьнандьне кө бәрдәстийа ви бь-

* 3:4 Бьньһер'ә Qануна К'аһинтийе 10:1-2.

кьн. ⁷Бьра эв борще нобэдарийе бона ви у h'эму щьвине ль бэр Коне Щьвине бьрэдидьн, хьзмэтк'арийа пирозгэне бькьн. ⁸Хвэйитийа хэр тыштед Коне Щьвине у борще зар'ед Израел бькьн ава готи хьзмэтк'арийа пирозгэне бькьн. ⁹Тө гэрэ левийа бьди харун у көр'ед ви. Эв мир'а хатьнэ дайине жь нава зар'ед Израел. ¹⁰Тө гэрэ харун көр'ава к'ьфш ки бона кө эв қольхе к'ахинтийа хвэ бьрэдидьн. Ле гава йэки дьн незики пирозгэне бэ, гэрэ бе көштъне».

¹¹Хөдан Мусар'а хэбэрда у гот: ¹²«Ава мьн Леви жь нава зар'ед Израел һьлдан, дэвса ван h'эму ньхөрийед кө бэт'не вэдькьн жь нава зар'ед Израел. Ава левийе бона мьн бьн ¹³чьмки хэр ньхөри п'ара мьн э. Ве р'ожа кө мьн h'эму ньхөрийед вэлате Мьсьре хьстьн һынге мьн h'эму ньхөрийед Израелда жь мерьв h'эта h'эйвен хвэр'а бөһөрти-жьбарэ кьрн. Эве п'ара мьн бьн, эз Хөдан ьм».

¹⁴Хөдан диса т'эви Муса ль бэр'ийа Синайеда хэбэрда, гот: ¹⁵«Зар'ед Леви анэгори олк'ед ван, малбэтед ван бьжмьрэ. хэр қьсьме нерини жь йэкмэне бьжмьрэ». ¹⁶Муса анэгори хэбэра Хөдан, чава кө мир'а хатьбу готъне эв жьмартън.

¹⁷Эв бун наве зар'ед Леви: Гершон, Қоһат' у Мерари. ¹⁸Эв жи наве зар'ед Гершон э, малбэтед ванва: Либни у Шими. ¹⁹Зар'ед Қоһат' жи малбэтед ванва эв ьн: Әм-рам, Ишар, һеbron у Узиел. ²⁰Зар'ед Мерари малбэтед ванва эв ьн: Маһ'ли у Муши. Эвана малбэтед левийа нэ анэгори олк'ед ван.

²¹Малбэта либни у малбэта шими дьгьһижьнэ Гершон. Эвана малбэтед гершонийа нэ. ²²h'эсабе ван, ава готи h'эсабе хэр қьсьме нерини жь йэкмэне 7500 нэфс бун. ²³Малбэтед гершонийа бьра пышт пирозгэне, ава готи алийе р'оавайе, зома хвэ лехьн. ²⁴Сэрwере олк'а гершонийа Әлийасафе көр'е Лайел бу. ²⁵Борще зар'ед Гершон ль Коне Щьвинеда хвэйитийа Пирозгэһ, сэргьра сэр гьртъне у сэрк'еша we у п'эр'да бэр дэре Коне Щьвине йэ, ²⁶п'эр'дед

h'эwше у п'эр'да бэр дэре h'эwше кö дора пирозгəh у горигəhe^Ф йэ, öса жи həбьнед we, öса жи h'эму шьхöле we йэ. ²⁷Малбэта э'мрамия, малбэта Исчарийа, малбэта heбронийа у малбэта узиелийа дьгьhижьнэ Qohat'. Эвана малбэтед qohat'ийа нэ. ²⁸h'эсабе hэр qьсьме нерини жь йэк мəhe 8600 нэфс бун. Вана хwэйитийа щийе пироз дькьр. ²⁹Малбэтед зар'ед Qohat' бьра зомед хwэ алийе башура пирозгəhe лехьн. ³⁰Сэрwере олк'а малбэтед qohat'ийа Əлисафане көр'е Узиел бу. ³¹Борще хwэйитийа ван: сьндоq, сьфьрэ, шэмдан, горигəh у haщəтед пироз бона хэбата ван, öса жи п'эр'дэ у h'эму шьхöле we нэ. ³²Сэрoке сэрwеред левийа Елазаре көр'е һаруне к'аһин бу. Əw сэрwере ван бу йед кö хwэйитийа щийе пироз дькьрьн.

³³Малбэта маһлийа у малбэта мушийа дьгьhижьнэ Мерари. Эвана малбэтед меарийа нэ. ³⁴h'эсабе hэр qьсьме нерини жь йэкмəhe 6200 нэфс бун. ³⁵Сэрwере олк'а малбэтед Мерари Сурийеле көр'е Абихайил бу. Əw бьра алийе бакöра пирозгəhe зоме хwэ лехьн. ³⁶Борще хwэйитийа көр'ед Мерари: Читед пирозгəhe, дəстуйе we, стунед we, бьнгəhed we, h'эму haщəтед we у h'эму шьхöле ван, ³⁷öса жи стунед дора h'эwше, бьнгəhed ван, сьнгед ван у həбьнед ван э.

³⁸Муса, һарун у көр'ед wi зомед хwэ бьра алийе p'ohь-лата пирозгəhe, пешбэри Конe Щьвине лехьн. Əw гэрэ хwэйитийа щийе пироз бькьн бона бехофийа зар'ед Исраел. Гава йэки дьн незик бə, гэрэ бе кöштьне. ³⁹Муса у һарун анəгори хэбэра Хöдан h'эму леви анəгори малбэтед ван жьмартьн. h'эсабе h'эму qьсьме нерини жь йэкмəhe 22000 нэфс бун.

Леви жь бэр ньхöрийе Исраелва тенə дайине

⁴⁰Хöдан готə Муса: «h'эму ньхöрийед qьсьме нерини зар'ед Исраел жь йэкмəhe бьжмьрэ. P'əqəма навед ван чекə. ⁴¹У левийа дəwса h'эму ньхöрийе зар'ед Исраел

мьнр'а к'ьфш кэ өса жи һ'эйwane левийа дэwса һ'эму ньхөрийе һ'эйwane зар'ед Израел. Эз Хөдан ьм». ⁴²Муса һ'эму ньхөрийед зар'ед Израел жьмартын, чава кө Хөдан т'эми ль wi кьрбу. ⁴³Һ'эсабе һ'эму ньхөрийе қьсьме нерини йэк мәһи у жор анэгори р'эқэма навед ван 22273 нэфс бун.

⁴⁴Хөдан Мусар'а хэбэрда у гот: ⁴⁵«левийа дэwса һ'эму ньхөрийе зар'ед Израел к'ьфш кэ өса жи һ'эйwane левийа дэwса һ'эйwane ван. У левийе п'ара мьн бьн, эз Хөдан ьм. ⁴⁶У бона ван 273 ньхөрийед зар'ед Израел кө жь левийа зедэтьр ьн, ⁴⁷жь бэр ван һэр кэсива пенщ шекьли * һьлдэ, анэгори шекьле пирозгәһе кө бист гер** э. ⁴⁸У эw п'эре бэр йед зедэва дайи бьдэ һарун у көр'ед wi». ⁴⁹Муса п'эре жь бэрвадайи бона йе жь левийа зедэтьр һьлдан, ⁵⁰ава готи эwi жь ньхөрийед зар'ед Израел 1365 шекьл анэгори шекьле пирозгәһе һьлдан. ⁵¹Муса эв п'эред бэрвадайине анэгори хэбэра Хөдан, чава кө Хөдан т'эми дабу Муса, данэ һарун у көр'ед wi.

Борще малбәтед левийа

4 Хөдан Муса у һарунр'а хэбэрда у гот: ²«Зар'ед Қоһат' анэгори малбәтед ван у олк'ед ван жь нава зар'ед Леви бьжмьрә, ³ава готи һэр кәсе жь сисалийе һ'эта пенщисалийе к'ижан қөльхкьрьнер'а һазьр э, кө хэбата Коне Щьвине бькә. ⁴Шьхөле зар'ед Қоһат' ль Коне Щьвине хwәйитийа тыштед һэрә пироз э. ⁵Wәхте р'ек'әтьна зоме һарун у көр'ед wi бьра бен п'эр'да навбьр'ийе вәкьн у бь we СьндоқаФ Пәймане бьньхемьн. ⁶Бь сәрк'еша жь ч'әрме га-мәс'ийа эw бьньхемьн, тәже шин бавежьнә сәр у дәстуйа тер'а дәрбаз кьн. ⁷Тәже шин бавежьнә сәр т'әхте нанеФ Хwәдер'а дайи у сьнийа, т'аса, к'аса, щер'ед бона

* 3:47 «Шекьл» незики 12 гьрама бу.

** 3:47 «Герәк» қаси 0,6 гьрама бу.

дийарийа^Ф сэрдакьрьне дайньнэ сэр. У нане кө һэр т'ьм сэр э ль бэр Ходан, гэрэ ль сэр жи бьминэ. ⁸Тэже сори гэвэз бавежьнэ ль сэр ван, бь сэрк'еша жь ч'эрме га-мэ'сийа we бьньхемьн у дэстуйа тер'а дэрбаз кьн. ⁹Бьра эw тэже шин һьлдьн шэмдан, ч'ьред we, дэстыкед we, сьнийед we у һ'эму дэрданед бона бьзьре we кө бона шэмдан дьдьнэ хэбате, бьньхемьн. ¹⁰We у һ'эму һащэтед we бь сэрк'еша жь ч'эрме га-мэ'сийа бьп'еч'ьн у дайньнэ ль сэр чите. ¹¹Тэже шин бавежьнэ ль сэр горигэһа зер'ин у бь сэрк'еша жь ч'эрме га-мэ'си бьньхемьн у дэстуйа тер'а дэрбаз кьн. ¹²Һ'эму һащэтед бона хэбата щийе пироз һьлдьн, дайньнэ ль нава тэже шин, бь сэрк'еша жь ч'эрме га-мэ'сийа бьньхемьн у дайньнэ ль сэр чите. ¹³К'озийа горигэһе т'эмьз кьн у тэже сори гэвэз бавежьнэ ль сэр. ¹⁴У һ'эму һащэтед weйэ хэбате дайньнэ ль сэр we: Сьнийа, гоштгыра, мэр'ька у т'эшта awa готи һ'эму һащэтед горигэһе. Сэрк'еша жь ч'эрме га-мэ'сийа бавежьнэ ль сэр у дэстуйа тер'а дэрбаз кьн. ¹⁵Гава һарун у көр'ед wi ньхамтъна щийе пироз у һэр тыштед щийе пироз хьлаз кьн, wэхте р'ек'этына зоме зар'ед Qohat' we бен кө һьлдьн, ле бьра эw дэст нэдьнэ пирозийе wэки нэмьрьн. Эв э баре зар'ед Qohat' ль Коне Щьвине.

¹⁶Елазаре көр'е һаруне к'аһин щабдаре: Бьзьре бона р'онайе, бьхура^Ф бинхwэш, дийарийа^Ф нанийэ һэр гав, р'уне р'ункьрьне йэ. Щабдаре т'эмамыйа пирозгэһе у һэр тыштед навда, өса жи Щийе Пироз у һащэтед we йэ».

¹⁷Ходан Муса у һарунр'а хэбэр да у гот: ¹⁸«Һаш жь хwэ һэбэ қэбила малбэтед қоһат'ийа жь нава левийа нэйе өндакьрьне. ¹⁹Awa һун чь гэрэ бона ван бькьн кө эw сах бьминьн у нэмьрьн гава эw незики Щийе һэри Пироз бьн: һарун у көр'ед wi бьра бен у һэр кэси ль бэр хэбата wi у борще wi бьдьнэ сэкьнандьне. ²⁰Каһати т'ө щар бэри ньхамтъна тыштед пироз бьра нэк'эвьне кө бьбиньн, wэки нэмьрьн».

²¹ Хөдан Мусар'а хэбэрда у гот: ²² «Зар'ед Гершон жи анэ-гори олк'ед ван у малбәтед ван бьжмьрә, ²³ а́ава готи һәр кәсе жь сисалийе һ'эта пенщисалийе кӧ қӧльхкьрьнер'а һазьр э шьхӧле Коне Щьвине бькә, бьжмерә. ²⁴ Эв э хәбата малбәтед гершонийа, чь гәрә бькьн у чь һьлдьн: ²⁵ Э́в гәрә тәже пирозгәһе, Коне Щьвине у сәргьра we, сәрк'еша жь ч'әрме га-мә'сийа кӧ ль сәр э у п'әр'да ль бәр дәрә Коне Щьвине, ²⁶ п'әр'дед һ'ә̀вше, п'әр'да бәр дәрә һ'ә̀вше кӧ дора пирозгәһ у горигәһе йә, һәбьнед ван у һ'ә̀му һащәтед бона хәбата ван һьлдьн. У һәр шьхӧле кӧ бона ван тышта лазьм э бьра э́в бькьн. ²⁷ Һ'ә̀му хәбата зар'ед гершонийа, а́ава готи һәр чь кӧ э́в һьлдьн у һәр чь кӧ э́в бькьн, э́в гәрәке бь готьна һарун у кӧр'ед ви бе кьрьне. һәр тыштед һьлдане бькьнә бьн сә'вити-йа ван. ²⁸ Эв э хәбата малбәтед зар'ед гершонийа Коне Щьвинеда. Э́в гәрә ве йәке бь сәрверийа Ит'амаре кӧр'е һаруне к'аһин бькьн.

²⁹ Зар'ед Мерари анэгори малбәтед ван у олк'ед ван бьжмерә, ³⁰ а́ава готи һәр кәсе жь сисалийе һ'эта пенщисалийе кӧ қӧльхкьрьнер'а һазьр э, шьхӧле Коне Щьвине бькә, бьжмерә. ³¹ Эв э баре ван кӧ э́в гәрә һьлдьн анэгори т'әмамайа шьхӧле вани Коне Щьвинеда, а́ава готи читед пирозгәһе, дәстуйед we, стунед we, бьнгәһед we, ³² стунед дора һ'ә̀вше, бьнгәһед ван, сьнгед ван у һәбьнед ван у һ'ә̀му һащәтед ван бона т'әмамайа хәбата ван тышта. һун наве һащәте кӧ э́в гәрә һьлдьн бькьнә р'ә́дәм бьжмьрьн. ³³ Эв э һ'ә̀му шьхӧлед малбәтед зар'ед Мерари Коне Щьвинеда, бь сәрверийа Ит'амаре кӧр'е һаруне к'аһин».

³⁴ Муса, һарун у сәрверед щьвине зар'ед қоһат'ийа анэгори малбәтед ван у олк'ед ван жьмартьн, ³⁵ һәр кәсе жь сисалийе һ'эта пенщисалийе кӧ қӧльхкьрьнер'а һазьр э шьхӧле Коне Щьвине бькә, ³⁶ һ'әсабе ван анэгори малбәтед ван 2750 нәфс бун. ³⁷ Эв э һ'әсабе малбәтед

Канатийа h'эмуйед кө Коне Щьвинеда дьхэбьтин, к'и-жан кө Муса у харун жьмьрин, чава кө Хөдан пе Муса т'эми кьрьбу.

³⁸ H'эсабе зар'ед Гершон анэгори малбэтед ван у олк'ед ван, ³⁹ h'эр кэсе жь сисалийе h'эта пенщисалийе кө қөльхкьрьнер'a назьр бу шьхөле Коне Щьвине бькьра, ⁴⁰ h'эсабе ван анэгори малбэтед ван, олк'ед ван 2630 нэфс бун. ⁴¹ Эв э h'эсабе малбэтед зар'ед Гершон h'эмуйед кө Коне Щьвинеда дьхэбьтин, к'ижан кө Муса у харун анэгори т'эмийа Хөдан эв жьмартын.

⁴² H'эсабе малбэтед зар'ед Мерари анэгори малбэтед ван у олк'ед ван, ⁴³ h'эр кэсе жь сисалийе h'эта пенщисалийе кө қөльхкьрьнер'a назьр бу шьхөле Коне Щьвине бькьра, ⁴⁴ h'эсабе ван анэгори малбэтед ван 3200 нэфс бун. ⁴⁵ Эв э h'эсабе малбэтед Мерари к'ижан кө Муса у харун анэгори т'эмийа Хөдан эв жьмартын.

⁴⁶ Т'эмабийа левийа анэгори малбэтед ван у олк'ед ван кө Муса, харун у сэрверед Израел эв жьмартын, ⁴⁷ h'эр кэсе жь сисалийе h'эта пенщисалийе кө назьр бу шьхөл у һьлдана Коне Щьвине бькьра, ⁴⁸ h'эсабе ван 8580 нэфс бун. ⁴⁹ Эвана вэкэ готьна Хөдан, h'эр кэс бь дэсте Муса анэгори қөльхе хвэ у барһьлдане аһа һатьнэ жьмаре, чава кө Хөдан т'эми ль Муса кьрьбу.

Пақьжкьрьна зоме

5 Хөдан Мусар'a хэбэрда у гот: ² «Э'мьри зар'ед Израел кэ кө h'эмуйед к'отиФ, h'эмуйед гэмар же дьчэ у h'эмуйед нэпақьж кө дэст данэ щьнйаз жь нава зоме дэрхьн. ³ Чава мер өса жи жьн жь зоме дэрхьнэ дэр вэки эв зомед хвэ, нава к'ижана эз һевьримэ нэһ'эр'миньн». ⁴ Зар'ед Израел хут өса кьрын эв жь нава зоме дэрхьстьнэ дэр. Чава кө Хөдан готьбу Муса зар'ед Израел хут өса кьрын.

Жь бэр гөнава дайин

⁵Хөдан т'эви Муса хэбэрда у гот: ⁶«Бежэ зар'ед Исраел, һэгэр мер йан жьнэк, ль бэр Хөдан беэ'сьлийе бькэ, ава готи гөнэки һьндава йэки дьнда бькэ у эв мэрвь гөне хвэ фэ'м бькэ, ⁷бьра эв гөне хвэйи кьри бьдэ р'уйе хвэ, бьра эв жь бэр гөне хвэва т'ам бьдэ у бьра чарика пенща жи сэрда зедэкэ у бьдэ ви ль бэр к'е гөнэ кьрийэ. ⁸Ле һэгэр пьсмаме ви мэрьви т'өнэ бэ* кь жь бэр гөнэва бьднэ ви, һьнге дайина жь бэр гөнэва, дьгьһижэ Хөдан бона к'аһин, сэрда жи бэране гөнэк'эwandьне, бь к'ижани гөнэк'эwandьн we бона ви бе кьрьне. ⁹У һ'эму һ'эдийед жь һ'эму тьштед пирозэ зар'ед Исраел кь эве биньнэ ль щэм к'аһин, бьра п'ара ви бэ. ¹⁰Тьштед пирозэ һэр кэси п'ара к'аһин ьн, к'е чь кь бьдэ ви эв п'ара ви йэ».

Мере к'өмр'эш

¹¹Хөдан Мусар'а хэбэрда у гот: ¹²«Зар'ед Исраелр'а хэбэр да у бежэ ван: «Һэр мере кь жьна ви жь р'ийа хвэ дэре у һьндава мере хвэда шир'элал нибэ, ¹³мерэк сэре хвэ wer'а дайнэ у эва йэка жь мере we вэшарти бьминэ, ле эв дьзива һ'эр'ьмийэ, шэ'дэ жи мьрабьли we т'өнэйэ, эв нэһатийэ гьртъне. ¹⁴Һэгэр р'өһе к'өмр'эшийе бе ль сэр мере we у эв к'өмр'эшийе жьна хвэ бькэ, жьн жи һ'эр'ьми йэ, йан жи һэгэр р'өһе к'өмр'эшийе бе ль сэр ви у эв к'өмр'эшийе жьна хвэ бькэ ле жьн нэ һ'эр'ьмийэ, ¹⁵бьра мер жьна хвэ бинэ ль щэм к'аһин. Бьра бона we

* 5:8 Йане гава йэк бэр йэки гөнэ дькэ гэрэ жь бэр гөне хвэва ль ви вэгэр'инэ. Ле һэгэр эв мэрвь бьмьрэ һьнге гэрэ бьднэ пьсмаме вийи незик. Ле һэгэр пьсмаме ви т'өнэбэ эв дьгьһижэ Хөдан бона к'аһин. Ле хенщи ве йэке йе гөнэк'ар гэрэ бэранэки жи бона гөнэк'эwandьне бьдэ. Бона ве қануне бьньһер'э Қануна К'аһинтийе 6:2-7.

қөрбане бьдә ава готи п'арәк жь дәһа ефа* аре щәһә, ле бьра р'ун нәр'ежә ль сәр we у нә жи бьхуре, чьмки әв дийарийа нанийә к'өмр'әшийе йә, дийарийа нанийә биранине йә бона әйанкьрьна нәһәдийе. ¹⁶ К'аһин бьра we бьбә у ль бәр Хөдан бьдә сәкьнандьне. ¹⁷ К'аһин бьра ава пироз бькә дәрдана ахин, аха әрде Коне Шә'дәтийе һьлдә у бькә нава we аве. ¹⁸ Пәйр'а к'аһин бьра жьне ль бәр Хөдан бьдә сәкьнандьне у лач'ька сәре we вәкә*, дийарийа нанийә биранине бьдә дәсте we ава готи дийарийа нанийә к'өмр'әшийе. Ле дәсте к'аһинда жи гәрә ава тә'лә ньфьр' кьрьне һәбә. ¹⁹ К'аһин гәрә we бьдә сонде у бежә жьне: «Һәгәр т'ө мери сәре хwә тәр'а данәни-йә хенци мере тә йан һәгәр тә р'ийа хwә дәрнәк'әтийи, нәһ'әр'ьмийи, тә азайи жь ве ава тә'лә ньфьр' кьрьне, ²⁰ ле һәгәр тә жь бьн қоле мере хwә дәрк'әтийи, һ'әр'ьмийи у мерәки дьн хенци мере тә сәре хwә тәр'а данийә...» ²¹ (Һьнге бьра к'аһин жьне бь сонда ньфьр'е бьдә сонде у бежә жьне) «...бьра Хөдан тә бькә ньфьр' у сонд ль нава мьләте тәда, бь дайина Хөдан бәт'ьне тә п'уч' бә у зьке тә жи бьwәр'ьмә. ²² Бьра әва ава һанә ньфьр' кьрьне бь-к'әвә зьке тә wәки зьке тә бьwәр'ьмә у бәт'ьне тә жи п'уч' бә». Бьра жьн жи бежә: «АминФ, амин». ²³ К'аһин бьра ван ньфьр'а ль сәр к'ахазе бьньвисә у ль ава тә'лда бьшо р'ә-сит кә*. ²⁴ У ава тә'лә ньфьр' кьрьне бьдә жьне кә вәхwә, ава ньфьр' кьрьне we бьк'әвә зьке we у we тә'лайе пеш-да бинә. ²⁵ Паше к'аһин бьра жь дәсте жьне дийарийа нанийә к'өмр'әшийе һьлдә, we дийарийа нани ль бәр

* 5:15 «Ефа» дәрдане 10 литьре бу.

* 5:18 ИбраниФ аһа жи те фә'мкьрьне «П'ор'е сәре we бәр'дә».

* 5:23 Wi wә'дәйи бь щур'ә һ'өбьр дьньвисин кә нава аве дьһ'әлийа. Ле ль вьр һа те фә'мкьрьне, wәки әw хәбәрәд нь-фьр' ә ль сәр к'ахазе ньвисар нава аведа дьһ'әлийан у әw бона жьне дьбунә ньфьр'. Йане әwe ава ньфьр'кьри вәдьхвар.

Хөдан бьһ'эжинэ у we дайнэ ль сэр горигәһе. ²⁶К'аһине к'өлмәке жь we дийарийа нанийә биранине һьлдә у ль сэр горигәһе агьршәwati кә у паше әwe аве ль жьне бьдә вәхварьне. ²⁷К'әнге әw жьне бь we аве бьдә вәхварьне һәгәр әw һ'әр'ьмибә, мере хwәр'а ширһ'әлал нибуйә әw ава ньфьр' кьрьне зьке weда we тәлайе пешда бинә у зьке we we бьwәр'ьмә, бәт'ьне we п'уч' бә у әw жьне ль нава мьләте хwәда бьбә ньфьр' лебуйи. ²⁸Ле һәгәр әw жьна нә һ'әр'ьмийә, һ'әлал ә, әwe аза бә we бькарьбә зар'а бинә». ²⁹Әва һинкьрьна бона к'өмр'әшийе йә, гава жьн бьн қоле мере хwә дәре у бьһ'әр'ьмә, ³⁰йан жи һәгәр р'ө-һ'е к'өмр'әшийе бе ль сэр мер у әw к'өмр'әшийе ль жьна хwә бькә у жьна хwә бьбә ль бәр Хөдан, һьнге к'аһине һ'әму анәгори we һинкьрьне бькә. ³¹Мере бесуц бә жь гөна, ле жьне бона гөне хwә суцдар бә.

Қануна бона нәзирийе

6 Хөдан Мусар'а хәбәрда у гот: ²«Зар'ед Исраелр'а хәбәр дә у бежә ван: «Һәгәр мер йан жьн бона нәзирийе дьхwазә ад-қьрар кә, кө әw бьбә нәзире Хөдан, ³Гәрәке әw хwә жь шәрав у арақе дур бьгьрә, сьрка шәраве у сьрка арақе вәнәхwә, т'ө шар жь тыште тьрийа чекьри вәнәхwә у нә тьрийе гьһишти бьхwә у нә жи к'ьшмиша. ⁴Һ'әму р'ожед нәзирийа хwәда, әw гәрәке һәр тыште жь тьрийа чекьри нәхwә, жь дәндькада гьрти һ'әта қалька. ⁵Һ'әму р'ожед ад-қьрарейә нәзирийа хwәда, гәрәке дузан сәре wi нәк'әвә, һ'әта т'әмамбуна р'ожед кө әwi хwә Хөданр'а нәзир кьрийә әw бьра пироз бә, п'ор'е сәре хwә бьра бьһелә дьреж бьн. ⁶Һ'әму р'ожед кө wi хwә Хөданр'а нәзир кьрийә әw бьра незики т'ө щьнйази нәбә, ⁷нә щьнйазе баве хwә, нә дийа хwә, нә бьре хwә нә жи хушка хwә. һ'әта бона мьрьна ван жи әw бьра пақьжийа хwә нәһ'әр'ьминә, чьмки нәзирийа бона Хwәдейе wi ль сәр сәре wi йә. ⁸Һ'әму р'ожед вийә нәзирийе бьра әw Хөданр'а пироз бә.

⁹ Ле хэгэр йэк ньшкева ль бэр ви бьмьрэ у эв сэре хвэ-ий нэзирийе бь'эр'ьминэ, һынге эв гэрэ п'ор'е хвэ р'ожа хвэйэ пацьжбуне көр' кэ. Р'ожа һ'эфта бьра эв п'ор'е хвэ көр' кэ ¹⁰ у ль р'ожа һ'эйшта бьра дө фатьмока йан жи дө щущукед кэва бинэ ль бэр дэре Коне Щьвине ль щэм к'а-һин. ¹¹ К'аһине йэки бьдэ чава дийарийа гөнэк'эwandьне йе дьне жи чава дийарийа^Ф т'эвайишэwате у ви жь гөнэйе вийи бона дэстдайна йе мьри бьк'эwинэ. Ль we р'оже сэре ви пироз бькэ. ¹² У диса р'оже хвэйэ нэзирийе Хөданр'а к'ьфш кэ, бэрхэки йэксали Хөданр'а бьдэ чава дийарийа жь бэр нәһэдийева. Р'ожед вийэ бэри ве йэке онда дьбьн, чьмки нэзирийа ви һ'эр'ьмийэ.

¹³ Эв э қануна бона нэзирийе: Чахе р'ожед нэзирийа ви т'эмам бьн, бьра ви биньнэ ль бэр дэре Коне Щьвине. ¹⁴ Эwe дийарийа хвэ бэрхэки йэксалийи бе қөсур Хөданр'а т'эвайишэwат кэ у бэрхэкэ мейэ йэк салийэ бе қөсур бона пацьжбуне дийари^Ф кэ, өса жи бэранэки бе қөсур бона дийарийа^Ф һэлэқэтийе бьдэ, ¹⁵ сэлэ нане бе һэвиртьр'шк, аwа готи к'атед жь аре хас р'унда стьрайи у лошед бе һэвиртьр'шкэ сэр р'ункьри, т'эви дийарийа wанэ нани у дийарийа wанэ вэхwарьне бьдэ. ¹⁶ К'аһин бьра ван дайнэ ль бэр Хөдан у дийарийа вийэ пацьжбу-не у т'эвайишэwате бьдэ. ¹⁷ Ле бэран т'эви сэла нане бе һэвиртьр'шк чава дийарийа һэлэқэтийе бьдэ Хөдан, өса жи к'аһин бьра дийарийа вийэ нани у вэхwарьне бьдэ. ¹⁸ һынге йе нэзир ль бэр дэре Коне Щьвине п'ор'е хвэйи нэзирийе көр' кэ. П'ор'е сэре хвэйи нэзирийе һьлдэ у дайнэ ль сэр агьре бьне дийарийа һэлэқэтийе. ¹⁹ К'аһин жи бьра пила бэране к'эланди, к'атэки бе һэвиртьр'шк, лошэки бе һэвиртьр'шк жь сэле һьлдэ у бьдэ дэстед нэ-зир, пэй көр'кьрьна п'ор'е нэзирийа wир'а. ²⁰ К'аһин гэрэ wан чава дийарийа^Ф һ'эжандьне ль бэр Хөдан бь'һ'эжинэ, эва йэка пироз э у п'ара к'аһин э т'эви синге дийарийе у пиле дийарийе. Пэйр'а нэзир дькарэ шэраве вэхwэ.

²¹Эв э қануна бона нэзирийе. Ле һэгэр эв ад-қьрар дь-кэ кӧ ль сэр қануна нэзирр'а һ'эдике зедә бьдә Хӧдан, чь кӧ жь дэсте вива те, эв гэрә хут өса бькә, чава кӧ ад-қьрар кьр бә».

Бьмбарәкийа к'анин

²²Хӧдан Мусар'а хәбәрда у гот: ²³«Һарун у кӧр'ед вир'а хәбәр дә, бежә: «Аһа зар'ед Израел бьмбарәк кьн, бежь-нә ван:

²⁴Бьра Хӧдан тә бьмбарәк кә
у хвәйи кә!

²⁵Бьра ч'ә'ве Хӧдан ль сэр тә бә
у р'ә'ме ль тә бькә!

²⁶Бьра Хӧдан бәре хвә бьдә тә
у хер у хвәшийе бьдә тә!»

²⁷Бь ви авайи наве мьне зар'ед Израелва бе гьредьн у эзе ван бьмбарәк кьм».

Дийарийед сәрверед қәбила

7 Гава Муса пирозгәһ да сәкьнандьне хьлаз кьр, эв у һәр тьштед we р'ун кьрн у пироз кьр, һынге горигәһ у һ'әму һашәтетд we жи р'ун кьрн у пироз кьр. ²Сәрверед Израел, сәрверед олк'ед ван, ава готи сәрверед қәбилед ван, йед кӧ сәрверийа навньвисаре дькьрн, дийари анин. ³Дийарийед хвә анинә ль бәр Хӧдан: Шәш ә'рәбе гьрти, донздәһ га, һәр ә'рәбәк дӧ сәрвер бун у һәрәкир'а гак, вана эв анинә ль бәр Пирозгәһе. ⁴Хӧдан Мусар'а хәбәрда у гот: ⁵«Жь ван һьлдә, әве бона хьзмәтк'арийа Конесцьвине бенә хәбате. Ван бьдә лешийа, һәр кәсир'а анәгори хәбата ви». ⁶Муса ә'рәбә у га һьлдан у эв данә лешийа. ⁷Дӧ ә'рәбә у чар га данә зар'ед Гершон, анәгори хәбата ван. ⁸Чар ә'рәбә һ'әйшт га данә зар'ед Мерари, анәгори хәбата ванә бь сәрверийа Ит'амаре кӧр'е һаруне

к'аһин. ⁹ Ле нәда көр'е Қоһат' чьмки хәбата Щийе Пироз ль сәр ван бу, вана әв гәрә ль сәр мьле хвә бьбьрана.

¹⁰ Сәрвара дийарийа пирозкьрьна* горигәһе р'ожа р'ункьрьне анин. Сәрвара дийарийед хвә анинә ль бәр горигәһе. ¹¹ Хөдан готә Муса: «Р'оже сәрверәк бьра дийарийа хвә бинә, бона пирозкьрьна горигәһе».

¹² Р'ожа пешьн Нәһшоне көр'е Аминадав жь қәбила Щь-һуда дийарийа хвә ани. ¹³ Дийарийа ви әв бу: т'әштәкә зивинә 130 шекьле*, т'асәкә зивинә 70 шекьле, анәгори шекьле пирозгәһе, һәр дө жи бь аре хаси р'унда стьрайи дагьрти бона дийарийа нани, ¹⁴ кәвч'ики зер'ини 10 шекьле бьхурева дагьрти, ¹⁵ щанәгак, бәранәк, бәрхәки йәксали бона дийарийа т'әвайишәватә, ¹⁶ нерики бона дийарийа пақьжбунә, ¹⁷ дө га, пенц бәран, пенц нери у пенц бәрхед йәксали бона дийарийа һәләқәтийе. Әва дийарийа Нәһшоне көр'е Аминадав бу.

¹⁸ Р'ожа дөда Ньт'анеле көр'е Суһар сәрверә Исахар дийарийа хвә ани. ¹⁹ Дийарийа ви әв бу: Т'әштәкә зивинә 130 шекьле, т'асәкә зивинә 70 шекьле, анәгори шекьле пирозгәһе, һәр дө жи бь аре хаси р'унда стьрайи дагьрти бона дийарийа нани, ²⁰ кәвч'ики зер'ини 10 шекьле бьхурева дагьрти, ²¹ щанәгак, бәранәк, бәрхәки йәксали бона дийарийа т'әвайишәватә, ²² нерик бона дийарийа пақьжбунә, ²³ дө га, пенц бәран, пенц нери у пенц бәрхед йәксали бона дийарийа һәләқәтийе. Әва дийарийа Ньт'анеле көр'е Суһар бу.

²⁴ Р'ожа сьсийа Әлйабе көр'е һ'елон сәрверә зар'ед Зәбулон ани. ²⁵ Дийарийа ви әв бу: Т'әштәкә зивинә 130 шекьле, т'асәкә зивинә 70 шекьле, анәгори шекьле пирозгәһе, һәр дө жи бь аре хаси р'унда стьрайи дагьрти бона дийарийа нани, ²⁶ кәвч'ики зер'ини 10 шекьле

* 7:10 Бь готьнәкә дьн: «Бөһөрти-жьбарәкьрьна».

* 7:13 «Шекьл» незики 12 гьрама бу.

бьхурева дагьрти, ²⁷щанэгак, бэранэк, бэрхэки йэксали бона дийарийа т'эвайишэwате, ²⁸нерик бона дийарийа паqьжбуне, ²⁹дö га, пенщ бэран, пенщ нери у пенщ бэрхед йэксали бона дийарийа һэлэqэтийе. Эва дийарийа Әлй-абе көр'е һ'елон бу.

³⁰Р'ожа чара Әлисуре көр'е Шьдейур сэрwере зар'ед Р'убен ани. ³¹Дийарийа wi эв бу: Т'эштэкэ зивинэ 130 шекьле, т'асэкэ зивинэ 70 шекьле, анэгри шекьле пирозгэһе, һэр дö жи бь аре хаси р'унда стьрайи дагьрти бона дийарийа нани, ³²кэвч'ики зер'ини 10 шекьле бьхурева дагьрти, ³³щанэгак, бэранэк, бэрхэки йэксали бона дийарийа т'эвайишэwате, ³⁴нерик бона дийарийа паqьжбуне, ³⁵дö га, пенщ бэран, пенщ нери у пенщ бэрхед йэксали бона дийарийа һэлэqэтийе. Эва дийарийа Әлисуре көр'е Шьдейур бу.

³⁶Р'ожа пенща Шьлумийеле көр'е Суришадайе сэрwере зар'ед Шьмһ'ун ани. ³⁷Дийарийа wi эв бу: Т'эштэкэ зивинэ130 шекьле, т'асэкэ зивинэ 70 шекьле, анэгри шекьле пирозгэһе, һэр дö жи бь аре хаси р'унда стьрайи дагьрти бона дийарийа нани, ³⁸кэвч'ики зер'ини 10 шекьле бьхурева дагьрти, ³⁹щанэгак, бэранэк, бэрхэки йэксали бона дийарийа т'эвайишэwате, ⁴⁰нерик бона дийарийа паqьжбуне, ⁴¹дö га, пенщ бэран, пенщ нери у пенщ бэрхед йэксали дийарийа һэлэqэтийе. Эва дийарийа Шьлумийеле көр'е Суришадай бу.

⁴²Р'ожа шэша Әлйасафе көр'е Дьһуйеле сэрwере зар'ед Гад ани. ⁴³Дийарийа wi эв бу: Т'эштэкэ зивинэ 130 шекьле, т'асэкэ зивинэ 70 шекьле, анэгри шекьле пирозгэһе, һэр дö жи бь аре хаси р'унда стьрайи дагьрти бона дийарийа нани, ⁴⁴кэвч'ики зер'ини 10 шекьле бьхурева дагьрти, ⁴⁵щанэгак, бэранэк, бэрхэки йэксали бона дийарийа т'эвайишэwате, ⁴⁶нерик бона дийарийа паqьжбуне, ⁴⁷дö га, пенщ бэран, пенщ нери у пенщ бэрхед йэксали бона дийарийа һэлэqэтийе. Эва дийарийа Әлй-асафе көр'е Дьһуйел бу.

⁴⁸Р'ожа һ'эфта Элишамайе көр'е Ә'миһуде сәрwere зар'ед Әфраим ани. ⁴⁹Дийарийа ви эв бу: Т'эштэкэ зивинэ 130 шекъле, т'асэкэ зивинэ 70 шекъле, анэтори шекъле пирозгәһе, һәр дө жи бь аре хаси р'унда стьрайи дагьрти бона дийарийа нани, ⁵⁰кэвч'ики зер'ини 10 шекъле бьхурева дагьрти, ⁵¹щанэгак, бэранэк, бэрхәки йәксали бона дийарийа т'эвайишәwате, ⁵²нерик бона дийарийа паqьжбуне, ⁵³дө га, пенц бэран, пенц нери у пенц бэрхед йәксали бона дийарийа һәләqәтийе. Эва дийарийа Элишамайе көр'е Ә'миһуд бу.

⁵⁴Р'ожа һ'эйшта Гамалйеле көр'е Пьдаһсуре сәрwere зар'ед Мьнашә ани. ⁵⁵Дийарийа ви эв бу: Т'эштэкэ зивинэ 130 шекъле, т'асэкэ зивинэ 70 шекъле, анэтори шекъле пирозгәһе, һәр дө жи бь аре хаси р'унда стьрайи дагьрти бона дийарийа нани, ⁵⁶кэвч'ики зер'ини 10 шекъле бьхурева дагьрти, ⁵⁷щанэгак, бэранэк, бэрхәки йәксали бона дийарийа т'эвайишәwате, ⁵⁸нерик бона дийарийа паqьжбуне, ⁵⁹дө га, пенц бэран, пенц нери у пенц бэрхед йәксали бона дийарийа һәләqәтийе. Эва дийарийа Гамалйеле көр'е Пьдаһсур бу.

⁶⁰Р'ожа нәһа Абидане көр'е Гидонийе сәрwere зар'ед Бьнйамин ани. ⁶¹Дийарийа ви эв бу: Т'эштэкэ зивинэ 130 шекъле, т'асэкэ зивинэ 70 шекъле, анэтори шекъле пирозгәһе, һәр дө жи бь аре хаси р'унда стьрайи дагьрти бона дийарийа нани, ⁶²кэвч'ики зер'ини 10 шекъле бьхурева дагьрти, ⁶³щанэгак, бэранэк, бэрхәки йәксали бона дийарийа т'эвайишәwате, ⁶⁴нерик бона дийарийа паqьжбуне, ⁶⁵дө га, пенц бэран, пенц нери у пенц бэрхед йәксали бона дийарийа һәләqәтийе. Эва дийарийа Абидане көр'е Гидони бу.

⁶⁶Р'ожа дәһа Ахиһәзәре көр'е Ә'мишадайе сәрwere зар'ед Дан ани. ⁶⁷Дийарийа ви жи эв бу: Т'эштэкэ зивинэ 130 шекъле, т'асэкэ зивинэ 70 шекъле, анэтори шекъле пирозгәһе, һәр дө жи бь аре хwәси р'унда стьрайи да-

гърти бона дийарийа нани, ⁶⁸кэвч'ики зер'ини 10 шекъле бьхурева дагърти, ⁶⁹щанэгак, бэранэк, бэрхэки йэксали бона дийарийа т'эвайишэwате, ⁷⁰нерик бона дийарийа пацьжбуне, ⁷¹дө га, пенщ бэран, пенщ нери у пенщ бэрхед йэксали бона дийарийа һэлэқэтийе. Эва дийарийа Ахи-һэзэре көр'е Әмишадай бу.

⁷²Р'ожа йанздәһа Пагийеле көр'е Ок'ране сэрwере зар'ед Ашер ани. ⁷³Дийарийа wi эв бу: Т'эштэкэ зивинэ 130 шекъле, т'асэкэ зивинэ 70 шекъле, анэгори шекъле пирозгәһе, һэр дө жи бь аре хаси р'унда стьрайи дагърти бона дийарийа нани, ⁷⁴кэвч'ики зер'ини 10 шекъле бьхурева дагърти, ⁷⁵щанэгак, бэранэк, бэрхэки йэксали бона дийарийа т'эвайишэwате, ⁷⁶нерик бона дийарийа пацьжбуне, ⁷⁷дө га, пенщ бэран, пенщ нери у пенщ бэрхед йэксали бона дийарийа һэлэқэтийе. Эва дийарийа Пагийеле көр'е Ок'ран бу.

⁷⁸Р'ожа донздәһа Аһ'ирайе көр'е Әйнане сэрwере зар'ед Нәфтәли ани. ⁷⁹Дийарийа wi эв бу: Т'эштэкэ зивинэ 130 шекъле, т'асэкэ зивинэ 70 шекъле, анэгори шекъле пирозгәһе, һэр дө жи бь аре хаси р'унда стьрайи дагърти бона дийарийа нани, ⁸⁰кэвч'ики зер'ини 10 шекъле бьхурева дагърти, ⁸¹щанэгак, бэранэк, бэрхэки йэксали бона дийарийа т'эвайишэwате, ⁸²нерик бона дийарийа пацьжбуне, ⁸³дө га, пенщ бэран, пенщ нери у пенщ бэрхед йэксали бона дийарийа һэлэқэтийе. Эва дийарийа Аһ'ирайе көр'е Әйнан бу.

⁸⁴Эв э дийарийа кө сэрwеред Исраел бона пирозкьрьна горигәһе, р'ожа р'ункьрьна we анин: Донздәһ т'эштед зивин, донздәһ т'асед зивин, донздәһ кэвч'ийед зер'ин. ⁸⁵Һэр т'эштэкэ зивин 130 шекъл бу, һэр т'асэк 70 шекъл бу, һ'әму бь һэвр'а 2400 шекъл бу, анэгори шекъле пирозгәһе. ⁸⁶Донздәһ кэвч'ийед зер'ин бьхурева дагърти, һэр кэвч'ик 10 шекъл бу, анэгори шекъле пирозгәһе, һ'әму бь һэвр'а 120 шекъл бу. ⁸⁷Һ'әму һ'эйwане бона дийарийа

т'эвайишэwате эв бун: Донздэһ щанэга, донздэһ бэран, донздэһ бэрхед йэксали т'эви дийарийа wанэ нани. У донздэһ нери бона дийарийа паqьжбуне. ⁸⁸Т'эмамия һ'эйwane бона дийарийа һэлэqэтийе эв бун: Бистчар га, шест бэран, шест нери у шест бэрхед йэксали. Эва дийарийа пирозкьрына горигэһе бу, пэй р'ункьрына wer'a.

⁸⁹Гава Муса дьк'этэ Коне Щьвине бона кө т'эви Хөдан хэбэр да, эви дэнге кө wir'a хэбэр дыда, жь сэр qалп'ахе бахшандьнейи ль сэр СьндоqаФ Шэ'дэтийейэ нава һэр дө херубадаФ дыбьхист. У Хөдан т'эви wi хэбэр дыда.

Ч'райед шэмдане

8 Хөдан Мусар'a хэбэрда у гот: ²«Һарунр'a хэбэр дэ у бежэ wi: «Гава тө ч'ра саз ки, һэр һ'эфт ч'ра гэрэ пешийа шэмдане р'онайи кьн». ³Һарун хут өса жи кьр, эви ч'райед шэмдане пешийа we саз кьрын, чава кө Хөдан э'мьр ль Муса кьрьбу. ⁴Шэмдан һа һатьбу чекьрыне: Жь бьнгэһа we һ'эта көлиркед we эw жь зер'е к'оланди бу. Анэгори щур'е кө Хөдан нишани Муса кьрьбу хут өса эви шэмдан чекьр».

Паqьжкьрына левийа

⁵Хөдан Мусар'a хэбэрда у гот: ⁶«левийа жь нава зар'ед Израел башqэ кэ у wan паqьж кэ. ⁷Бона паqьжбуна wan аһа бькэ: Ава паqьжкьрыне бьр'эшинэ ль сэр wan, бьра эw бь дузен һ'эму пьр'ча ль сэр хwэ һьлдьн, к'ьнщед хwэ бышон у эwe паqьж бьн. ⁸Бьра эw щанэгаки т'эви дийарийа wийэ нани жь аре хаси р'унда стьрайи һьлдьн у щанэге дөда жи бона дийарийа паqьжбуне тө һьлдэ. ⁹Пэйр'a левийа бинэ ль бэр Коне Щьвине у т'эмамия щьвата зар'ед Израел быщьвинэ. ¹⁰левийа бинэ ль бэр Хөдан у зар'ед Израел бьра дэстед хwэ дайньнэ ль сэр левийа. ¹¹Һарун левийа жь нава зар'ед Израел ль бэр Хөдан чава дийарийа һ'эжандьне бьдэ, кө эw бьбьнэ

хьзмэтк'аре хэбата Хөдан. ¹² Леви жи бьра дэстед хвэ дайньнэ ль сэр сэре шанэга у бона к'эвандьна левийа йэке чава дийарийа пацьжбуне бьдэ, йе дьн жи чава дийарийа т'эвайишэвате Хөданр'а. ¹³ левийа ль бэр харун у көр'ед ви бьдэ сэкьнандьне у чава дийарийа h'эжандьне бьдэ Хөдан. ¹⁴ Бь ви аवाई левийа жь нава зар'ед Израел башқэ кэ. левийе п'ара мьн бьн. ¹⁵ Пэй ве йэкер'а левийе бен Коне Щьвинеда бьхэбытн, гава тө ван пацьж ки у чава дийарийа h'эжандьне бьди. ¹⁶ Эв т'ам жь нава зар'ед Израел мьнр'а хатнэ дайине, жь бэр h'эму ньхөрийед кө бэт'ьне вэдькьн ава готи h'эму ньхөрийед жь зар'ед Израел мьн эв хвэр'а хьлдан. ¹⁷ Чьмки h'эму ньхөриед Израел, жь мерьв гьрти h'эта h'эйвен п'ара мьн ьн. Ль we р'ожа кө мьн h'эму ньхөрийед эрде Мьсьре қыр' кьрн, мьн хьнге эв хвэр'а к'ьфш кьрн. ¹⁸ Мьн леви жь бэр h'эму ньхөрийед зар'ед Израелва хьлдан. ¹⁹ У мьн леви жь нава зар'ед Израел данэ харун у көр'ед ви, эв ванр'а хатнэ дайине бона кө дэвса зар'ед Израел хьзмэтк'арийа Коне Щьвине бькьн, бона к'эвандьна гөне зар'ед Израел, вэки бэла ль нава зар'ед Израел т'өнэ бэ вэхте кө зар'ед Израел незики пирозийе бьн».

²⁰ Муса, харун у т'эмабийа щьвина зар'ед Израел бона левийа өса жи кьрн. Анэгори h'эму э'мьред кө Хөдан бона левийа ль Муса кьрбун, зар'ед Израел өса жи кьрн. ²¹ левийа хвэ пацьж кьрн, к'ьнщед хвэ шуштн у харун эв чава дийарийа h'эжандьне ль бэр Хөдан данэ сэкьнандьне. Бона пацьжбуна ван харун к'эвандьн кьр. ²² Пэй ве йэкер'а леви хатн хьзмэтк'арийа хвэ бэр харун у көр'ед ви ль Коне Щьвинеда бькьн. Чава кө Хөдан э'мьр ль Муса кьрбу бона левийа, өса жи кьрн.

²³ Хөдан Мусар'а хэбарда у гот: ²⁴ «Эва жь Левийа дьк'эвэ: Эв гэрэке жь бистпенщсалие жортър бен бьхэбытн, хьзмэтк'арийа Коне Щьвине бькьн. ²⁵ У пенщсалийа хвэда бьра эв хьзмэтк'арийе бьхельн у иди нэхэбытн.

²⁶Эw дыкарын Конe Щьвинеда бь нобэдариye бэрдэстийа бьрайед хwэ бькьн, ле хьзмэтк'арийе нэкьн. Аha бькэ бона борще стуйе левийа».

Щэжьна^Ф Дэрбазбуне ль бэр'ийа Синайеда

9 Мэha йэкейэ сала дөда пэй дэрк'этьна жь э'рде Мьсьре, Хөдан ль бэр'ийа Синайеда Мусар'а хэбэрда у гот: ²«Бьра зар'ед Израел Щэжьна^Ф Дэрбазбуне w'де веда бькьн. ³Ль бэре еваре р'ожа чардэhe ве мэhe w'де веда, анэгори h'эму қэйдэ-қанун у қьраред we, бькьн». ⁴Муса зар'ед Израелр'а хэбэрда кө Щэжьна Дэрбазбуне бькьн. ⁵Wана Щэжьна Дэрбазбуне ль бэре еваре р'ожа чардэhe мэha йэке ль бэр'ийа Синайеда кьрын. Анэгори h'эму чь кө Хөдан э'мыр ль Муса кьрбу, зар'ед Израел öса жи кьрын.

⁶hэбун мэри кө дэст дабунэ щьнийаз у нэпақьж бун у нькарьбун Щэжьна Дэрбазбуне we р'оже бькьрана. Эw we р'оже незики Муса у һарун бун ⁷у wан мэрьва готьнэ Муса: «Эмэ нэ пақьж ьн чьмки мэ дэст дайэ щьнийаз, чьма эм гэрэ хwэ жь we йэке бьгьрын кө дийарийа Хөдан w'де веда т'эви зар'ед Израел нэдьн?» ⁸Муса готэ wан: «hэла бьсэкьньн, эз бьзаньбьм к'а Хөдане бона wэ чь э'мыр кэ».

⁹Хөдан Мусар'а хэбэрда у гот: ¹⁰«Г'эви зар'ед Израел хэбэр дэ у бежэ: hэгэр йэк жь wэ йан жь зөр'эта wэ р'ийа дурда бэ йан нэпақьж бэ чьмки дэст дайэ щьнийаз, эw жи бьра Щэжьна Дэрбазбуне Хөданр'а бькэ, ¹¹ле бьра бэре еваре р'ожа чардэhe мэha дөда we бькэ. Бьра бь нане шкэва у п'ьнщар'а тэл Щэжьна Дэрбазбуне бьхwэ, ¹²жь we h'эта сьбэhe нэхелэ, нэ жи һэстуйед we бышкенэ. Бьра анэгори h'эму қэйдэ-қанунед Щэжьна Дэрбазбуне бькэ. ¹³hэгэр мэрьв пақьж бэ у ль р'евитийе нибэ ле Щэжьна Дэрбазбуне нэкэ эw нэфса гэрэ жь нава мьлэте хwэ бе бьр'ине, чьмки дийарийа Хөдан w'де веда нэ дайэ, эw мэрьве гэрэке гөне хwэ бьк'ышинэ. ¹⁴hэгэр нава wэда

хэрибэк бьжи у эв бьхвазэ Щэжьна Дэрбазбуне Хөданр'а бькэ, бьра анэгори қәйдэ-қануне Щэжьна Дэрбазбуне у қьрара we бькэ. Қәйдэ-қанун бона wэ, бона хэриб у бона бьналийе wi э'рди гэрэ йэк бэ».

Э'wr ль сэр Пирозгәһе

¹⁵ Ль р'ожа сэкьнандьна Пирозгәһе э'wr Пирозгәһ awa готи Коне Щьвине ньхамтьбу у еварда h'эта сьбәһе эw мина агьр ль сэр Пирозгәһе бу. ¹⁶ hәр гав öca бу: Р'оже э'wr эw дньхамт, шәве жи эw мина агьр бу. ¹⁷ hәр щар гава э'wr жь сэр кон р'адьбу һынге зар'ед Израел р'е дык'этын у ль wi щийе кө э'wr датини ль wьр зар'ед Израел зомед хwэ ле дыдан. ¹⁸ Бь готьна Хөдан зар'ед Израел р'е дык'этын у бь готьна Хөдан зомед хwэ ле дыдан, h'эму р'ожед кө э'wr данийа ль сэр Пирозгәһе эw ль wьр дыман. ¹⁹ Гава э'wr дьреж ль сэр Пирозгәһе бьма зар'ед Израел гөһ дыданэ нишана Хөдан у р'е нэдык'этын. ²⁰ Дьбу wәки э'wr чәнд р'ожа ль сэр Пирозгәһе дыма. Бь готьна Хөдан wана зомед хwэ ле дыдан у бь готьна Хөдан эw р'е дык'этын. ²¹ Дьбу wәки э'wr жь еваре h'эта сьбәһе дыма у сьбәһе кө э'wr бьльнд дьбу эw р'е дык'этын. Р'ож буйа йан шәв, гава э'wr бьльнд буйа эw жи р'е дык'этын. ²² hәгәр дө р'ожа, йан мәһәке, йан саләке э'wr ль сэр Пирозгәһе бьма, зар'ед Израел жи ль wьр дыман у р'е нэдык'этын. Ле к'әнге э'wr р'абуйа, эw һынге р'е дык'этын. ²³ Бь готьна Хөдан зомед хwэ ле дыдан у бь готьна Хөдан р'е дык'этын. Готьна Хөданэ бь дәсте Муса хwәйи дыкьрын.

Дө бор'ийед зивин

10 Хөдан Мусар'а хәбәрда у гот: ² «Хwәр'а дө бор'ийед зивинэ к'оланди чекә, әве тәр'а бьбьн бона газикьрына щьвине у бона р'ек'этына зома. ³ Гава дьреж wан hәр дө бор'ийа хьн т'әмамийа щьвине we быщьвә ль щәм тә ль бәр дәре Коне Щьвине. ⁴ Ле гава жь wан йәке

хьн, сэрвер, ава готи сэрэкед э'лалэтед Израел we бь-щъвьнэ ль щэм тэ. ⁵ Ле хэгэр хун кьн лехьн хьнге зомед алиие р'оһьлате ледаи р'е к'эвн. ⁶ Ле гава щара дōда кьн лехьн хьнге зомед алиие башуре р'е к'эвн. Эв ледана кьн бона р'е к'этына ван э. ⁷ Бона щъвандьна щъвине дьреж ледьн, нэ кьн. ⁸ Зар'ед һарунэ к'аһин we бор'ийа хьн, эве вэр'а бьбэ қәйдэ-қануна һ'эта-һ'этайе ль нава зөр'этед вэда. ⁹ Гава хун ль нава эрде хвэда һэр'нэ шер' мықабьли дьжмьне кō вэр'а дьжмьнатийе дькэ, хьнге кьн бор'ийа хьн, хуне ль бэр Хōдан Хвэдейе хвэ бенэ биранине у жь дьжмьнед хвэ бенэ хьлазкьрьне. ¹⁰ Оса жи р'ожа шабуна хвэда, щэжьнед хвэйэ к'ьфшкьрида у дэстпебуна мөһед хвэда бор'ийа хьн, вэхте т'эвайишэватед хвэ у дийарийед хвэйэ һэлэқэтийе жи. Эве вэр'а бьбэ чава биранин ль бэр Хвэдейе вэ. Эз Хōдан Хвэдейе вэ мэ».

Р'ек'этына жь Синайе

¹¹ Бисте мөһа дōдайэ сала дōда э'вр жь сэр Пирозгәһа Шәдэтийе бьльнд бу ¹² хьнге зар'ед Израел жь бэр'ийа Синайе р'ек'этын чун у ль бэр'ийа Паране э'вр дани. ¹³ Эв щара пешийе бу кō эв ль гора готына Хōдан бь дэсте Муса р'ек'этын, ¹⁴ у ала зома зар'ед Щьһуда анэгори ордийед хвэ пешийе чу. Сэрвере ордийа ви Нәһшоне көр'е Аминадав бу. ¹⁵ Сэрвере ордийа қэбила зар'ед Исахар Ньт'анеле көр'е Суһар бу. ¹⁶ Сэрвере ордийа қэбила зар'ед Зэбулон Әлийабе көр'е һ'елон бу. ¹⁷ Ле гава Пирозгәһ дьһатэ һэвдане хьнге зар'ед Гершон у зар'ед Мерари дьчун у Пирозгәһ дьбрьн.

¹⁸ Пәйр'а ала зома Р'убен анэгори ордийед хвэ дьчу у Әлисура көр'е Шьдейур сэрвере ордийа ви бу. ¹⁹ Сэрвере ордийа қэбила зар'ед Шьмһ'ун Шьлумийеле көр'е Суришадай бу. ²⁰ Сэрвере ордийа қэбила зар'ед Гад Әлийасафе көр'е Дьһуйел бу. ²¹ Пәйр'а Каһати дьчун, йед кō тьштед пироз дьбрьн. Пирозгәһ гэрэ бэри һатына ван бьһата вэгьртыне.

²²Пэйр'а ала зома зар'ед Эфраим анэгори ордийед хwэ дьчу у Элишамайе көр'е Әмиһуд сәрwere ордийа wi бу. ²³Сәрwere ордийа қәбила зар'ед Мьнашә Гама-лйеле көр'е Пьдахсур бу. ²⁴Сәрwere ордийа қәбила зар'ед Бьнйамин Абидане көр'е Гидони бу.

²⁵Пэйр'а чава пыштгьре һ'әму зома, ала зома зар'ед Дан анэгори ордийед хwэ дьчу у Ахиһәзәре көр'е Әмишадай сәрwere ордийа wi бу. ²⁶Сәрwere ордийа қәбила зар'ед Ашер Пагийеле көр'е Ок'ран бу. ²⁷Сәрwere ордийа қәбила зар'ед Нәфтәли Аһирайе көр'е Әйнан бу. ²⁸Әв ын қәйдед чуйина зар'ед Израел анэгори ордийед ван. Әв бь ви аwайи дьчун.

²⁹Һьнге Муса готә һ'оваве көр'е Р'һуеле мьдйанийи хә-зуре хwә: «Әм дьчьнә ль wi щийе кө Хөдан гот: «Әзе wi бьдъмә wә». Т'әви мә wәрә әме қәнщийе бона тә бькьн, чьмки Хөдан қәнщи соз дайә Израел». ³⁰Ле әwi щаба Муса да: «Әз найем, ле әзе вәгәр'ьм һәр'ьмә ль әрде хwә у нава мәрийед хwә». ³¹Муса гот: «Жь к'әрәма хwә мә нә-һелә, чьмки тә зани кө бәр'ийеда әм к'идәре зомед хwә ледьн, те бьби р'ебәре мә. ³²Аwа һәгәр тә т'әви мә бейи, әв қәнщийа кө Хөдане бона мә бькә, әме жи бона тә бькьн».

³³Оса әв жь ч'ийайе Хөдан р'ийа се р'ожа чун. Сьндоқа Пәймана Хөдан жи пешийа ванва р'ийа се р'ожа дьчу, wәки щийе р'һ'әтбуне ванр'а р'ач'әв кә. ³⁴Ә'wре Хөдан р'оже ль сәр ван бу чахе әв жь зоме р'едьк'әтн.

³⁵У дәма бьрьна сьндоқе, Муса дьгот: «Р'абә Хөдан! У бьра дьжмьнед тә бәла бьн, йед дьжәньнә тә бьра жь бәр тә бьр'әвьн». ³⁶Ле чахе сәкьнандьне әwi дьгот: «Хөдан ль һ'әзар-һ'әзаред Израел вәгәр'ә!»

Бинтәнгийа Т'аберайеда

11 У бу wәки щьмә'те тәнгасийеда һьндава Хwәде-да бина хwә тәнг кьр. Хөдан бьһист, һерса wi р'абу у агьре Хөдан нава wанда алав пек'әт у п'еша зоме һ'уфи хwә кьр. ²Һьнге щьмә'те һәwара хwә Муса ани.

Муса бь дӱа хвэ авитэ Хӱдан у агьр весийа. ³Наве ви щийи Муса данин Т'авэ'ра*, чьмки агьре Хӱдан ль нава ванда алав пек'эт.

Бинтэнгийа Қиброт-һат'авайеда

⁴Мьлэтед башқәйэ бе п'эргал нава ванда дьлһавь-жи кьрын. Зар'ед Исраел жи диса гьрийан у готын: «К'е we гошт бьдэ мә эм бьхвьн? ⁵Те бира мә эв мә'сийед Мьсьреда кӱ мә бе һәқ дьхварьн. Ӗса жи хьйар, зэвәш, пивазок, пиваз у сир. ⁶Ле ньһа нәфса мә ч'ьла буйэ, т'ӱ тьшт т'ӱнә, т'әне манайэ ль бәр ч'әвед мә».

⁷(Мана* жи мина жь к'ома т'охьме мехьке бу, р'энге we жи мина бьдолахе^ф бу. ⁸Щьмә'т дьгәр'ийа, т'оп дькьрын у бь дәстар' дьһеран, йан жи щонида дьк'ӱтан, бәрошда дьк'әландьн у жь we к'атә чедькьрын. Тәма we мина тәма к'ате р'ун бу. ⁹У гава шәв қыр'авийе ль нава зоме дадани, манайе жи сәрда датини).

¹⁰Муса бьһист вәки щьмә'т нәфәред хвәва, һәр кәс ль бәр дәре коне хвэ, дьгьри. һьнге һерса Хӱдан гәләки р'абу, кьрына ван ль сәр Муса жи гьран р'унышт. ¹¹Муса готә Хӱдан: «Тә чьма әвде хвэ авитэ нава охьрмед гьран? Чьма мьн к'әрәм ль бәр ч'әвед тә нә дит? Тә чьма нире һ'әму ви мьләти авитэ стуйе мьн? ¹²Дьбә эз ви мьләти-да пе мамә, йан әв жь мьн дьне к'әтьнә, вәки тӱ мьн'ра дьбежи: «Ван һ'әмеза хвәда бьбә», чава дәстдәргуш зар'а ширхӱр дьбә, һ'әта ви әрде кӱ тә бавед ван'ра сонд хварийә? ¹³Әзе гошт жь кӱ биньм вәки бьдмә т'әмабийа ви мьләти? Чьмки әв ль бәр мьн дьгьрин, дьбежьн: «Гошт бьдэ мә эм бьхвьн!» ¹⁴Әз нькарьм т'әне т'әмабийа ви мьләти бьбьм, чьмки гьран ә бона мьн!

* 11:3 «Т'авэ'ра» жь к'окхәбәра хәбәра ибрани те кӱ те фә'мкь-рьне «Шәвьтандьн».

* 11:7 Бьньһер'ә Дәрк'әтьн 16:14-15, 31.

¹⁵Wэки тō оса тини сәре мьн, дьһа р'ьнд э мьн бькōжә, һәгәр мьн ль бәр ч'әвед тә к'әрәм дитийә. Әзе бәләнга-зийа хwә нәбиньм!»

Һ'әфте р'успи

¹⁶Хōдан готә Муса: «Жь нава р'успийед Исраел мьнр'а һ'әфте мәрви бьбьжерә, йед кō тō зани әwә р'успи у сәрwеред мьлэт ьн. Wана бинә ль Конә Щьвине у бьра әw ль wьр т'әви тә бьсәкьньн. ¹⁷Әзе жи пәйа бьм, ль wьр т'әви тә хәбәр дьм у жь Р'ōһ'е кō ль сәр тә йә һьлдьм у дайньмә ль сәр wан. Wэки әw жи т'әви тә нире ви мь-ләти һьлдьбьн у тō т'әне һьлнәди. ¹⁸Мьләтр'а жи бежә: «Хwә пақьж кьн бона сьбе у һуне гошт бьхwьн, чьмки һун ль бәр Хōдан гьрийан, wә гот: «К'е we гошт бьдә әм бьхwьн? Чьмки ль Мьсьре мәр'а қәнц бу». Хōдане гошт бьдә wә һуне бьхwьн. ¹⁹Нә р'ожәке һуне гошт бьхwьн, нә дō р'ожа, нә пенщ р'ожа, нә дәһә р'ожа, нә жи бист р'ожи, ²⁰ле хут мәһәке, һ'әта әw фьнщьке wәр'а нәйе у мәде wә ль һәв нәк'әвә, чьмки wә Хōдан т'әхсир кьр, йед кō нава wәда йә, ль бәр wi гьрийан, гот: «Чьма әм жь Мьсьре дәрк'әтьн?»»

²¹Ле Муса гот: «Мьләте кō әз навда мә, 600000 мер ьн, тō дьбежи: «Гошт әзе бьдьмә wан у әwe мәһәке бьхwьн». ²²Һәгәр пәз-дәwар бе сәржекьрьне бона wан, гәло we т'ера wан бькә? Йан һ'әму мәсийед бәре бенә гьртьне бона wан, гәло we т'ера wан бькә?»

²³Хōдан готә Муса: «Чьма жь дәсте Хōдан найе? Ньһа те бьбини, хәбәра кō мьн готә тә, we бе сери йан на». ²⁴Муса дәрк'әт у хәбәрәд Хōдан готә мьлэт. Һ'әфте мәри жь р'успийед мьлэт щьwандьн у әw ль дора Кон данә сәкьнандьне. ²⁵У Хōдан ль ә'wрда пә-йа бу у т'әви Муса хәбәрда, жь Р'ōһ'е ль сәр wi һьлда у дани ль сәр һ'әфте меред р'успи. Гава р'ōһ' дани ль сәр wан, wана п'ехәмбәрти^Ф кьр, ле думайи нәкьрьн.

²⁶У ль нава зоме дө мэри мабун, наведе йэки Элдад бу, наведе йе дьн Мейдад бу. P'öh' дани ль сэр ван жи, чьмки эв жь ван бун йед кө һатьбунэ һьвисаре, ле дэрнэк'этьбунэ бэр Кон. Вана зомеда п'ехэмбэрти дькьр. ²⁷Хортэк бэзи, элами Муса кьр, гот: «Элдад у Мейдад зомеда п'ехэмбэртийе дькьн!» ²⁸Һьнге Йешуйе көр'е Нун, кө жь щаһьлтийа хвэда бэрдэстийе Муса бу, гот: «Хвэйе мьн, Муса, ван һьле!» ²⁹Муса готэ ви: «Эв тө дэвса мьн һ'эвсудийе дьки? Хвэзи т'эмамия мьлэте Хөдан п'ехэмбэр буна, кө Хөдан P'öh'e хвэ данийа ль сэр ван». ³⁰Муса у һ'эму р'успи-йед Израел вэгэр'ийанэ зоме.

Қар'иткФ

³¹Һьнге бь қьрара Хөдан ба р'абу у қар'иткФ жь алиие бэре ажотьн аниэ зоме, вэкэ р'ийа р'ожэке ль дора зоме у дө зэнд жь эрде бьльндтър дьфьр'ин. ³²Мьлэт р'абу у т'эмамия we р'оже, т'эмамия we шэве у т'эмамия р'ожтэра дьн қар'итк дьданэ һэв. Йе лапи һьндьк дэһэ һомер* т'оп кьрн у вана эв ль дора зоме р'ахьстьн**. ³³Гошт һе бэр дьране ванда бу, һе нэ шутьбун, гава һерса Хөдан ль мьлэт р'абу у Хөдан бь бэлакэ гэлэки мэзьн ль мьлэт хьст. ³⁴У наведе ви щийи данин Қиброт-Һат'ава*, чьмки ль вьр мэрьвед дьлһавьжи дэфьн кьрн. ³⁵Жь Қиброт-Һат'авайе мьлэт р'е к'эт чу һ'асероте у эв ль һ'асероте ман.

* 11:32 «Һомер» дэрданэк бу кө незики 200 литьр тьшт һьлдьда.

** 11:32 Зар'ед Израел қар'иткед гьрти р'адьхьстьн кө һ'шкьн, вэки зу хьраб нэбьн. Эм заньн кө мьсьрийа өса дькьрн. Вана гошт хве дькьрн у даданиэ ль бэр тэ'ве кө зьһа бэ, бона кө дьреж бьһата хвэйикьрьне.

* 11:34 Бь зьмане ибрани «Мэзэле дьлһавьжийе»

Мэрийэм у харун һэвсуди Муса кьрын

12 Мэрийэм у харун мьрабьли Муса хэбэр дан, бона жьна к'ушийэ* станди (чьмки эви жьна к'уши стандьбу). ²Вана гот: «Дьбэ Хөдан т'эне бь дэве Муса хэбэр да? Нэ бь дэве мэ жи хэбэр да?» У Хөдан эв йэк бьхист. ³(Муса мэрвьэки гэлэки шкэсти бу, жь һ'эму мэрвьед ль сэр р'уйе эрде гэлэктър).

⁴Ньшкева Хөдан Муса, харун у Мэрийэмер'а хэбэр да: «Һун һэр сьсе дэрэнэ ль Коне Щьвине» у һэр сьсе жи дэрк'этын. ⁵Хөдан ль стуна э'врда пэяа бу ль бэр дэре Кон сэкьни, гази харун у Мэрийэме кьр у эв һэр дө жи дэрк'этын. ⁶Хөдан гот:

«Ньһа гөһ бьдьнэ хэбэред мьн.

Һэгэр нава вэда п'ехэмбэр һэбэ жи,

эз, Хөдан дитьнокеда вива э'йан дьбьм

у хэвнеда шир'а хэбэр дьдьм,

⁷ ле т'эви Мусайе э'вде хвэ, өса ниньм,

эв ль нава т'эмабийа мала мьнда йэки амьн э.

⁸ Т'эви ви эз р'у бь р'у хэбэр дьдьм,

ашкэрэ, нэ бь мэсэла

у эв дьлqe Хөдан дьбинэ.

Һун чава нэтьрсийан

кө мьрабьли э'вде мьн Муса хэбэрдьн?»

⁹Һынге һерса Хөдан ль ван р'абу у һышт чу. ¹⁰Гава э'вр жь сэр Кон чу, ава Мэрийэм мина бэрфа сьпи бь к'отибу-неФ һатэ ледане. харун дина хвэ да Мэрийэме, ва йэ эв к'оти буйэ. ¹¹харун готэ Муса: «Хвэйе мьн, һиви дькьм! Мэр'а гөнэ һ'есаб нэкэ, гөне кө мэ бэфэ'мийа хвэ кьр. ¹²К'эрэма хвэ, бьра Мэрийэм нэбэ мина ви мьрийе, кө ча-хе жь бэт'ьна дийа хвэ дьк'эвэ, ниве қальб иди п'уч'буйи

* 12:1 «К'уши» эв терминэк э, кө бона мэрвьед жь р'оһьлата Африкайе дьһатэ хэбате.

йә». ¹³ Муса ль бәр Хөдан гьрийа, гот: «Йа Хөдан, к'эрәма хwә, әз т'әwаqә дькьм, we қәнщ кә!»

¹⁴ Хөдан готә Муса: «Һәгәр баве we т'уйи р'уйе we бькьра, гәло һынге әw һ'әфт р'ожа гәрә шәрмийеда нәбуя? Бьра әw һ'әфт р'ожа жь зоме дәр бе хwәйикьрьне, пәйр'а әве бе қәбулкьрьне».

¹⁵ У Мәрийәм һ'әфт р'ожа жь зоме дәр һатә хwәйикьрьне, мьләт р'е нәдьк'әт һ'әта кә Мәрийәм һатә қәбулкьрьне. ¹⁶ Паше мьләт жь һ'асероте р'е к'әт, һатә бәр'ийа Паране у зомед хwә ледан.

Щә'сусийа КәнанеФ

13 Хөдан Мусар'а хәбәрда гот: ² «Хwәр'а мәрьва бь- шинә кә щә'сусийа ә'рде КәнанеФ бькьн, к'ижани кә әз дьдьмә зар'ед Израел. Жь һәр қәбиләкә бавед ван мәрьвәки бьшинә, аwа готи жь сәрwере нава wанда».

³ һынге Муса әw анәгори готьна Хөдан жь бәр'ийа Паране шандьн. Әw һ'әму мәрьв сәрwере зар'ед Израел бун. ⁴ Әв ын навед ван: Жь қәбила Р'убен Шамуайе кәр'е Зак'ур бу.

⁵ Жь қәбила Шьмһ'ун Шафате кәр'е һ'ори бу.

⁶ Жь қәбила Щьһуда К'алебе кәр'е Йьфунәһ бу.

⁷ Жь қәбила Исахар Игале кәр'е Усьв бу.

⁸ Жь қәбила Әфрайим һошейайе кәр'е Нун бу.

⁹ Жь қәбила Бьнйамин Палтийе кәр'е Р'афу бу.

¹⁰ Жь қәбила Зәбулон Гаддийеле кәр'е Соди бу.

¹¹ Жь қәбила Мьнашә (қәбиләкә жь Усьв) Гаддийе кә- р'е Суси бу.

¹² Жь қәбила Дан Ә'мийеле кәр'е Гьмалли бу.

¹³ Жь қәбила Ашер Сьт'уре кәр'е Мьхайил бу.

¹⁴ Жь қәбила Нәфтәли Наһ'бийе кәр'е Вофси бу.

¹⁵ Жь қәбила Гад Гәйуеле кәр'е Махи бу.

¹⁶ Әв ын навед ван мәрьвед кә Муса шандьн щә'сусийа ә'рде бькьн. Муса наве һошейайе кәр'е Нун дани Йешу*.

* 13:16 «Һошейа» те т'әрщьмәкьрьне: «әw хьлаз дькә». Ле «Йе- шу» те т'әрщьмәкьрьне: «Хөдан хьлаз дькә».

¹⁷Муса эw шандьн кö щэ'сусийа эрде Кэнане бькьн у готэ ван: «Р'абьн һэр'ьнэ НэщэфеФ у һ'эта эрде ч'ийа-банийа һьлк'ьшьн. ¹⁸Бьньһер'ьн эрд чава йэ. Мэрьвед ль ви эрди дьжин қэват ьн йан сьст ьн, п'ьр' ьн йан һьндьк ьн? ¹⁹Эрде кö эw ле нэ чава йэ, қэнщ э йан хь-раб э? Бажаред эw ле дьжин вэкьри нэ йан суркьри нэ? ²⁰Эрд чава йэ, хwэйи дэрэмэт э йан бе бэр э, бах һэнэ йан т'өнэнэ? Сэрхwэ бьн у жь бэре ви эрди биньн». (Эв wэде тьрийед пешьн бу.) ²¹У эw р'абун щэ'сусийа ви эрди кьрьн, жь бэр'ийа Сине* гьрти һ'эта Р'ьһ'ове ль Льбо-һамате. ²²Эw р'абун һьлк'ьшийанэ Нэщэфе у гь-һиштьнэ һеброн у ль wьр Ахиман, Шешай у Т'алмай, зар'ед энақийаФ дьман. (һеброн һ'эфт сала бэри Зойана мьсьрийа һатьбу чекьрьне). ²³Эw гьһиштьнэ нэwала Эшк'оле у ль wьр wана гушики тьрийе ч'ьрълва чьнин дарэк навр'а кьрьн у дö мэрйя эw һьлдан, öса жи чэнд һ'ьнар у һежир һьлдан. ²⁴Наве ви щийи данин нэwала Эшк'ол*, бона гушийе ль wьр зар'ед Израел чьнин. ²⁵Пэй чьл р'ожир'а эw жь щэ'сусийа ви эрди вэгэр'ийан.

²⁶Эw һатьн у чунэ ль щэм Муса, һарун у т'эмамыйа щьвина зар'ед Израел ль бэр'ийа Паран, Qадеше. Ван у т'эмамыйа щьвинер'а хэбэр анин у бэред ви эрди нишани ван кьрьн. ²⁷Мусар'а сальх кьрьн у готьн: «Эм чунэ ви эрде кö тэ эм шандьне, бь р'асти шир у һьнгьв же дьк'ьшэ, эвана жи бэре ви нэ. ²⁸Ле мьлэте ль ви эрди дьжи, қэват э, бажар жи бь суред гэлэки мэзын ьн, öса жи мэ зар'ед энақийа ль wьр дитьн. ²⁹АмалекиФ ль Нэщэфе дьжин, һ'ити, йэбуси у эмориФ ль сэр ч'ийа-банийа дьжин, кэнаниФ жи дэве бэре у к'елэка Урдöне дьжин». ³⁰Ле К'алерб щьмэт' ль бэр Муса да кэр'кьрьне у гот: «Р'абьн эм һэвраз

* 13:21 Бэр'ийа Сине синоре башура Кэнане бу у Льбо-һамат синоре бакöра Кэнане бу.

* 13:24 Бь зьмане ибраниФ «Гуши».

һәр'ын у ви быкьнэ мьлк'е хвэ, чьмки эме э'сэ ви зэфти хвэ кьн». ³¹ Ле мәр'вед кō т'эви ви һэвраз чубун дьготьн: «Әм нькар'ын һэвраз һәр'ын мьқаб'бли ван, чьмки әв жь мэ қәватт'ыр ын». ³² Вана шаб-савед х'раб бәла дьк'ьр'ын нава зар'ед Исраел бона әрде щә'суси к'ьри, дьготьн: «Әрде кō эмә чубуне вәки щә'сусийа we быкьн, әв әрд бьнәлийед хвэ һ'уфи хвэ дькә у һ'әму мәр'вед кō мэ ль сәр we дит'ьн мәр'внә бәж'ьн-б'льнд ын. ³³ Ль в'ьр мэ ә'савә дит'ьн (зар'ед әнақийа п'арәкә жь ә'савә бун) у әм ль бәр ч'ә'вед хвэ мина кōлийа бун өса жи ль бәр ч'ә'вед ван бун».

Сәрһьлдан у щәзайе щьм'әте

14 Т'әмамийа щьвине дәнге хвэ һьлда у we шәве мьлэт г'ьрийа. ² Т'әмамийа зар'ед Исраел мьқаб'бли Муса у һарун бина хвэ тәнг к'ьр, т'әмамийа щьвине готә ван: «Хвәзи әм әрде Мьсьреда бьм'ьрана йан хвәзи әм ль ве бәр'ийеда бьм'ьрана! ³ Гәло чьма Хөдан мэ дьбә ль ви әрди? Вәки әм бь шур бенә қьр'е? Жьн у зар'ед мэ т'алан һәр'ын. Гәло мәр'а нә қәнщ ә әм вәгәр'ьнә Мьсьре?» ⁴ Гот'ьнә һәвдө: «Вәр'ьн әм сәр'верәки к'ьфш кьн у вәгәр'ьнә Мьсьре». ⁵ һьнге Муса у һарун ль бәр т'әмамийа щьвина зар'ед исраелейә щьвийайи дәвәр'уйа чунә әрде. ⁶ Йешуйе кәр'е Нун у К'алебе кәр'е Йьфунәһ жь ван йед кō щә'сусийа ви әрди к'ьр'ьбун к'ьнщед хвэ қәлашт'ьн ⁷ у гот'ьнә т'әмамийа щьвина зар'ед Исраел: «Әрде кō әм навр'а дәрбазбун бона щә'сусийе, әв әрдәки п'ьр' хвәш ә. ⁸ һәгәр Хөдан һ'ьз кә, әве мэ бьбә в'ьр у ви әрди бьдә мэ, к'ижан кō шир у һьнг'ьв же дьк'ьшә. ⁹ Т'әне мьқаб'бли Хөдан р'анәбьн у жь мәр'вед ви әрди нәт'ьрсьн, чьмки әве бьб'ьнә хөре мэ. Сийа сәр ван жь сәр ван һатә һьлдане. Хөдан т'эви мэ йә, жь ван нәт'ьрсьн». ¹⁰ Ле т'әмамийа щьвине гот: «Ван бьд'ьнә ль бәр кәвьра!» һьнге р'умәта Хөдан ль Конеф Щьвинеда т'әмамийа зар'ед Исраелва хөйа бу. ¹¹ Хөдан готә Муса: «һ'әта к'әнге әв мьләте мьн

т'эхсир кэ? Н'эта к'энге эве бавэрийа хвэ мьн нэйнэ, нэца жи нишан мьн ль нава вида кьрын? ¹²Эзе бь нэ-хвэшийа н'ал ван хьм у мьлк' жь ван бьстиньм у тэ бькьмэ мьлэтэки жь ван мэзынтър у қəваттър». ¹³Муса готэ Хөдан: «Мьсьри, жь нава к'ижанада тэ эв мьлэт бь қəвата хвэ дэрхьст we бьбьһен ¹⁴у we бежьнэ бьнэлийед ви эрди. Эвед кө бьһистьнэ вэки тө йа Хөдан, ль нава ви мьлэтийи, кө р'у бь р'у тө йа Хөдан, хөйа буйи. Э'wpe тэ ль сэр ван э у р'оже ль стуне э'wрда пешийа ванва дьчи, шэв жи бь стуна агьр. ¹⁵Һэгэр тө ви мьлэти чава мэрвьэки қьр' ки, һынге эв мьлэтед кө бона тэ бьһистьнэ we бежьн: ¹⁶Хөдан нькарьбу эв мьлэта бьбьра ль эрде кө бь сонд соз дабу ван, лэма эв ль бэр'ийеда қьр' кьр». ¹⁷Дэ бьра ньһа қəвата Хвэйе мьн мэзын бэ, чава кө тэ гот: ¹⁸Хөдан сэбьр-ськ'ан э у хвэйе н'өба амьн э, нэһэқийе у нэр'астийе дьбахшинэ. Ле суцдара бе щэ-за наһелэ, нэһэқийа бава тинэ сэре зар'а, н'эта ньсьле сьсийа у чара» ¹⁹Жь к'эрэма хвэ нэһэқийа ви мьлэти анэгори н'өба хвэйэ амьнэ п'ьр' бьбахшинэ, чава кө тэ жь Мьсьре н'эта ньһа бахшандийэ ви мьлэти». ²⁰Хөдан гот: «Мьн анэгори готьна тэ бахшанд. ²¹Эз сахийа хвэ кьм, чава бь р'умэта Хөдан we т'эмамийа эрде т'ьжи бэ. ²²Н'эму мэрвьед кө р'умэт у нишанед мьн дитьн, к'ижан кө мьн Мьсьре у бэр'ийеда кьрын у ван дэһэ щара эз щер'ьбандьм у гөһ нэданэ дэнге мьн, ²³эв эрде кө мьн бь сонд соз дабу бавед ван, эв набиньн. Н'эмуйед кө эз т'эхсир кьрым ви эрди набиньн, ²⁴пештър К'алебе э'в-де мьн, чьмки р'өһ'эки дьн нав вида бу у т'ам гөр'а мьн кьр, эзе ви бьбьмэ ви эрде кө эв чуйе у зөр'эта ви we ле war бэ. ²⁵Амалеки^Ф у кэнани нэвалада* дьжин. һун сьбе р'абьн р'ек'эвьн р'ийа Бэра Сорр'а һэр'ьнэ бэр'ийе».

* 14:25 һьнэ занэ дьфькьрын кө бэлки эв нэвала Урдьне йэ.

²⁶Хөдан Муса у һарунр'а хэбәрда у гот: ²⁷«Һ'эта к'энге эв щьвина һанэ хьраб we һьндава мьнда бина хwэ тэнг кэ? Бинтэнгийа зар'ед Израел кө һьндава мьнда бина хwэ тэнг дькьн, мьн бьһист. ²⁸Бежэ ван: «Эз сахийа хwэ кьм, Хөдан дьбежэ, мьн бьһист чь wэ гот, хут өса эзе биньмэ сәре wэ. ²⁹Ль ве бәр'ийеда щьнйазе wэйе бьминьн. Йе ван һ'эмуйед жьмартийэ wэкэ һ'есабе wэ, жь бистсалийе жортър, к'ижана кө һьндава мьнда бина хwэ тэнг кьрьнэ. ³⁰Әвана we нак'эвьнэ ль әрде кө мьн сонд хвар wәки wэ ле war кьм. Пештьри К'алебе көр'е Йьфунәһ у Йешуйе көр'е Нун. ³¹Хьшимед wэйэ бона к'ижана wэ дьгот кө әве т'алан һәр'ьн, эзе ван бьбьмэ wьр у әве wi әрди тә'м кьн, к'ижан кө wэ т'әхсир кьр. ³²Ле щьнйазед wэ we ль ве бәр'ийеда бьминьн. ³³Зар'ед wэ жи we чьл сали т'әркәсәри бәр'ийе бьн у we бьчәрчь-рьн р'уйе беәсьлийа wәда, һ'эта щьнйазед wэ бәр'ийеда бьрьзьн. ³⁴Wэ чьл р'ожи щә'сусийа wi әрди кьр, ле һуне щәзайе бона гөнәйед хwэ чьл сали бьстиньн. Саләке жь бәр р'ожәкева. Wәки һун бьзаньбьн мьқабльи мьн чуйин чьйә. ³⁵Мьн Хөдан гот, хут өса жи эзе биньмэ сәре т'әмамийа ве щьвина һанэ хьраб йа кө р'абуйә мьқабльи мьн. Ль ве бәр'ийеда қьр'а wане бе у ль wьр we бьмьрьн». ³⁶Әw мәрьвед кө Муса шандьбун wәки щә'сусийа wi әрди бькьн, гава вәгәр'ийан, т'әмамийа щьвине р'акьрьнэ мьқабльи Муса, щаб-саwe хьраб бона wi әрди бәла дькьрьн, ³⁷Һ'әму әw мәрьвед кө щаб-саwe хьраб бона wi әрди бәла дькьрьн бь бәла һатьнэ көшть-не ль бәр Хөдан. ³⁸Жь ван мәрьвед кө чубун щә'сусийа wi әрди бькьн т'әне Йешуйе көр'е Нун у К'алебе көр'е Йьфунәһ сах ман. ³⁹Гава Муса эв хэбәр гиһандьнэ т'әма-мийа зар'ед Израелр'а, мьлэт шинәкә гьран кьр. ⁴⁰Сьбәхе зу әw р'абун кө һьлк'ьшинэ сәр ч'ийа-банийа, дьготьн: «Әм һазьр ьн һьлк'ьшьнэ ль wi щийе кө Хөдан готьбу, чьмки мә гөнә кьр». ⁴¹Муса гот: «Һун чьма гөр'а Хөдан

накын? Йэкэ эв йэк бэфэйдэ йэ. ⁴² Ылнэк'ышын кё хун жь дьжмьнед хвэ нэйенэ қыр'е, чьмки Хөдан т'эви вэ нинэ. ⁴³ Амалеки у кэнани ль вьр пешийа вэ нэ, хуне бь шур бьк'эвын, чьмки вэ пышта хвэ да Хөдан у Хөдане т'эви вэ нибэ». ⁴⁴ Вана хвэ һ'ышьр кьр, һьлк'ышийанэ сәре ч'ийа-банийа, ле Сьндоқа^Ф Пэймана Хөдан у Муса жь зоме дэрнэк'этын. ⁴⁵ Ынге амалеки у кэнани бьнэ-лийед ван ч'ийа-банийа бәржер бун у қыр'а ван анин, һ'эта һ'ормае эв һурдэхвэши кьрын.

Қануна дийарийа

15 Хөдан Мусар'а хэбәрда гот: ² «Зар'ед Исраелр'а хэбәр дэ у бежэ ван: «Гава хун һәр'ынэ ви әрде ши-варед хвэ, к'ижани кё эз бьдьмэ вэ ³ у хун Хөданр'а дийарийед шәватэ бьдын, һэгәр эв йа т'эвайишәватэ бэ, йан қөрбанэкэ жь пез-девер бэ бона ад-қьрар қэдандьне, йан дийарийед р'эзэдьлийе бэ, йан жи йа шәжьнед вэда бэ, вәки Хөданр'а дийарийа бинхвэш бьдын, аһа бькьн:

⁴ Дийардар кё дийарийа хвэ тинэ, бьра Хөданр'а дийарийа^Ф нани бьдэ, ава готи п'арэкэ чапейэ жь дәһа йэк* аре хас, т'эви п'арэкэ һинейэ жь чара йэк** р'унда стьрайи. ⁵ У бона һәр бәрха дийарийа т'эвайишәватэ, йан жи қөрбана п'арэкэ һинейэ жь чара йэк шәрав, чава дийарийа^Ф сәрдакьрыне бьдэ.

⁶ Ле т'эви бәран, п'арэкэ чапейэ жь дәһа дөдө аре хаси стьрайи, п'арэкэ һинейэ жь сьсийа йэк жи р'унда стьрайи, чава дийарийа нани бьдэ, ⁷ өса жи п'арэкэ һинейэ жь сьсийа йэк шәрав бона дийарийа сәрдакьрыне, чава дийарийа бинхвэш Хөданр'а бьдэ.

⁸ Гава тө щанэга чава дийарийа т'эвайишәватэ, йан қөрбана бона қэдандьна ад-қьраре, йан дийарийа^Ф

* 15:4 «П'арэкэ чапейэ жь дәһа йэк» қази килограмэк бу.

** 15:4 «П'арэкэ һинейэ жь чара йэк» қази литьрэк бу.

һэлэқэтийе Хөданр'а бьди, ⁹һынге т'эви щанэга п'арэкэ чапейэ жь дэһа сьсе аре хас т'эви нив һин р'унда стьрайи, чава дийарийа нани бьдэ. ¹⁰Өса жи нив һин шэрав бона дийарийа сэрдакьрьне бьдэ. Эва дийарийа шэватейэ бинхвэш э бона Хөдан.

¹¹Бь ви аवाईи бьра т'эви һэр бохэйи, һэр бэрани, һэр бэрхи у һэр каре нерин аһа бе дайине, ¹²чь кө бе дайине, бь ви аवाईи т'эви һэр дийарийе анэгори һ'эсабе ван бьдэ. ¹³Һэр бьнэлийе вэлэт бьра өса бькэ чахе дийарийа шэвате, чава дийарийа бинхвэш, бьдэ Хөдан. ¹⁴Һэгэр ль нава вэда хэрибэк бьжи йан йэк кө ль нава зөр'этед вэда т'эви вэ йэ у дийарийа шэвате чава дийарийа бинхвэш Хөданр'а бьдэ бьра өса бьдэ чава кө һун дьдьн. ¹⁵Щьвинер'а қэйдэ-қанунэк бэ, бона вэ у бона хэрибе кө ль нава вэда дьжи. Қэйдэ-қануна һ'эта-һ'этайе бэ зөр'этед вэр'а, чава һун бьн, өса жи хэрибе ль бэр Хөдан бэ. ¹⁶Қанунэк у диванэк бэ бона вэ у бона хэрибе нав вэда дьжи».

¹⁷Хөдан Мусар'а хэбэрда у гот: ¹⁸«Зар'ед Исраелр'а хэбэр дэ у бежэ ван: Гава һун бьк'эвьнэ ви эрде кө эз вэ дьбьме ¹⁹у һун жь нане ви эрди бьхвьн, Хөданр'а п'арэкэ дийарийе башқэ кьн. ²⁰Жь һэвире хвэйи пешьн һун гэрэ к'атэки чава дийарийа бедэре дийари кьн. ²¹Жь һэвире хвэйи пешьн ль нава зөр'этед хвэда һун гэрэ дийарийе бьдьнэ Хөдан.

Гөне бег'эмде хвэ кьри

²²Ле гава һун бьшь'ьтьн у һ'эму ван э'мьред бона к'и-жана Хөдан готэ Муса нэқэдиньн, ²³ава готи һ'эму чь кө Хөдан Хвэдейе вэ бь дэсте Муса ль вэ э'мьр кьр, жь we р'ожа кө Хөдан э'мьри вэ кьр у пэйр'а жи ль зөр'этед вэ, ²⁴һэгэр эв йэк бе һ'эмде хвэ һатийэ кьрьне у щьвинева вэшарти майэ, һынге һ'эму щьвин бьра щанэгаки чава дийарийа т'эвайишэватейэ бинхвэш бьдэ Хөдан, т'эви

дийарийа шейә нани у сәрдакьрыне анәгори қануне у нерики жи чава дийарийа пақьжбуне. ²⁵Һынге к'аһинФ бьра бона һ'әму щьвина зар'ед Израел к'әwandьне бькә у we ль ван бе бахшандьне. Чьмки вана шаши кьр, ле вана қөрбана хwә чава дийарийа шәwате Хөданр'а у дийарийа хwәйә пақьжбуне ль бәр Хөдан бона шашийе дан. ²⁶Ль һ'әму щьвина зар'ед Израел у ль хәрибе нава ванда we бе бахшандьне, чьмки т'әмамийа щьвине беһ'әмде хwә шаши кьрийә.

²⁷Ле һәгәр кәсәк беһ'әмде хwә гөнә бькә бьра әw бьзынәкә йәк сали бона пақьжбуне дийари кә. ²⁸К'аһине жи бона кәсе беһ'әмде хwә гөнә кьри к'әwandьне бькә, чьмки бе һ'әмде хwә ль бәр Хөдан гөнә кьрийә. Әwe бона wi к'әwandьне бькә у ль wi we бе бахшандьне. ²⁹Бьра қанунәкә тә һәбә бона бьнәлийе жь зар'ед Израел у бона хәрибе ль нава ванда йе кә бе һ'әмде хwә гөнә бькә. ³⁰Ле һәгәр әw кәс бьнәли бә, йан хәриб бә, кә бь қәста тьштәки бькә әw бь ве йәке к'ьфьрийа Хөдан дькә, әw кәс бьра жь нава мьләте хwәда бе ондакьрыне. ³¹Чьмки әwi хәбәра Хөдан т'әхсир кьр у ә'мьре wi т'әр'ьбанд, әw кәс бьра бе ондакьрыне, гөне wi стуйе wi бә».

Щәзакьрына йе қьрш т'оп дькьр

³²Щарәке гава зар'ед Израел бәр'ийеда бун, вана мәрьвәк дит кә р'ожаФ шәмийе қьрш т'оп дькьр. ³³Йед кә wәхте қьрш т'опкьрыне әw дитьн, гьртьн анинә ль щәм Муса, һарун у т'әмамийа щьвине ³⁴у әw һьштьнә бьн но-бәдарийе, чьмки һе нәһатьбу сафи кьрыне, кә чь биньнә сәре wi. ³⁵Паше Хөдан готә Муса: «Әw мәрьв бьра бе кәштьне, т'әмамийа щьвине бьра wi жь зоме дәр бьдә ль бәр кәвьра». ³⁶Т'әмамийа щьвине әw жь зоме дәр-хьстә дәр у әw данә бәр кәвьра кәштьн, чава кә Хөдан ә'мьри Муса кьр.

Р'ишийе п'ешед к'ынца

³⁷Хөдан Мусар'а хэбэрда у гот: ³⁸«Зар'ед Исраелр'а хэбэр дэ у бежэ ван кө эw ль нава зөр'этед хwэда п'еше к'ынщед хwэ р'иши кын у қайт'ана шин п'ешева кын. ³⁹Әwe wэр'а бьбьнэ р'иши у гава кө һун we бьбиньн һуне һ'эму ә'мьред Хөдан бир биньн у ван бьқэдиньн. һуне пәй хwэстына дьле хwэ у ч'эвед хwэ нэчьн, бь к'ижани кө һун беә'сьлийе дькьн, ⁴⁰бона кө һун бир биньн у бьқэдиньн һ'эму ә'мьред мьн у Хwәдейе хwэр'а пироз бьн. ⁴¹Эз Хөдан Хwәдейе wә мә, кө һун жь wэлате Мьсьре дәрхьстьн, wәки бьбьмә Хwәдейе wә. Эз Хөдан Хwәдейе wә мә».

Сәрһьлдана Қорах, Дат'ан у Абирам

16 Қорахе көр'е Исчаре көр'е Қоһат'е жь зөр'эта Леви, хwэр'а Дат'ан у Абираме көр'ед Әлийаб у Оне көр'е Пәләте жь зөр'эта Р'убен һьлдан ²у т'әви дөсьд пенщи мәрвьед жь зар'ед Исраелә сәрwеред щьвине, бьжартийед щьвине у мәрвьед нав у дәнг мьқабьли Муса р'абун. ³Ль сәр Муса у һарун к'ом бун у готьнә ван: «Бәс ә иди wэр'а! Т'әмамия щьвине, һ'эму жи пироз ьн у Хөдан ль нава wанда йә. Ле чьма һун хwә ль сәр щьвина Хөданр'а дьгьрьн?» ⁴Муса бьһист у дәwәр'у к'әт. ⁵Муса Қорах у т'әмамия щьвина wир'а хэбәрда у гот: «Сьбе Хөдан we ә'йан кә, к'и п'ара wi йә у к'и пироз ә, әwe незики хwә кә. К'ижани кө әw бьбьжерә, wi жи we незики хwә кә. ⁶Ньһа we йәке бькьн: Қорах у т'әмамия щьвина wi хwэр'а агьрданга һьлдьн, ⁷сьбе агьр wанда дайньн у бьхуре^Ф ль сәрда кьн дайньнә ль бәр Хөдан. Әw мәрьве кө Хөдан бьбьжерә әw ә пироз. Бәс ә wэр'а иди, зар'ед Леви!» ⁸Муса готә Қорах: «Ньһа бьбьһен зар'ед Леви, ⁹Гәло әв йәк wэр'а һьндьк ә, кө Хwәдейе Исраел һун жь щьвина Исраел башқә кьрьн у һун незики хwә кьрьн, бона хэбата Пирозгәһа Хөдан бькьн у ль бәр щьвине бьсәкьньн, хьзмәтк'арийа ван бькьн?»

¹⁰Тө у һ'эму бьрайед тэйэ көр'ед Леви т'эви тэ незики хwэ кьрын, ле хун ньһа дэ'wa к'аһинтийе жи дькьн? ¹¹Лэма тө у һ'эму щьвина хwэва мьрабьли Хөдан щьвийан нэ, һарун к'и йэ, wэки хун бина хwэ ль wi тэнг дькьн?» ¹²У Муса шанд кө гази Дат'ан у Абираме зар'ед Әлийаб кьн. Ле вана гот: «Әм найен! ¹³Гэло бэс нинэ, тэ әм жь wэлате кө шир у һьнгьв же дьк'ьшийа дэрхьстьн, кө мә бэр'ийеда қыр' ки, сәрда жи һе дьхwази сэрwерийа мә бьки? ¹⁴Тэ әм нэ бьрынэ ль әрде кө шир у һьнгьв же дьк'ьшэ, нэ жи әм кьрынэ хwэйе wаре к'әwшән у бахе тьрийа. Тө дьхwази ч'әвед ван мәрьва дэрхи? Әм найен!» ¹⁵Һьнге һерса Муса р'абу у готэ Хөдан: «Дина хwэ нэдэ дийарийа ван! Мьн қэт к'әрәк жи жь wan һьлнэда йэ у хьраби жь ль wan т'ө кәси нәкьрийэ». ¹⁶Муса готэ Qорах: «Тө у т'эмамыйа щьвина хwэва сьбе ль бэр Хөдан бьсәкьньн, тө, әw у һарун. ¹⁷Һәр кәс бьра агьрданга хwэ һьлдэ, бьхуре дайнэ ль сәр у бинэ ль бэр Хөдан. һәр кәс агьрданга хwэ, аwа готи дөсьд пенщи агьрданги, өса жи тө у һарун һәр кәс бь агьрданга хwэ». ¹⁸Вана һәр кәси агьрданга хwэ һьлдан агьр wанда данин, бьхур сәр wанда кьрын у ль бэр дәре Коне Щьвине т'эви Муса у һарун сәкьнин. ¹⁹У Qорах ль бэр дәре Коне Щьвине, мьрабьли wan т'эмамыйа щьвине т'оп кьр. һьнге р'умэта Хөдан т'эмамыйа щьвинева хөйа бу.

²⁰Хөдан Муса у һарун'а хэбәрда у гот: ²¹«Жь нава ве щьвине хwэ хәwлэ кьн, кө әз ньшкева к'әwа wan биньм». ²²Ле әwana дэwәр'у к'әтьн у готьн: «Йа Хwәде, Хwәдейе р'өһ'е һәр бәдәне! Мәрьwэки гөнэ кьр һерса хwэ һ'эму щьвине р'адьки?»

²³Хөдан Мусар'а хэбәрда у гот: ²⁴«Ве щьвинер'а хэбәр дә у беже: «Жь дора коне Qорах, Дат'ан у Абирам дур к'әвьн». ²⁵Муса р'абу чу щәм Дат'ан у Абирам, р'успийед Исраел жи пәй wi чун. ²⁶Әwi щьвинер'а хэбәрда гот: «Жь конед ван мәрьвед һанэ нәһәқ дур к'әвьн у дәст нәдьнэ т'ө тьштед wan, wэки р'уйе гөнәйед wанда нәйенэ

р'ақатандьне». ²⁷Әу жь дора коне Қорах, Дат'ан у Абирам дур к'этын. Дат'ан у Абирам жи дәрк'этын у ль бәр дәре конед хвә т'эви жьнед хвә, зар'ед хвә у бьч'укед хвә сәкьнин. ²⁸Муса гот: «Бь ве йәке һуне бьзаньбьн кө Хөдан эз шандьмә һ'әму ван кьрьна бькьм, кө эз хвә сәре хвә накьм. ²⁹Һәгәр әвана бь мьрьна кө һ'әму мәрвь дьмьрын бьмьрын у фәләка ван мина фәләка һ'әму мәрвьва бә, вәки өса нә Хөдан эз нә шандьмә. ³⁰Ле һәгәр Хөдан тыштәки нәбуьйи бинә сәре ван: Әрд дәве хвә вәкә ван у һ'әму тыштед ван һ'уфи хвә кә у әв сахә-сах бьк'әвьнә Дийаре Мьрийа. һынге һуне бьзаньбьн вәки ван мәрвьвана Хөдан т'әхсир кьрын». ³¹Гава Муса әв һ'әму хәбәр сәр һәвда анин, әрде бьн ванда қәльши. ³²Әрде дәве хвә вәкьр у әв, малед ван, һ'әму мәрвьвед Қорах у һ'әму һәбука ван һ'уфи хвә кьр. ³³Әу у һ'әму тыштед ван сахә-сах к'этынә Дийаре Мьрийа, әрде әв ньхамт у әв жь нава щьвине һатьнә һьлдане. ³⁴Т'әмамия Исраелә дор-бәре ван жь дәнге ван р'эви, гот: «Нәбә кө әрд мә жи һ'уфи хвә кә!» ³⁵Өса жи агьр жь Хөдан дәрк'әт у әв дөсьд пенци мәрвьвед кө бьхур анибун шәвьтанд.

³⁶Һынге Хөдан Мусар'а хәбәрда у гот: ³⁷«Бежә Елазаре көр'е һаруне к'аһин бьра агьрданга жь нава егьр һьлдә у к'озийе жи бьр'ежә, чьмки әв һатьнә пирозкьрьне. ³⁸Агьрдангед ван кәсед кө р'уйе гөне хвәда мьрын, бьра бькьнә бәлгед пәнкьри бона кьраскьрьна горигәһе, чьмки вана әв незики Хөдан кьрьбу у әв пироз бьбун. Әве бьбьнә нишан бона зар'ед Исраел». ³⁹Елазаре к'аһин әв агьрдангед сьфьрә кө ван мәрвьвед шәвьти дабун, һьлдан у әв пән кьрын бона кьраскьрьна горигәһе, ⁴⁰чава биранин зар'ед Исраелр'а, бона әве хәриб, йе кө нә жь р'к'ьнйата һарун ә незик нәбә кө бьхуре ль бәр Хөдан вехә. Вәки өса нәйе сәре ви чава кө һатә сәре Қорах у щьвина ви, чава кө Хөдан бь дәсте Муса готьбу ви.

Сэрһьлдан у щэза Израел

⁴¹Р'ожтьра дьне т'эмамия щьвина зар'ед Израел бина хвэ ль Муса у һарун тэнг кьрын, готын: «Wэ щьмэ'та Хөдан көшт». ⁴²У гава щьвин мьрабьли ван щьвийа Муса у һарун бәре хвэ данэ Коне Щьвине, ва йэ ә'wр әw ньхамтийә у р'умэта Хөдан хөйа буйә. ⁴³Муса у һарун һатьнә ль бәр Коне Щьвине, ⁴⁴һынге Хөдан Мусар'а хәбәрда у гот: ⁴⁵«Жь нава ве щьвине дәрен у эзе ньшкева к'әwa ван биньм». Әw дәвәр'у к'әтын. ⁴⁶Муса готә һарун: «Агьрданге һьлдә, агьре ль сәр горигәһе бьдә сәр, бьхуре сәрда кә у зу һәр'ә нава щьвине у бона ван к'әwandьне бькә. Чьмки һерса Хөдан р'абу, хәзәбе дәстпекьр!» ⁴⁷Анәгори хәбәра Муса, һарун агьрданг һьлда у р'әви нава щьвине, ва йә хәзәбе нава мьлэтда иди дәстпекьрийә. Әwi бьхур кьрә сәр у бона мьлэт к'әwandьн кьр. ⁴⁸Һарун ль нава мьрийа у зендийа сәкьни у хәзәб сәдър'и. ⁴⁹Жь дәст хәзәбе 14700 мәри мьрын, хенщи әвед кө р'уйе Qорахда мьрын. ⁵⁰Пәй we йәкер'а кө хәзәб сәдър'и, һарун вәгәр'ийа ль щәм Муса ль бәр дәре Коне Щьвине.

Шьвдара һарун

17 Хөдан Мусар'а хәбәрда у гот: ²«Т'әви зар'ед Израел^Ф хәбәр дә у жь һәр қәбиләкә ван, шьвдарәке жь һәр сәрверәки қәбилед ван һьлдә, аwa готи донздәһ шьвдара. Наве һәр кәси ль сәр шьвдара wi бьньвисә. ³Наве һарун ль сәр шьвдара Леви бьньвисә, чьмки гәрәке бона һәр бавә'ширәки қәбиләкә ван шьвдарәк бә. ⁴У ван дайнә пешбәри Сьндоқа^Ф Шә'дәтийе ль Коне Щьвинеда, к'идәре әз wәва хөйа дьбьм. ⁵We бьбә әw мәрьве кө эзе бьбьжерьм, шьвдара wi we гөл дә. Бь ви аwайи эзе we бинтәнгийа зар'ед Израел бәр хвә бьдьмә бьр'ине, бь к'ижане әw бина хвә ль wә тәнг дькьн». ⁶Муса т'әви зар'ед Израел хәбәрда у һ'әму сәрверед ван

шьвдар данэ ви, шьвдарэк жь һәр сәрвери анэгори қәбилед ван, ава готи донздәһ шьвдар. Шьвдара һарун жи нава шьвдаред ванда бу. ⁷Муса шьвдар данинэ ль бәр Хөдан ль Коне Щьвинеда. ⁸Р'ожтьра дьне гава Муса һатә Коне^Ф Шә'дәтийе, ва йә шьвдара һарунэ жь мала Леви гөл дайә. Ч'ә'в бышкьфти нә, гөл дайә у бәһив дайә. ⁹Муса һ'әму шьвдар жь бәр Хөдан дәрхьстьнә ль бәр һ'әму зар'ед Израел. Вана ньһер'ин у һәр кәси шьвдара хвә һьлда. ¹⁰Хөдан готә Муса: «Диса шьвдара һарун дайнә ль бәр Сьндоқа Шә'дәтийе бона хвәйикьрьне, чава нишан бона зар'ед р'абәрик'ар, бь ви аवाई бинтәнгийя вәне ль бәр мьн бьсәқьр'ә у әве нәмьрн». ¹¹Чавә кә Хөдан ә'мьр кьр Муса өса жи кьр.

¹²Зар'ед Израел Мусар'а хәбәрдан у готьн: «Ва йә әм дьмьрн! Қьр'а мә те! Әм һ'әму онда дьбьн! ¹³Һәр кәсе кә незики Пирозгәһа Хөдан бә we бьмьрә. Гәло қьр'а мә һ'әмуя we нәйе?»

Борще к'аһин у леви

18 Хөдан^Ф готә һарун: «Тө, көр'ед хвә у малбәта хвәва, һуне шабдаре нәһәқийа һьндава Пирозгәһеда бьн. Тө у көр'ед хвәва, һуне шабдаре нәһәқийа һьндава к'аһинтийа хвәда бьн. ²Өса жи бьрайед хвә йә жь қәбила Леви, ава готи бәрәка баве хвә незики хвә кә. Бьра әв бәр дәсте тә бьн у тәр'а қөльх кьн. Тө у көр'ед хвәва гәрәке һуне ль бәр Коне Шә'дәтийе бьн. ³Бьра әв нобәдарийа тә бькьн у нобәдарийа т'әмамийа Кон бькьн, әв борще ван ә. Ле незики һащәтед щийе пироз у горигәһе нәбьн кә нә әв бьмьрн нә жи һун. ⁴Бьра әв т'әви тә бьн у нобәдарийа Коне Щьвине бькьн, нава һ'әму шьхөле Конда. Йәки дьн бьра незики вә нәбә. ⁵Бьра нобәдарийа щийе пироз у горигәһе бькьн. У we иди хәзәб нәйе сәре зар'ед Израел. ⁶Ва йә мьн бьрайед вә леви жь нава зар'ед Израел һьлдан, әв бона вә чава п'ешк'еш

Хөданр'а натьнэ дайине кө шьхөле Коне Щьвине бькьн. 7 Ле тө у көр'ед хwэва һун гэрэ к'аһинтийа хwэ хwэйи кьн, нава һ'эму шьхөле горигәһеда у өса жи қөльхе пышт п'әр'деда. Эз шьхөле к'аһинтийе п'ешк'еши wэ дькьм, ле гава йәки дьн незик бә we бе көштъне».

П'ара к'аһина

8 Хөдан готә һарун: «Ва йә эз тә к'ьфш дькьм, кө хwә-ийтийа дийарийед мьнр'а дайи бьки. Жь һ'эму тыштед пирозә зар'ед Израел эз п'аре дьдьмә тә у көр'ед тә ча-wa қәйдә-қануна һ'әта-һ'әтайе. 9 Эве бьбә п'ара тә жь тыштед һәрә пироз, жь дийарийед агьр: һ'эму горийед ван аwa готи һәр дийарийа ванә нани, һәр дийарийа ванә пақьжбуне, һәр дийарийа^Ф ванә бәрвадайине, чь кө әве дайньнә ль бәр мьн. Әве бона тә у көр'ед тә йед һәрә пироз бьн. 10 We щийе пирозда* бьхwьн. һәр қьсьме нерин дькарә we бьхwә. Бьра әw бона тә пироз бә. 11 Әв жи п'ара тә йә жь дийарийед ван: һ'эму дийарийед^Ф һ'әжандьнейә зар'ед Израел, эз ван дьдьмә тә, көр'ед тә у қизед тәйә т'әви тә, чава қәйдә-қануна һ'әта-һ'әтайе. һәр кәсе пақьжи мала тәда бьра жь we бьхwә. 12 һ'эму р'уне нуйи һәри қәнщ, һ'эму шәрава нуйә һәрә қәнщ у гәньме пешийейи кө әw дьдьнә Хөдан эз ван дьдьмә тә. 13 Бәред^Ф дәрәмәта пешьнә һәр тышти кө әр'де ван-да нә к'ижана әве Хөданр'а биньн, бьра п'ара тә бә. һәр кәсе пақьжи мала тәда дькарә we бьхwә. 14 һәр тыште Хөданр'а к'ьфшкьри ль Израелда бьра п'ара тә бә. 15 һәр ньхөрийе һәр бинбәри кө бәт'ьне вәдькә, жь мерьв у жь һ'әйвен к'ижан кө we Хөданр'а бьдьн, бьра п'ара тә бә. Ле тө гәрә жь бәр ньхөрийе мерьвва у жь бәр ньхөрийе һ'әйване нә һ'әлалва қимәт бьстини. 16 Йәк мәһийеда

* 18:10 Гәләк занә дьбежьн кө әв щи һ'әwша Коне Щьвине йә. Бьньһер'ә Қануна К'аһинтийе 6:16.

жь бэр weва бьстини, һәде we жи эв э: пенщ шекольед сьфьрә пирозгәһе. Шекьлэк бист гер э*. ¹⁷Ле жь бэр ньхөрийе бохва йан ньхөрийе пезва йан ньхөрийе бьзьнева нәстинә, эw пироз ын. Хуна ван бьр'әшинә горигәһе у бәзе ван жи чава дийарийа шәwатейә бинхwәш бо-на Хөдан бьди. ¹⁸Ле гоште ван бьра п'ара тә бә. Чава сәрсинге һ'әжандьне өса жи пила р'асте бьра п'ара тә бьн. ¹⁹Һәр дийарийед пироз кө зар'ед Израел дийари Хөдан дькьн, эз дьдьмә тә, көр'ед тә у қизед тәйә т'әви тә, чава қәйдә-қануна һ'әта-һ'әтайе. Эва пәймана^Ф хве йә* һ'әта-һ'әтайе ль бэр Хөдан, бона тә у бона зөр'әта тә т'әви тә». ²⁰Хөдан готә һарун: «Әрде зар'ед Израелда тө war наби у п'ара тәйе нава wанда т'өнә бә. Эз ым п'ара тә у ware тә нава wанда.

П'ара левийа

²¹Ва йә, эз һәр дәһәка^Ф Израел, чава war дьдьмә зар'ед Леви, жь бэр шьхөле wани Коне Щьвинева. ²²Бона кө зар'ед Израел незики Коне Щьвине нәбьн кө wanр'a гөнә нәйе һ'әсабе у эw нәмьрьн. ²³Бьра леви хwәха шьхөле Коне Щьвине бькьн у хwәха жи щабдаре шашийе хwә бьн. Эва қәйдә-қануна һ'әта-һ'әтайе йә бона зөр'әтед wә. Ле ль нава зар'ед Израел ware ван we т'өнәбә, ²⁴чьмки эз дәһәке кө зар'ед Израел дийари Хөдан дькьн, чава war дьдьмә левийа. Ләма мьн готә ван: «Ль нава зар'ед Израел ware ван we т'өнә бә».

²⁵Хөдан Мусар'a хәбәрда у гот: ²⁶«левийар'a хәбәр дә у бежә ван: «Гава һун жь зар'ед Израел дәһәке бьс-тиньн, к'ижан кө мьн жь ван чава war да wә, һьнге жь we Хөданр'a дийари бьдьн, awa готи дәһека жь we

* 18:16 «Герәк» қаси 0,6 грамм бу.

* 18:19 Хве бона һ'әму дийарийа лазьм бу. Тышт тенә хвекьрьне кө хьраб нәбьн. Ләма эw нишана пәймана һ'әта-һ'әтайе йә.

дәһеке. ²⁷Әв дийарийа wә wәр'a we бе һ'әсабе чава нан жь бедәре у чава шәрав жь һ'әwз. ²⁸Һун жи өса дийари Хөдан кьн, жь һ'әму дәһәкед хwә, йед кө һуне жь зар'ед Израел бьстиньн. У жь we дийарийа Хөдан бьдьнә һаруне к'аһин. ²⁹Жь һ'әму п'ешк'ешед хwә һун гәрә һ'әму тыштед һәрә қәнщ башқә кьн у чава дийарийа пироз бьдьнә Хөдан. ³⁰Бежә ван: «Пәй башқәкьрьна п'ара һәрә қәнщр'a, чь кө бьминә we лешийар'a бе һ'әсабе чава бәр жь бедәре у шәрав жь һ'әwзе». ³¹Әw һәде wә йә, жь бәр шьхөле wәва ль Коне Щьвинеда. һун у малед wә дькарьн we ль һәр щийи бьхwьн, ³²wәр'a гөнә we нә-йе һ'әсабе, чьмки һун йа һәрә қәнщ жь we дьдьн. Бь ви аwaiи тыштед пирозә зар'ед Израел нәһ'әр'ьминьн wәки һун нәмьрн».

Ч'еләка сор

19 Хөдан Муса у һарунр'a хәбәрда у гот: ²«Әв ә қәйдә-қануна we һинкьрьна кө Хөдан ә'мьр кьр, гот: бежә зар'ед Израел бьра ногьнәкә сорә бе қөсурә бе ләк'ә кө нә к'әтийә бьне нир биньнә ль щәм тә. ³We бьдьнә Елазаре к'аһин, бьра ногьн жь зоме бе дәрхьс-тьне у ль бәр ч'әвед wi бе сәржекьрьне. ⁴Паше бьра Елазаре к'аһин бь т'ьлийа хwә жь хуна we һьлдә у һ'әфт щара хуна we бьр'әшинә ль алийе дәре Коне Щьвине. ⁵Ногьн ль бәр ч'әвед wi гәрә бе шәwьтандьне. Ч'әрме we, гоште we, хуна we у әдәба we бьра бе шәwьтан-дьне. ⁶У бьра к'аһин һьлдә дара әрзе, зоха һусопеф у р'исе соре гәвәз у бавежә ль нава агьре ногьне. ⁷Паше к'аһин бьра к'ьнщед хwә бьшо у аве хwә кә, һьнге әw дькарә бьк'әвә зоме. Ле к'аһин һ'әта еваре нә пақьж ә. ⁸Йе ногьн шәwьтанди жи бьра к'ьнщед хwә бь аве бьшо у аве хwә кә. Ле әw һ'әта еваре нә пақьж ә. ⁹У мәр-вәки пақьж бьра к'озийа ногьне т'оп кә у жь зоме дәр ль щики пақьж дайнә. Щьвина зар'ед Израел гәрә we

хвэйи кэ бона ава паqьжбуне. Эва h'эдийа паqьжбуна жь гона йэ. ¹⁰Оса жи йе к'озийа ногъне т'опкьри бьра к'ьнщед хвэ бышо, ле эw h'эта еваре нэ паqьж э. Бьра эва бона зар'ед Израел у хэрибе ль нава wэда бьбэ qэй-дэ-qануна h'эта-h'этайе.

Ава паqьжбуне

¹¹К'е дэст бьдэ щьнйазе мерьв эwe h'эфт р'ожа нэ паqьж бэ. ¹²Эw гэрэ бь ава паqьжбуне ль р'ожа сьсийа у р'ожа h'эфта хвэ паqьж кэ у we паqьж бэ. Ле hэгэр эw ль р'ожа сьсийа у р'ожа h'эфта хвэ паqьж нэкэ эw паqьж набэ. ¹³Һэр кэсе кö йе мьри к'эwэ ава готи щьнйазе мерьв к'эwэ у хвэ паqьж нэкэ эw Пирозгэһа Хөдан дьһ'эр'ьминэ. Эw кэса гэрэ жь нава Израелда бе ондакьрьне чьмки ава паqьжбуне нэ һатэ р'эшандьне ль сэр wi, эw дьминэ нэ паqьж, нэпаqьжийа wi һе ль сэр wi йэ.

¹⁴Эв э qанун: Гава мэрьвэк ль конда бьмьрэ һэр кэсе кö бьк'эwэ кон у һэр кэсе кö иди конда йэ h'эфт р'ожа we нэ паqьж бэ, ¹⁵Һэр дэрдана вэкьри кö qалп'ах р'ьнд нэ сэр э, эw нэ паqьж э. ¹⁶Һэр кэсе кö ль дэште ль мэрьвэки бь шур кöшти к'эwэ йан ль йэки бь э'мьре хвэ мьри йан ль һэстуйед мерьв йан ль мэзэл к'эwэ h'эфт р'ожа we нэ паqьж бэ. ¹⁷У бона йед нэ паqьж бьра жь к'озийа ногъна бона паqьжбунейэ шэwьтанди һьлдьн, бькьнэ дэрдане у ава зэлал сэрда кьн. ¹⁸Мэрьве паqьж бьра зоха һусопе һьлдэ, we аведа кэ у бьр'эшинэ сэр кон, h'эму һур-мур, h'эму мэрьвед кö ль wьр бунэ у йе кö ль һэсту, йе кöшти, йе мьри у мэзэл к'этийэ. ¹⁹Мэрьве паqьж бьра р'ожа сьсийа у р'ожа h'эфта бьр'эшинэ сэр йе нэ паqьж у ль р'ожа h'эфта wi паqьж кэ. Эwe к'ьнщед хвэ бышо, аве хвэ кэ у еваре we паqьж бэ. ²⁰Ле һэгэр йэк нэ паqьж бэ у хвэ паqьж нэкэ эw кэса бьра жь нава щьвине бе ондакьрьне. Чьмки эw Пирозгэһа Хөдан дьһ'эр'ьминэ, ава паqьжбуне нэ һатэ р'эшандь-

не ль сэр ши эв нэ паqьж э. ²¹Бьра эва бона ван бьбэ qэйдэ-qануна h'эта-h'этайе. Оса жи йе ава паqьжбуне р'эшанди бьра к'ьнщед хwэ бьшо у йе кö ава паqьжбуне к'эwэ we h'эта еваре нэ паqьж бэ. ²²Йе нэ паqьж чь жи к'эwэ we нэ паqьж бэ, кэсе кö ши тышти к'эwэ h'эта еваре we нэ паqьж бэ».

Гöне Муса у харун

20 Мэһа йэке т'эмамийа щьвина зар'ед Исраел һатэ бэр'ийа Сине у ль Qадеше мьлэт щи-вар бу. Wьр Мэрийэм мьр у ль wьр жи һатэ дэфьнкьрьне. ²Ав т'өнэ бу бона щьвине у эw мьqабьли Муса у харун щьвийан. ³Мьлэт бина хwэ ль Муса тэнг дькьр у дьгот: «Хwэзи эм жи һынге бьмьрана гава бьрайед мэ ль бэр Хöдан мьрьн! ⁴Чьма wэ щьвина Хöдан ани ль ве бэр'ийе? Wэки эм у h'эйwane мэ qьр' бьн? ⁵Чьма wэ эм жь Мьсьре дэрхьстьн, wэки мэ биньнэ ль ви щийе һани хьраб? Нэ щийе чандьне йэ, нэ щийе даред һежира, нэ бахед тьрийа, нэ һьнара, h'эта ав жи wьр т'өнэ эм вэхwьн!» ⁶Муса у харун дури щьмэ'те к'этьн, чунэ ль бэр дэре Коне Щьвине, дэwэр'у к'этьн у р'умэта Хöдан ванва хöйа бу. ⁷Хöдан Мусар'а хэбэрда у гот: ⁸«Шьвдаре һьлдэ, тö һаруне бьре хwэва щьвине бьщьвиньн, ль бэр ч'э'вед ван qэйер'а хэбэрдьн кö эw жь хwэ аве бьдэ. У те бона ван аве жь qэйайе дэрхи кö щьвин у h'эйwanед ван бьди вэхwарьне». ⁹Муса шьвдара кö ль бэр Хöдан бу һьлда, чава кö Хöдан э'мьри ль ши кьр. ¹⁰Һынге Муса у харун щьвин щьвандьнэ ль бэр qэйайе у Муса готэ ван: «Бьбьһен гэли р'абэрик'ара, дьбэ кö эм жь ви qэйайи wэр'а аве дэрхьн?» ¹¹Муса дэсте хwэ бьльнд кьр у бь шьвдара хwэ дö щара qэйе хьст у беһ'эсаб ав дэрк'эт, щьвине у h'эйwane ван вэхwарьн. ¹²Хöдан готэ Муса у харун: «Чьмки wэ баwарийа хwэ ль мьн нэ ани у пирозийа мьн зар'ед Исраелва э'йан нэ кьр, лэма һун

ве щьвине набьнэ ль э'рде кө мьн да ван». ¹³ Эва авед Мерибаһе* бун к'идэре зар'ед Израел Хөданр'а к'этьнэ дэ'we у Хөдан пирозийа хwэ ванва э'йан кьр.

Эдом^Ф наһелэ кө Израел дэрбаз бэ

¹⁴ Жь Qадеше Муса қасьд шандьнэ ль щэм п'адше Эдоме у гот: «Аһа дьбежэ бьре* тэ Израел: «Тө һаш жь һ'эму чэтьнайед кө р'асти мә һатьн һэйи, ¹⁵ кө кал-бавед мә бэржери Мьсьре бун у эм ль Мьсьре wэдэки дьреж ман. мьсьрийа хьраби ль мә у кал-бавед мә дькьрын. ¹⁶ Мә һәwара хwэ ль Хөдан дахьст, Хөдан дэнге мә бьһист, қасьд* шанд у эм жь Мьсьре дэрхьстьн. Ва йэ эм ль Qадеше нэ, бажаре ль сэр синоре тэ. ¹⁷ Жь к'эрэма хwэ бьһелэ эм э'рде тэва дэрбаз бьн, эм ль дэште тэр'а у бахе тэр'а дэрбаз набьн, нэ жи эме аве жь биред тэ вэхьын. Эме р'ийа п'адшева* һэр'ьн, нэ вэгэр'ьнэ р'аст нэ жи ч'эп, һ'эта синоре тэ дэрбаз нэбьн». ¹⁸ Ле Эдом готэ wi: «Тө э'рде мьнва дэрбаз наби йан на эзе бь шур дэрк'эвьмэ мьқабьли тэ». ¹⁹ Зар'ед Израел готьнэ wi: «Эме р'ийа сэрэкэва дэрбаз бьн, һэгэр эм йан һ'эйwане мә ава тэ вэхьын эме һәде тэ бьдьнэ тэ, т'эне изьне бьдэ эм п'ийа дэрбаз бьн, һақас тышт». ²⁰ Ле эwi гот: «Тө дэрбаз наби». Эдом бь ордийа гьран у бь дэсте зор дэрк'этэ мьқабьли Израел. ²¹ Оса Эдом изьн нэ да кө Израел синоре wива дэрбаз бэ. Израел дури wi к'эт.

* 20:13 Бь зьмане ибрани «Дэ'w».

* 20:14 Мьлэте Эдом жь Эсаwе бьре Ақубе көр'е Ишақ пешда һатьбун.

* 20:16 Хэбэра ибрани «Qасьд» өса жи те т'эрщьмэкьрыне чаwа «Мьльйак'эт^Ф».

* 20:17 «Р'ийа п'адше» эw р'ек жь р'ийед сэрэкэ бу. Кө ль Шаме дэстпедькьр у дьчу башуре һ'эта Нэщэфе^Ф. Эв р'е өса жи бона т'өщарэтийе дьһатьнэ хэbate.

Мьрьна һарун

²²Т'эмамия шьвина зар'ед Израел жь Qадеше р'е к'эт һатә ль ч'ийайе һор. ²³Ль ч'ийайе һор ль сәр синоре т'опрахе Эдом Хөдан Муса у һарунр'а хәбәрда у гот: ²⁴«Бьра һарун һәр'ә быгъһижә шьмә'та хwә. Эw начә ль әрде кө мьн да зар'ед Израел, чьмки wә ль бәр авед Мерибаһе готьнед мьн инк'ар кьрн. ²⁵Һарун у Елазаре көр'е wi һьлдә у ван һьлк'ьшинә ль ч'ийайе һоре. ²⁶К'ьнщед һарун же бехә у ван Елазаре көр'е wi кә. Бьра һарун ль wьр бьмьрә у һәр'ә быгъһижә шьмә'та хwә». ²⁷Муса анәгори ә'мьре Хөдан кьр у әw ль бәр ч'ә'вед т'эмамия шьвине һьлк'ьшийанә ль ч'ийайе һоре. ²⁸Муса к'ьнщед һарун же ехьстьн у ль Елазаре көр'е wi кьрн. Ль wьр сәре ч'ийе һарун мьр. Муса у Елазар жи жь ч'ийе һатьнә харе. ²⁹Т'эмамия шьвине фә'м кьр wәки һарун мьрийә у си р'ожи т'эмамия мала Израел шина wi кьр.

Алт'кьрьна п'адше Ә'рад

21 П'адше Ә'раде кәнани кө ль Нәшәфе дьма, бьһист wәки Израел р'ийа Ат'аримда те, т'әви Израел кьрә шәр' у жь ван һесир бьрн. ²Һьнге Израел ль бәр Хөдан ад-qьрар кьр у гот: «Һәгәр тә ви мьләти бьди дәсте мьн, әзе бажаред ван wеран кьм, wi т'ам дийари Хөдан бькьм». ³Хөдан дәнге Израел бьһист у кәнани данә дәстед ван. Эw у бажаред ван wеран кьрн, әw т'ам дийари Хөдан кьрн. Наве wi щийи данин һ'орма*.

* 21:3 Бь зьмане ибрани «Wеранкьрн».

Мэ'ре сьфьрин

⁴Эw жь ч'ийайе хоре р'ек'этын р'ийа Бэ'ра Сорва чун wэки дора э'рде Эдомва һэр'н. Сэбьра щьмэ'те р'ева т'ере нэкьр. ⁵Щьмэ'те мьрабьли Хwэде у Муса хэбэрда у гот: «Чьма wэ эм жь Мьсьре һэвраз дэрхьстын кө бэр'ийеда бьмьрын? Чьмки нэ нан һэйэ, нэ ав һэйэ у эв хварьна һанэ п'уч' жи, кө мэдэ мэ же ль һэв дык'эвэ». ⁶Хөдан мэрэд жэрдадаи шандьнэ ль сэр мьлэт у вана мьлэт хьст. Гэлэк мэри жь Израел мьрын. ⁷Һнге мьлэт һатэ ль щэм Муса у гот: «Мэ гөнэ кьр кө мьрабьли Хөдан у тэ хэбэрда, р'эща жь Хөдан бькэ кө мэ'ра дури мэ хэ». У Муса бона щьмэ'те р'эща кьр. ⁸Хөдан готэ Муса: «Хwэр'а мэ'рэки чекэ у дарва дардакэ, һэр кэсе мэ'р ледаи ль wi бьньһер'э we сах бьминэ». ⁹Муса мэ'рэки сьфьр чекьр, эw дарва дарда кьр. Гава мэ'р мэрьвэки дьхьст эwi ль мэ'ре сьфьр дьньһер'и у сах дьма. ¹⁰Зар'ед Израел р'е к'этын у ль Овот'е зомед хwэ ледан. ¹¹Жь Овот'е жи р'е к'этын у ль Ийе-һаһабариме ль бэр'ийа пешбэри МowабeФ алийе р'оһьлате зомед хwэ ледан. ¹²Жь wьр р'е к'этын у ль нэwала Зэрэде зомед хwэ ледан. ¹³Жь wьр жи р'е к'этын у бэр'ийеда wi бэри Арноне кө жь синоре эморийа дэр те, зомед хwэ ледан. Чьмки Арнон синоре нава Мowаб у эморийа йэ. ¹⁴Лэма ль к'ьтеба Шэр'ед Хөданда* те готьне:

«Ваһев у ньхалед Арнон ль Суфайе нэ,

¹⁵öса жи п'ебэржеред ньхала
кө дык'ьшьнэ жер һ'эта Э'ре
у ль синоре Мowабe һьлдьпэсерэ».

¹⁶У жь wьр чунэ Бере. Эва эw бир бу бона к'ижани Хөдан готэ Муса: «Щьмэ'те т'опи ль сэр һэв кэ у эзе аве бьдьмэ wan».

* 21:14 Эва к'ьтебэкэ кэвьнэ кө һатийэ өндакьрыне. Жь наве we эм дыкарын те дэрхьн кө эва к'ьтеба бона сэрк'этына Хөдан э ль сэр дьжмьнед хwэ.

¹⁷We һынге Израел эва стьрана стьра:

«Бир бьдэ дэр! Wer'a бьстьрен!

¹⁸Бира кө wэк'ила эw вэданэ,

э'сьлзадэйед мьлэта эw к'оланэ

бь шьв у шьвдаред хwэ!»

Жь бэр'ийе эw чунэ Mat'анайе. ¹⁹Жь Mat'анайе жи чунэ Nah'алийеле, жь Nah'алийеле чунэ Бамот'е. ²⁰У жь Бамот'е чунэ нэwала дэшта Mowабда ль сэре Писгайе, кө ль бэр'ийе дьньһер'э.

Шэр'е мьqабьли Сихон у Og

²¹We һынге Израел qасьд шандьнэ ль щэм Сихоне п'адше эморийа^Ф, гот: ²²«Изьна тэ һэбэ эм эрде тэр'а дэрбаз бьн, эм вэнагэр'ьнэ дэшт у баха, эм аве жи жь бира вэнахьын, эме р'ийа п'адшева * һэр'ьн һ'эта синоре тэр'а дэрбаз бьн». ²³Ле Сихон нэ һьшт кө Израел синоре wir'a дэрбаз бэ. Сихон һ'эму щьмэ'та хwэ т'оп кьр у дэрк'этэ мьqабьли Израел ль бэр'ийе, һатэ Йаһасе у т'эви Израел кьрэ шэр'. ²⁴Израел эw да бэр дэве шур, эрде wi жь Арнон һ'эта Йабоqe, һ'эта зар'ед Амон зэфт кьр. Чьмки синоре зар'ед Амон qэwаткьри бу. ²⁵Израел һ'эму эв бажар һьлдан у Израел ль һ'эму бажаред эморийада щи-war бу öca жи һ'эшбоне у һ'эму дор-бэре веда. ²⁶Чьмки һ'эшбон бажаре Сихоне п'адше эморийа бу. Эwi т'эви п'адше Mowабейи пешийе кьрьбу шэр' у т'эмаийа эрде wi һ'эта Арноне жь дэсте wi стандьбу.

²⁷Лэма йе мэсэла сальх дькьн, дьбежьн:

«Wэрьнэ һ'эшбоне, бьра эw ава бэ

у qэдим бэ бажаре Сихоне!

²⁸Чьмки агьр жь һ'эшбоне дэрк'эт,

алав жь бажаре Сихоне.

* 21:22 Бьньһер'э шьровэкьрьна Жьмар 20:17.

h'уфи хwэ кър Ә'ра Мowабe,
wэк'илед Арнонейә һеланед^Ф жорьн.

²⁹ Wэй ль тә Мowаб!

Тө онда буйи щьмә'та К'ьмош*,
көр'ед хwэ данә р'әве,
қизед хwэ жи данә һесирийе
ль Сихоне п'адше әморийя.

³⁰ Мә әw әрде хьст,

жь h'әшбоне h'әта Дибоне.

Мә әw h'әта Нофаһ'е

кө незики Медәбайе йә weран кърьн».

³¹ Бь ви аwайи Исраел ль әрде әморийяда щи-wар бу.

³² We һьнге Муса шанд кө щә'сусийа Йазере бькьн, Исраел дор-бәред we зәфт кър у бәри әморийед кө ль wьр дьман да ³³ у вәгәр'ийан ль р'ийа Башанеда һәвраз чун. һьнге Oге п'адше Башане у т'әмамийа мьләте wi ль Едрәйе дәрк'әтә шер' мьқабьли wan. ³⁴ Хөдан готә Муса: «Нәтьрсә жь wi, чьмки әwi, т'әмамийа щьмә'та wi у әрде wi әз дьдьмә дәсте тә. Те өса бини сәре wi чаwа кө тә ани сәре Сихоне п'адше әморийя кө ль h'әшбоне дьма». ³⁵ У Исраел әw, көр'ед wi у т'әмамийа щьмә'та wi қыр' кърьн, қәт йәк сах нә һьштьн у әрде wi зәфт кърьн.

Бьлам

22 Зар'ед Исраел р'ек'әтьн у ль дәштед Мowабда алийе р'оһьлата Урдөне, пешбәри Әриһайе зомед хwэ ледан.

² We һьнге Балақе көр'е Сипор әв h'әму чь кө Исраел ани сәр әморийя дит. ³ Мowаб гәләки жь Исраел тьрсийа, чьмки әw бе h'әсаб бу. Р'уйе зар'ед Исраелда Мowаб хофе да бу. ⁴ У Мowаб готә р'успийед Мьдйане: «Әв

* 21:29 «К'ьмош» наwe хөдане мowабийа^Ф бу.

щьмэ'та һан һәр чь кӧ дора мӧ һэйә we бьхвә, чава кӧ дэвар гиһайе чоле ләбәр дькә». Балаҫе кӧр'е Сипор жи we һнге п'адше Мовабе бу. ⁵Әви қасьд шандьнә ль щәм Бьламе кӧр'е Бәур ль Пьт'оре, кӧ дәве ч'әме Фьрате йә, әрде Бьне-Ә'мода гази ви кьр, гот: «Ва йә, мьлэтәк жь Мьсьре дәрк'әтийә, р'уйе әрде иди ньхамтийә у әв пешбәри мьн щи-вар буйә. ⁶Ава жь к'әрәма хвә вәрә бона хатьре мьн ньфьр'а ль ви мьләти бькә, чьмки әв жь мьн қәваттьр ә, бәлки әзе һнге бькарьбьм зора ви бьбьм у бәр'дьме жь әрде хвә дәрхьм. Чьмки әз заньм дӧайе тә дӧайә, ньфьр'а тә жи ньфьр'ә». ⁷Р'успийед Мовабе у р'успийед Мьдйане бь п'ешк'ешед бона сербазийе дәстед ванда чун. һатьнә ль щәм Бьлам у хәбәред Балаҫ вир'а гьли кьрын. ⁸Әви готә ван: «Ишәв ль вьр бьминьн, әзе щаба вә бьдьм чава кӧ Хӧдан мьнр'а бежә». Вәк'илед Мовабе щәм Бьлам ман. ⁹Хвәде һатә щәм Бьлам, гот: «Әв мәрьвед һанә щәм тә, к'и нә?» ¹⁰Бьлам готә Хвәде: «Балаҫе кӧр'е Сипор п'адше Мовабе әв хәбәр мьнр'а шандьнә: ¹¹«Ва йә мьлэтәк жь Мьсьре дәрк'әтийә у р'уйе әрде ньхамтийә. Ава вәрә бона мьн ньфьр'а ль ви бькә, бәлки әзе бькарьбьм мьқабьли ви бькьмә шәр' у бәри ви дьм». ¹²Хвәде готә Бьлам: «Т'әви ван нәчә, ньфьр'а ль ви мьләти нәкә, чьмки әв мьләта бӧһӧрти йә». ¹³Бьлам сьбәһе р'абу у готә вәк'илед Балаҫ: «Һәр'нә вәлате хвә, чьмки Хӧдан изьна мьн нә да кӧ т'әви вә бем». ¹⁴Вәк'илед Мовабе р'абун һатьнә ль щәм Балаҫ у готьн: «Бьлам қайл нәбу т'әви мә бе». ¹⁵Балаҫ диса жь ван гәләктьр у жь ван қәдъртьр вәк'ил шандьн. ¹⁶Әв һатьнә ль щәм Бьлам у готьне: «Балаҫе кӧр'е Сипор һа гот: «Жь к'әрәма хвә, т'әхсир нәкә, вәрә, ¹⁷әзе қәдър-һӧрмәтәкә мәзын бона тә бькьм у чь кӧ бежи әзе бькьм, т'әне вәрә бона мьн ньфьр'а ль ви мьләти бькә. ¹⁸Бьлам щаба бәрдәстийед Балаҫ да у гот: «Дьхвази Балаҫ мала хвә т'ьжи зер' у зив бьдә мьн әз нькарьм сәр готьна Хӧдан

Хвәдейе хвәр'а дәрбаз бьм кө тыштәки бьч'ук йан мэзын бькьм. ¹⁹Ле хун жи ишәв ль вьр бьминьн у эзе бьзань-бьм к'а Хөдан we иди чь бежә мьн». ²⁰Хвәде шәв һатә ль щәм Бьлам у готе: «Һәгәр әв мәрвьана һатьнә гази тә дькьн, р'абә т'әви ван һәр'ә, ле т'әне чь кө эзе тәр'а бежьм we бькә». ²¹Бьлам сьбәһе р'абу т'ер'а к'әра хвә гьреда у т'әви вәк'илед Моваб чу. ²²Гава Бьлам дьчу һерса Хөдан р'абу у мьлйак'әте^Ф Хөдан ль сәр р'е чава п'ехәм сәкьни. Бьлам жи к'әра хвә дажот, һәр дө хөламед ви жи т'әви ви бун. ²³К'әр мьлйак'әте Хөдан дит, кө ль сәр р'е сәкьни шуре ви жи тә'зи дестда, һынге к'әр жь р'е дагәр'ийа у к'әтә дәште. Бьлам к'әре дьхьст кө дәр-хә сәр р'е, ²⁴мьлйак'әте Хөдан ль шьвәр'ийа нава бахед тьрийада сәкьнибу, ви али дивар бу, ви али дивар бу. ²⁵К'әре кө мьлйак'әте Хөдан дит, хвә диверва гөһашт у ньге Бьлам жи диверва һатә гөһаштьне, әви диса ле хьст. ²⁶Мьлйак'әте Хөдан жи пешда чу у щики өса тәнг сәкьни кө р'е т'өнә бу нә р'аст вәгәр'иньнә нә жи ч'әп. ²⁷Гава к'әре мьлйак'әте Хөдан дит бьн Бьламда мәр'ьхи, һерса Бьлам же р'абу у әви к'әр да ль бәр шьва. ²⁸Һынге Хөдан заре к'әре вәкьр у әве готә Бьлам: «Мьн чь ль тә кьрийә вәки әва се щар ә тө мьн дьхи?» ²⁹Бьлам готә к'әре: «Чьмки тә әз кьрьмә пек'әни, һәгәр дәсте мьнда шур һәбуя мьне һәма ньһа жи тө бькөштайи». ³⁰К'әре готә Бьлам: «Әз әв к'әра тә ниньм кө тө т'әмамийа ә'мь-ре хвәда һ'әта р'ожа иро ле сийар дьби? Қәт буйә вәки әз һа биньмә сәре тә?» Әви гот: «На». ³¹Һынге Хөдан ч'әвед Бьлам вәкьр у әви мьлйак'әте Хөдан ль сәр р'е, шуре тә'зи дәсте вида сәкьни дит, та бу у дәвәр'уйа чу. ³²Мьлйак'әте Хөдан готә ви: «Бона чь әва се щар ә кө тө к'әра хвә дьхи? Ва йә әз бәр тә бумә п'ехәм, чьмки р'ийа тә ль бәр мьн нә р'аст ә. ³³К'әре әз дитьм у се щара жь р'ийа хвә дагәр'ийа. һәгәр әва жь р'е данәгәр'ийа, мьн ньһа әсә тө көштьбуий у әва сах һьштьбу». ³⁴Бьлам готә

мьлайк'эте Хөдан: «Мьн гөнэ кър, чьмки мьн ньзаньбу кө тө йи ль сэр р'е пешбэри мьн сэкьни. Ава, һэгэр эв йэк ль бэр тэ хвэш найе, эзе пашда вэгэр'ьм». ³⁵Мьлайк'эте Хөдан готэ Бьлам: «Т'эви ван мэрьва һэр'э ле т'эне чь кө эзе бежьмэ тэ we бежэ». Бьлам т'эви вэк'илед Балақ чу. ³⁶Гава Балақ бьхист вэки Бьлам те, дэрк'этэ пешийа ви ль Ир-Мовабе, эв ль сэр лева синоре Арноне йэ. ³⁷Балақ готэ Бьлам: «Нэ мьн шандьнэ пэй тэ газитэ кър, тө чьма нэ дьһати щэм мьн? Дьбэ эз нькарьбьм бьн қэнцийа тэ дэрэм?» ³⁸Бьлам готэ Балақ: «Ва йэ эз һатьмэ ль щэм тэ, ле эз нькарьм хвэ сэре хвэ хэбэр дьм. Чь кө Хөдан дайнэ ль сэр заре мьн we жи эзе бежьм». ³⁹Бьлам т'эви Балақ чунэ Қирйат-һусоте. ⁴⁰Балақ пэз у дэвар кьрьнэ қөрбан, Бьлам у вэк'илед т'эви вир'а шандьн. ⁴¹У сьбэһе Балақ Бьлам һьлда у эв һьлк'ьшийанэ ль сэр Бамот'-Ба-э'л у жь вьр Бьлам п'арэкэ щьмэ'та Исраел дит.

П'ехэмбэрийа^Ф Бьламэ э'вльн

23 Бьлам готэ Балақ: «Мьнр'а ль вьр һ'эфт горигэһа^Ф чекэ, һ'эфт щанэга у һ'эфт бэрана ль вьр мьнр'а һазьр кэ». ²Балақ анэгори готьна Бьлам кър. Балақ у Бьлам ль сэр һэр горигэһе щанэгак у бэранэк дан. ³Бьлам готэ Балақ: «Тө бэр т'эвайишэwате хвэ бэ, эзе һэр'ьм, бэлки Хөдан мьнва хөйа бэ у чь кө эв мьнва э'йан кэ эзе тэр'а бежьм кьм». У эв чу сэре т'апэки хьки-хвэли. ⁴Хвэде Бьламва хөйа бу у Бьлам готэ ви: «Мьн һ'эфт горигэһи чекьрьнэ, щанэгак у бэранэк ль сэр һэр горигэһе дайэ». ⁵Хөдан хэбэр дани ль сэр заре Бьлам готе: «Вэгэр'э ль щэм Балақ һа беже». ⁶Эв вэгэр'ийа ль щэм Балақ, ва йэ, эв т'эви һ'эму вэк'илед Мовабе ль бэр т'эвайишэwате хвэ сэкьнийэ. ⁷Бьлам мәсэла хвэ пешда ани у гот:

«Балақ эз жь Араме аним,
п'адше Мовабе эз жь ч'ийайед р'оһьлате:

«Вэрэ мьнр'а ньфьр'а ль Ақуб бькэ,
 вэрэ ль Исраел һьле!»

⁸ Эзе чава ньфьр'а ле бькьм,
 вэки Хвэде ньфьр' ле нэкьр?

Эзе чава ле һьлем,
 вэки Хөдан ле һьлнəһат?

⁹ Чьмки эз жь сэр сэре қəйева дьбиньм,
 жь сэр гьрава эз ви дьньһер'ьм,

ва йə, мьлэтək башқə дьжи,
 у мьнəте т'ө мьлəти нагьрə.

¹⁰ К'е дькарə т'оза Ақуб һ'əсаб кə,
 йан аха Исраел бьжмьрə?

Хвэзи нəфса мьн бь мьр'на р'аста бьмьрə,
 хвэзи ахьрийа мьн мина йа ван бə!»

¹¹ Балақ готə Бьлам: «Тə чь ани сэре мьн? Мьн т'ө дэр-
 хьсти ль вьр к'ө ньфьр'а ль дьжмьнед мьн бьки, ле т'ө
 бьмбарək дьки!» ¹² Бьлам щаба ви да у гот: «Чь к'ө Хөдан
 датинə ль сэр заре мьн эз гэрə т'əне we бежьм!»

П'ехəмбэртийа Бьламə д'ода

¹³ Балақ готə ви: «Жь к'эрəма хвə т'əви мьн вэрə щики
 дьн, те ви жь вьр бьбини. Те т'əне п'арəkə ви бьбини
 ле т'əмамия ви те нəбини, жь вьр те мьнр'а ньфьр'а ле
 бьки». ¹⁴ У Балақ əв бьрə ль дəшта Софиме ль сэр сэре
 Писгайе у һ'əфт горигəһ чекьрьн. Щанəгак у бəранək
 ль сэр һэр горигəһе да. ¹⁵ Əви готə Балақ: «Ль вьр бэр
 т'əвайишəватe хвə бьсəкьнə эзе жи ль вьр р'асти Хөдан
 бем». ¹⁶ Хөдан Бьламва х'йа бу у хəбэр дани ль сэр заре
 ви готе: «Вəгэр'ə ль щəм Балақ һа беже». ¹⁷ Бьлам һатə
 ль щəм Балақ, ва йə, əв т'əви вək'илед Моваб ль бэр
 т'əвайишəватe хвə сəкьнийə. Балақ готə ви: «Хөдан чь
 гот?» ¹⁸ Бьлам мəсəла хвə пешда ани у гот:

«Р'абə Балақ у бьбьһе,
 г'өһ бьдə мьн к'өрe Сипор!»

¹⁹ Хwәде нә инсан э кӧ дәрәwa бькә,
нә жи бәни Адәм э кӧ п'ошман бә.
Әwi гот we нәкә?

Хәбәр да we нәйнә сери?

²⁰ Ва йә, мьн ә'мьр станд кӧ бьмбарәк кьм.
Хwәде бьмбарәк кьр эз нькарьм быгӧһезьм.

²¹ Нәһәқи ль нава Ақубда нә дитийә,
хәм ль нава Израелда к'ьфш нәкьрийә.
Хӧдан Хwәдейе wi т'әви wi йә,
шабуна бона п'адше нава wi йә.

²² Хwәде әw жь Мьсьре дәрхьстьн.
Qәwата wан мина qәwата гайе бәйани йә.

²³ Сербази ль нава Ақубда т'ӧнәйә,
к'оч'әкти ль нава Израелда т'ӧнәйә.
Ньһа we бежьнә Ақуб у Израел:
«Кӧ Хwәде чь кьр».

²⁴ Аwa мьләт чаwa макәшер р'адьбә
у чаwa шер банздьдә,
п'ал надә һ'әта т'ален нәхwә
у хуна йед кӧшти вәнәхwә.

²⁵ Балақ готә Бьлам: «Нә ньфьр'а ль wi бькә, нә жи
wi бьмбарәк кә!» ²⁶ Бьлам щаба Балақ да у гот: «Мьн
әва йәка нә готә тә: wәки чь кӧ Хӧдан бежә мьн эзе
we бькьм?»

²⁷ Балақ готә Бьлам: «Жь к'әрәма хwә wәрә эзе тә бьбь-
мә щики дьн, бәлки әwe ль Хwәде хwәш бе у те жь wьр
бона мьн ньфьр'а ль Израел бьки. ²⁸ У Балақ Бьлам бь-
рә ль сәр сәре П'ьһоре, жь к'идәре бәр'и дьһатә к'ьфше.
²⁹ Бьлам готә Балақ: «Мьнр'а ль вьр һ'әфт горигәһа чекә,
һ'әфт щанәга у һ'әфт бәрана ль вьр мьнр'а һазьр кә». ³⁰ Ба-
лақ анәгори хәбәра Бьлам кьр, щанәгак у бәранәк ль сәр
һәр горигәһе да.

П'ехэмбэртига Бьламэ сьсийа

24 Бьлам дит вэки ль Ходан хвэш те Израел бьмбарэк кэ, мина бэре нэчу кё сербазийе бь-кэ, ле бэре хвэ да бэр'ийе. ²Бьлам сэре хвэ бьльнд кьр у Израел бь қэбилед хвэ щи-варбуи дит, һынге Р'өһе Хвэде һатэ ль сэр ви. ³Әви мэсэла хвэ пешда ани у гот:

«Ава хэбэра Бьламе көр'е Бэур,
хэбэра мере кё зэлал дьбинэ.

⁴ Хэбэра йе кё готьнед Хвэде дьбьһе,
йе кё дитьнокед Йе һэри Зор дьбинэ,
ч'эвед ви тенэ вэкьрне у әв та дьбэ.

⁵ Чава бэдәв ын конед тэ Ақуб!
Щи-варед тэ Израел!

⁶ Чава нэвал әв фьрэ дьбьн,
чава бахче бэр дэве ч'ем,
чава удед* кё Ходан дач'ькандийә
чава эрзед дэве аве.

⁷ Ав жь әлбед ви дьһэр'ькэ,
т'охьме ви р'ьнд авадаи йә.
П'адше ви we Агаг* дэрбазтьр бэ,
п'адшатиға ви we бьльнд бэ.

⁸ Хвэде әв жь Мьсьре дэрхьст.
Қәвата ви мина қәвата гайе бәйани йә.
Әве мьләтед дьжмьнед ви дақөртинә
у һэстуйед ван we һурдәхвәши кэ,
бь тиред хвэ we лехә.

⁹ Әв тәлийа, мина шер вәләзийа,
чава макәшере кәс нькарә әви р'акә.

* 24:6 «Уд» шинайик ә, кё жь ава we р'унәки бинхвэш те чекьрне.

* 24:7 Бьньһер'ә 1П'адшати 15:8.

К'е тэ бьмбарэк кэ, we бьмбарэк бэ,

к'е ньфьр'а ль тэ бькэ, we ньфьр'е ль wi бэ.

¹⁰ Ынге герса Балаақ ль Бьлам р'абу, әви дәстед хwә һәв хьстьн у Балаақ готә Бьлам: «Мьн гази тә кьр кӧ ньфьр'а ль дьжмьнед мьн бьки, ле дәwсе әва се щар ә тә әw бьмбарэк кьрын. ¹¹ Ньһа бьр'әвә һәр'ә щийе хwә! Мьн гот әзе қәдър-һөрмәта мәзын бона тә бькьм, ле ва йә Хӧдан әw йәк жь дәсте кьр». ¹² Бьлам готә Балаақ: «Нә мьн қасьдед тәр'а жи хәбәрда у гот, к'ижан кӧ тә шандьбунә ль щәм мьн: ¹³ Дьхwази Балаақ мала хwә т'ьжи зер' у зив бьдә мьн, әз нькарьм сәр готьна Хӧданр'а дәрбаз бьм, кӧ тьштәки қәнщ йан хьраб бь хwәстьна хwә бькьм. Чь кӧ Хӧдан бежә, әзе we бежьм. ¹⁴ Ньһа әз дьчьмә ль щәм мьләте хwә, wәрә әзе тәр'а бежьм, кӧ р'оже бен әв мьләт we чь бинә сере мьләте тә».

П'ехәмбәртия Бьламә чара

¹⁵ Әви мәсәла хwә пешда ани у гот:

«Аwa хәбәра Бьламе кӧр'е Бәур,
хәбәра мере кӧ зәлал дьбинә.

¹⁶ Хәбәра йе кӧ готьнед Хӧдан дьбьһе,
йе кӧ һаш жь занәбуна Йе һәри Жорьн һәйә,
йе кӧ дитьнокед Йе һәри Зор дьбинә,
ч'әвед wi тенә вәкьрне у әw та дьбә.

¹⁷ Әз wi дьбиньм, ле нә ньһа,
ль wi дьньһер'ьм, ле нә незик.
Стәйрке жь Ақуб дәрк'әвә,
шьва п'адшатийе we жь Израел пешда бе,
we щеника Моwаб һурдәхwәши кә,
һ'әму зар'ед Шет' қьр' кә.

¹⁸ Әдоме бьбә war,
Сеһире бьбә wape дьжмьнед хwә,
Израел жи we сәр к'әвә.

¹⁹ Жь Ақуб һ'акьме дәрк'әвә
у йед жь бажер майи we қьр' кә».

²⁰Бьлам Амалек дит, мäsэла хвэ пешда ани у гот:

«Мьлэте лапи пеш Амалек бу,
ле ахьрийа ви қыр'бун э».

²¹Qени дит, мäsэла хвэ пешда ани у гот:

«Ши-варе тэ қәдим э,
хелина тэ ль сэр қәйайе һатийә данине.

²²Qайинийе бе қыр'кьрне,
гава Ашур тэ һесир бьбә».

²³Бьлам мäsэла хвэ пешда ани у гот:

«К'е we сах бьминә гавә Хвәде ве йәке бькә?»

²⁴ Гәмийе жь К'ит бен,

we Ашур у Әбәр бьзеринын,
ле әв хвәха жи we бе ондакьрне».

²⁵Бьлам р'абу у вәгәр'ийа чу щийе хвэ, Балақ жи р'и-
йа хвәда чу.

Беә'сьлийа Израел т'әви Баә'л-П'ьһор

25 Израел ль Шиттима дьма кӧ мьлэт дәстпекьр т'әви қизед Моваб^Ф беә'сьли кьр. ²Вана мьлэт т'әглифи қӧрбанед һ'әйкәлед хвэ кьрын, мьлэт хвар у ль бәр һ'әйкәлед ван та бу. ³Израел Баә'л-П'ьһорва* һатә гьредане. һынге һерса Хӧдан ль Израел р'абу. ⁴Хӧдан готә Муса: «Һ'әму сәрверед мьлэт һьлдә у ван бәр тә'ве ль бәр Хӧдан дальқинә. һынге алава һерса Хӧдан we ль Израел дайнә. ⁵Муса готә һ'акьмед Израел: «Һәр кәс жь wә, ван мәрьвед хвэ бькӧжьн, к'ижан кӧ Баә'л-П'ьһорва һатьнә гьредане». ⁶Ва йә йәки жь зар'ед Израел, ль бәр ч'ә'ве Муса у т'әмамийа щьвина зар'ед Израел, гавә әв ль бәр дәрә Конә Щьвине дьгьрийан, һат жьнәкә мьдйани ани мала хвә. ⁷Пинһасе кӧр'е Елазаре кӧр'е һаруне к'а-

* 25:3 Бь зьмане ибрани «хӧдане П'ьһор». П'ьһор бажарәки Мовабе бу у «Баә'л-П'ьһор» навә һ'әйкәләки Моваб бу.

хин эв йэк кө дит, жь нава щьвине р'абу, р'ъмэк гьртэ дэсте хвэ, ⁸эв пэй ль ви исраели чу к'этэ коне ви у р'ъм зьке һэр дөйар'а кьр, зьке исраели жи жьне жи. һынге бэла ль нава Израелда сэдьри. ⁹Жь дэст бэлайе 24000 мэри мьрын.

¹⁰Хөдан Мусар'а хэбэрда у гот: ¹¹«Пинһасе көр'е Елазаре көр'е һаруне к'аһин һерса мьн жь зар'ед Израел вэгэр'анд, чьмки эви бь хирэта мьн нав ванда хирэт кьр у мьн зар'ед Израел жь к'өмр'эшийа хвэ қыр' нэкьр. ¹²Лэма бежи ви: «Ва йэ эз пэймана^Ф хвэ йэ эдьлайе т'эви ви гьредьдъм, ¹³эве бона ви у бона зөр'эта ви пэй мир'а бьбэ пэймана к'аһинтийа һ'эта-һ'этайе. Чьмки эви бона Хвэдеие хвэ кьрэ хирэт у бона зар'ед Израел к'эвандьн кьр»».

¹⁴Наве израелиие көшти, йе кө т'эви жьна мьдйани һатьбу көштъне Зимри бу, көр'е Салуие сэрwere олк'а шьмһ'унийа. ¹⁵Наве жьна мьдйанийэ көшти жи К'озби бу, қиза Суре сэрwere қэбила олк'экэ мьдйани.

¹⁶Хөдан Мусар'а хэбэрда у гот: ¹⁷«Т'эви мьдйанийа дьжмьнатийе бажон у қыр'а ван биньн. ¹⁸Чьмки вана бь мьхэнэтийе дьжмьнати вэр'а ажотьн у һун һапандьн, нава we қэвьмандьна П'ьһор у хушка ван К'озбийа қиза сэрwere мьдйанида, йа кө р'уйе П'ьһорда р'ожа бэлайе һатэ көштъне».

Навжьмара дөдайэ зар'ед Израел

26 Пэй бэлера Хөдан готэ Муса у Елазаре көр'е һаруне к'аһин: ²«Т'эмамия щьвина зар'ед Израел һэр кэсе кө эскэрийер'а һазьр э, жь бистсалиие жортър э, анэгори олк'ед ван йэко-йэко бьжмьрын». ³Муса т'эви Елазаре к'аһин ль дэштед Мовабда, незики Урдөне, пешбэри Әриһаие ванр'а хэбэр да у гот: ⁴«Жь бистсалиие жортър бьжмьрын», чава кө Хөдан т'эми ль Муса кьр. Зар'ед Израелэ кө жь әрде Мьсьре дэрк'этьн, эв ын: ⁵Р'у-

бен ньхөрийе Израел бу. Эв ын зар'ед Р'убен: Жь һəнох малбəта һəнохи. Жь Паллу малбəта паллуйи. ⁶ Жь һəсрун малбəта һəсруни. Жь К'арми малбəта к'арми. ⁷ Эва малбəтед р'убенийа нə у һ'эсабе ван жи 43730 нəфс бун. ⁸ Көр'е Паллу: Əлийаб бу. ⁹ Эв ын көр'ед Əлийаб: Ньмуйел, Дат'ан у Абирам. Эва əв Дат'ан у Абираме бьжартийед щьвине бун, йед кө р'абунə мьқабыли Муса у һарун ль нава щьвина Қорах да, гава кө əв р'абунə мьқабыли Хөдан. ¹⁰ Ђнге əрде дəве хвə вəkьр у əв т'эви Қорах һуфи хвə кьрьн. Эв щьвина онда бу, гава егьр əв дөсьд пенщи мəри һуфи хвə кьрьн у əв бунə нишан. ¹¹ Ле зар'ед Қорах нəмьрьн.

¹² Эв ын зар'ед Шьмһ'ун малбəтед хвəва: Жь Ньмуйел малбəта ньмуйели. Жь Йамин малбəта йамини. Жь Йахин малбəта йахини. ¹³ Жь Зəраһ малбəта зəраһи. Жь Шауул малбəта шауули. ¹⁴ Эва малбəтед щьмһ'уни нə: 22200 нəфс.

¹⁵ Эв ын зар'ед Гад малбəтед хвəва: Жь Сьпон малбəта сьпони. Жь һагги малбəта һагги. Жь Шуни малбəта шуни. ¹⁶ Жь Озни малбəта озни. Жь Əри малбəта əри. ¹⁷ Жь Арод малбəта ароди. Жь Арели малбəта арели. ¹⁸ Эва малбəтед зар'ед Гад ын у һ'эсабе ван жи 40500 нəфс бун.

¹⁹ Зар'ед Щьһуда: Əр у Онан бун. Ле Əр у Онан ль əрде Кəнанеда^ф мьрьн. ²⁰ Эв ын зар'ед Щьһуда малбəтед хвəва: Жь Шелаһ малбəта шелани. Жь Перес малбəта переси. Жь Зəраһ малбəта зəраһи. ²¹ Эв ын зар'ед Перес: Жь һəсрун малбəта һəсруни. Жь һамул малбəта һамули. ²² Эва малбəтед Щьһуда нə у һ'эсабе ван жи 76500 нəфс бун.

²³ Эв ын зар'ед Исахар малбəтед ванва. Жь Т'ола малбəта т'олайи. Жь Пуа малбəта пуни. ²⁴ Жь Йашув малбəта йашуви. Жь Шимрон малбəта шимрони. ²⁵ Эва малбəтед Исахар ын у һ'эсабе ван жи 64300 нəфс бун.

²⁶ Эв ын зар'ед Зəбулон малбəтед хвəва. Жь Сəред малбəта сəрди. Жь Елон малбəта елони. Жь Йайел

малбэта йалйели. ²⁷Эва малбәтед зәбулони ын у һ'эсабе ван жи 60500 нәфс бун.

²⁸Эв ын зар'ед Усьв малбәтед хвәва. Мьнашә у Әфра-ийим. ²⁹Эв ын зар'ед Мьнашә: Жь Махир малбәта махири. Жь Махир Гиләд бу. Жь Гиләд малбәта гиләди. ³⁰Эв ын зар'ед Гиләд: Жь Ийәзәр малбәта ийәзәри. Жь Хеләд малбәта хеләди. ³¹Жь Асрийел малбәта асрийели. Жь Шәхәм малбәта шәхәми. ³²Жь Шьмида малбәта шьмидайи. Жь һ'ефәр малбәта һ'ефәри. ³³Ле көр'ед Сьлофһ'аде һ'ефәр т'өнә бун, т'әне қизед wi һәбун. Эв ын навед қизед Сьлофһ'ад: Маһ'ла, Ноһа, һ'огла, Милк'а у Т'ирса. ³⁴Эва малбәтед Мьнашә нә у һ'эсабед ван жи 52700 нәфс бун.

³⁵Эв ын зар'ед Әфраийим малбәтед хвәва: Жь Шут'әлаһ' малбәта шут'әлаһ'и. Жь Бәк'ър малбәта бәк'ри. Жь Т'аһ'ан малбәта т'аһ'ани. ³⁶Эв ын зар'ед Шут'әлаһ'. Жь Әран малбәта ә'рани. ³⁷Эва малбәтед зар'ед Әфраийим ын у һ'эсабе ван жи 32500 нәфс бун. Эва зар'ед Усьв ын малбәтед ванва.

³⁸Эв ын зар'ед Бьнямин малбәтед ванва: Жь Бәла малбәта бәли. Жь Ашбел малбәта ашбели. Жь Аһ'ирам малбәта аһ'ирами. ³⁹Жь Шьфуфам малбәта шьфуфами. Жь һ'уфам малбәта һ'уфами. ⁴⁰Эв ын зар'ед Бәла: Ард у Нәман. Жь Ард малбәта арди. Жь Нәман малбәта нәмани. ⁴¹Эва зар'ед Бьнямин ын малбәтед хвәва. һ'эсабе ван жи 45500 нәфс бун.

⁴²Эв ын зар'ед Дан малбәтед хвәва: Жь Шух'ам малбәта шух'ами. Эва малбәта Дан ә анәгори малбәтед хвә. ⁴³Һ'эсабе т'әмамыйа малбәта шух'ами 64400 нәфс бун.

⁴⁴Эв ын зар'ед Ашер малбәтед хвәва: Жь Имна малбәта имнайи. Жь Ишви малбәта ишвийи. Жь Бьриһа малбәта бьриһайи. ⁴⁵Эв ын зар'ед Бьриһа: Жь һ'әбәр малбәта һ'әбәри. Жь Малк'ийел малбәта малк'ийели. ⁴⁶Наве қиза Ашер жи Сәрах бу. ⁴⁷Эва малбәтед зар'ед Ашер ын. һ'эсабе ван жи 53400 нәфс бун.

⁴⁸Эв ын зар'ед Нэфтэли малбәтед хwәва: Жь Йасйел малбәта йасйели. Жь Гуни малбәта гуни. ⁴⁹Жь Йесәр малбәта йесри. Жь Шиллем малбәта шиллеми. ⁵⁰Эва малбәтед Нэфтэли нә анәгори малбәтед хwә. Н'эсабе ван жи 45400 нәфс бун.

⁵¹Н'эсабе зар'ед Израел 601730 нәфс бун.

⁵²Хөдан Мусар'а хәбәрда у гот: ⁵³«Бьра әрд анәгори Н'эсабе наве ван чава вар бе п'арәвәкьрьне. ⁵⁴К'ома мэзынр'а вар зәфи бьде, к'ома бьч'укр'а вар һьндьки бьде. Нәр кәсир'а анәгори Н'эсабе ван бьра вар бе дайине. ⁵⁵Т'әне бь п'әшк авитьне бьра әрд бе п'арәвәкьрьне. Анәгори навед қәбилед кал-бавед ван әw бьра вар бьстиньн. ⁵⁶Бь п'әшк авитьне бьра вар бе п'арәвәкьрьне чава йе мэзынр'а өса жи йе бьч'укр'а».

⁵⁷Эв ын левийед анәгори малбәтед хwә жьмарти: Жь Гершон малбәта гершони. Жь Қоһат' малбәта қоһат'и. Жь Мерари малбәта мерари. ⁵⁸Эва малбәтед леви нә: Малбәта либни, малбәта һеброни, малбәта маһ'ли, малбәта муши, малбәта қорахи. Қоһат'р'а Ә'мрам бу. ⁵⁹Ле наве жьна Ә'мрам Йок'әбәд бу, қиза Леви йа кө Левир'а ль Мьсьре бьбу. Әwe Ә'мрамр'а һарун, Муса у Мәрийәма хушка ван анин. ⁶⁰Һарунр'а Надаб, Абиһу, Елазар у Ит'амар бун. ⁶¹Ле Надаб у Абиһу мьрьн, гава ван шаш* агьр ль бәр Хөдан дан. ⁶²Н'эсабе леви, Н'әму қьсьме нерини жь йәкмәһе жортьр 23000 нәфс бун. Әw т'әви зар'ед Израел нә һатьнә жьмаре, чьмки нава зар'ед Израел ванр'а вар нә һатә дайине.

⁶³Эв ын зар'ед Израелә кө Муса т'әви Елазаре к'аһин ль дәштед Моуабеда, незики Урдөне, пешбәри Әриһайе жьмартын. ⁶⁴Ле ль нава ванда қәт мәрвьәк жь зар'ед Израел т'өнә бу, кө Муса у һаруне к'аһин бәр'ийа Синайеда

* 26:61 Бьньһер'ә Қануна К'аһинтийе 10:1-2.

эw жьмартьбуна. ⁶⁵ Чьмки Хөдан бона ван гот: «Әwe ә'сә ль бәр'ийеда бьмьрн». У тө кәс жь ван нә ма, пештьри К'алебе көр'е Йьфунәһ у Йешуйе көр'е Нун.

Qизед Сьлофһ'ад

27 Qизед Сьлофһ'аде һ'ефәре көр'е Гиләде Махире көр'е Мьнашәйе жь малбәта Мьнашәйе көр'е Усвь һатьн. Әв бун навед ван: Маһ'ла, Ноһа, һ'огла, Милк'а у Т'ирса. ² Әвана ль бәр Муса, Елазаре к'аһин, сәрwера у тәмаийа щьвине ль бәр дәре Коне Щьвине сәкьнин у готьн: ³ «Баве мә бәр'ийеда мьр, ле эw нә нава we к'омеда бу, к'ижан кө мьрабьли Хөдан щьвийа бун, аwa готи щьвина Qорах. Ле бона гөне хwә мьр у көр'ед wi т'өнәбун. ⁴ Чьма наве баве мә жь нава малбәта wi гәрә бе һьлда-не, wәки көр'ед wi т'өнәнә? Жь нава бьрайед баве мә, мьлк' бьдә мә». ⁵ Муса шьхөле ван дани ль бәр Хөдан.

⁶ Хөдан Мусар'а хәбәрда у гот: ⁷ «Qизед Сьлофһ'ад р'аст дьбежьн. Мьлк' бьдә ван жь нава бьрайед баве wанда кө war бьн, аwa готи wape баве ван дәрбази сәр ван кә. ⁸ У зар'ед Исраелр'а хәбәр дә, бежә: Гава йәк бьмьрә у көр'е wi т'өнә бә, һьнге wape wi бьра дәрбази qиза wi бә. ⁹ Ле һәгәр qиз жи т'өнә, һьнге wape wi бьдьнә бьрайед wi. ¹⁰ Ле һәгәр бьра жи т'өнәнә, һьнге wape wi бьдьнә апед wi. ¹¹ Ле һәгәр ап жи т'өнәнә, һьнге wape wi бьдьнә пьсмаме wийи незик жь малбәта wi кө эw ле war бә. Бьра әв бона зар'ед Исраел бьбә qәйдә-qануна һәqийе, чаwa кө Хөдан ә'мьри Муса кьр».

Йешу щийе Муса дьгьрә

¹² Хөдан готә Муса: «һьлк'ьшә ль сәр ви ч'ийайе һани жь ч'ийа-банийед Абарим у дина хwә бьдә wi әрде кө эзе бьдьмә зар'ед Исраел. ¹³ У гава wi бьбини, һьнге те жи һәр'и бьгьһижжи щьмә'та хwә, мина һаруне бьре хwә. ¹⁴ Чьмки wә бәр'ийа Синедә гөһдарийа мьн нәкьр, дәма

қалмә-қалма щьвине, сәр аве wә пирозийа мьн ль бәр ч'әвед ван нә да к'ьфше». (Әва авед Мерибаһе нә ль Қадеше бәр'ийа Синда).

¹⁵ Муса Хөданр'а хәбәрда у гот: ¹⁶ «Бьра Хөдан Хwәдейе р'өһе һәр бәдәни ль сәр ве щьвинер'а мәрвәки к'ьфш кә, ¹⁷ wәки р'ебәрийе ван бькә у ч'әве wi сәр к'әтһн у дәрк'әтна ван бә, кә щьвина Хөдан нәбә мина пәзе бе шьван». ¹⁸ Хөдан готә Муса: «Хwәр'а Йешуйе көр'е Нун, мәрвә кө Р'өһе мьн теда йә, һьлдә. Дәсте хwә дайнә ль сәр wi, ¹⁹ wi ль бәр Елазаре к'аһин у ль бәр т'әмамия щьвине бьдә сәкһнандһн у ль бәр ч'әвед ван wi к'ьфш кә. ²⁰ Жь сәрwерийа хwә бьдә wi кө т'әмамия щьвина зар'ед Израел гөһ бьдә wi. ²¹ Әw гәрә ль бәр Елазаре к'аһин бьсәкһнә. Елазаре бона wi қьрара Урим* ль бәр Хөдан бьпьрсә. Анәгори we қьраре әw гәрә дәрк'әвһн у анәгори we әw гәрә бен, әw у т'әмамия зар'ед Израел аwа готи т'әмамия щьвине». ²² У Чаwа кө Хөдан әмьр ль Муса кьрьбу, әwi өса жи кьр. Әwi Йешу һьлда у әw ль бәр Елазаре к'аһин у т'әмамия щьвине да сәкһнандһне. ²³ Муса дәстед хwә данинә ль сәр wi у әw к'ьфш кьр, чаwа кө Хөдан пе Муса готьбу.

Дийарийа^Ф т'әвайишәwатейә һәр р'ож

28 Хөдан Мусар'а хәбәрда у гот: ² «Әмьри зар'ед Израел кә у бежә ван: «һаш жь хwә һәбһн кө қөрбана мьн, нане мьни бона дийарийа мьнә шәwатейә бинхwәш, wә'дәда бьдһн». ³ У бежә ван: «Ва йә дийарийа шәwате кө һун гәрә Хөданр'а бьдһн: дө бәрхед йәк салийә бе қөсур һәр р'ож, бона дийарийа т'әвайишәwате һәр т'әм бьдһн. ⁴ Бәрхәки сьбәһе бьдһн у бәрхе дөда жи бәре еваре бьдһн ⁵ у чаwа дийарийа нани п'арәкә жь дәһа п'аре

* 27:21 Урим те ф'әм кьрьне чаwа «Р'онайи». Пе ве сәрәкк'аһин^Ф ль қьрара Хwәде дьһ'әсийа. Бьһнер'ә Дәрк'әтһн 28:30.

ефайе* аре хас, т'эви п'арэкэ жь чар п'аре хине** р'уне ледаида, стьрайи бьдэ. ⁶Эва дийарийа т'эвайишэватейэ һэр т'эм э, мина йа кӧ ль ч'ийайе Синайе Хӧданр'а чава дийарийа шэватейэ бинхвэш һатьбу дайине. ⁷Эв э дийарийаФ сэрдакьрына we: П'арэкэ жь чар п'аре хине шэрав бона һэр бэрхи ль щийе пироз чава дийарийа сэрдакьрыне бьра Хӧданр'а бе р'етьне. ⁸Бэрха дӧда т'эви дийарийа нани у т'эви дийарийа сэрдакьрыне мина йа сьбӧһе ль бӧре еваре бьдӧн. We чава дийарийа шэватейэ бинхвэш Хӧданр'а бьдӧн.

Дийарийа т'эвайишэватейэ р'ожаФ шӧмийе

⁹Ль р'ожа шӧмийе дӧ бӧрхед йӧк салийэ бе рӧсур т'эви п'арэкэ чапейэ* жь дӧһа дӧдӧ аре хаси р'унда стьрайи чава дийарийа нани у дийарийа вейэ сэрдакьрыне бьдӧн. ¹⁰Эва дийарийа т'эвайишэватейэ һэр шӧми йӧ, ль сӧр дийарийа т'эвайишэватейэ һэр т'ьмр'а у дийарийа вейэ сэрдакьрынер'а.

Дийарийа т'эвайишэватейэ һэр мӧһ

¹¹Сӧре һэр мӧһед хвӧ Хӧданр'а чава дийарийа т'эвайишэвате: Дӧ щанӧга, бӧранӧки, һ'ӧфт бӧрхед йӧксалийэ бе рӧсур бьдӧн. ¹²П'арэкэ чапейэ жь дӧһа сьсе аре хаси р'унда стьрайи бона һэр щанӧгаки, чава дийарийа нани у п'арэкэ чапейэ жь дӧһа дӧдӧ аре хаси р'унда стьрайи бона бӧрен чава дийарийа нани бьдӧн. ¹³П'арэкэ чапейэ жь дӧһа йӧк аре хаси р'унда стьрайи бона һэр бӧрхи чава дийарийа нани бьдӧн. Эва дийарийа т'эвайишэватейэ бинхвэшэ, дийарийа шэвате йӧ Хӧданр'а. ¹⁴Эва дийарийа сэрдакьрына we йӧ: Нив хин

* 28:5 «Ефайе» дӧрданӧки 10 литьре бу.

** 28:5 «Һинӧк» незики чар литьра йӧ.

* 28:9 «Чап» дӧрданӧкэ 10 литьре бу.

шэрав бона щанэге, п'арэкэ hine жь сьсийа йэк бона бэрен у п'арэкэ hine жь чара йэк бона бэрхе бьдън. Эва дийарийа т'эвайишэватейэ мэне йэ бона хэр мэне сале. ¹⁵Нерики бона дийарийа пацьжбуне Хөданр'а бьдън, ль сэр дийарийа т'эвайишэватейэ хэр т'ьмр'а у дийарийа вейэ сэрдакьрьнер'а.

ЩэжняФ Дэрбазбуне

¹⁶Чардэне мэна йэке р'ожа Щэжня Дэрбазбуне йэ бона Хөдан. ¹⁷У панздэне we мэне жи щэжън э. h'эфт р'ожа хун гэрэ нане шкэва бьхвън. ¹⁸Р'ожа э'wльн щьвата пироз э, т'ө шьхөли нэкън. ¹⁹Дийарийа шэвате, дийарийа т'эвайишэвате Хөданр'а бьдън, ава готи, дө щанэга, бэранэки у h'эфт бэрхед йэксали. Эw гэрэ бе qöсур бьн. ²⁰У öса жи дийарийа ванэ нани жь аре хаси р'унда т'эвдайи. П'арэкэ чапейэ жь дэна сьсе бона щанэга у п'арэкэ чапейэ жь дэна дөдө бона бэрен, ²¹п'арэкэ чапейэ жь дэна йэк бона ван хэр h'эфт бэрхи бьдън. ²²Öса жи нерики чава дийарийа пацьжбуне бона афукьрьна хwэ бьдън. ²³Be гэрэ ль сэр дийарийа т'эвайишэватейэ сьбэгер'а, ава готи дийарийа т'эвайишэватейэ хэр т'ьмр'а бьдън. ²⁴Хэр р'ож жь ван h'эфт р'ожа ha бькън. Эw нане дийарийа шэватейи бинхwэш э Хөданр'а. We ль сэр дийарийа т'эвайишэватейэ хэр т'ьмр'а у дийарийа вейэ сэрдакьрьнер'а бьдън. ²⁵У р'ожа h'эфта диса wэр'а щьвата пироз бэ. Т'ө шьхөли нэкън.

ЩэжняФ h'эфтийа

²⁶Ль р'ожа дэрэмэтед пешьн жи гава хун дийарийа нане э'wльн Хөданр'а wэхте Щэжня h'эфтийа биньн, бьра wэр'а диса щьвата пироз бэ, т'ө шьхөли нэкън. ²⁷хун гэрэ дийарийа т'эвайишэвате чава дийарийа бинхwэш Хөданр'а бьдън, ава готи: Дө щанэга, бэранэки у h'эфт бэрхед йэк сали. ²⁸У öса жи дийарийа ванэ нанийэ жь

аре хаси р'унда стьрайи: Парэкэ чапейэ жь дэһа сьсе бона һэр шанэгайи, п'арэкэ чапейэ жь дэһа дөдө жи бона бэрен, ²⁹п'арэкэ чапейэ жь дэһа йэк жи бона һэр һ'эфт бэрха бьдн. ³⁰Нерики жи бона к'эwandьна хwэ бьдн. ³¹Ве у дийарийа вейэ сэрдакьрьне ль сэр дийарийа т'эвайишэwатейэ һэр т'ьмр'а у дийарийа вейэ нанир'а бьдн. Эw гэрэ бе қөсур бьн.

Дийарийа ЩэжняФ Бор'ийа

29 Йэке мэһа һ'эфта бона wэ бьра щьвина пироз бэ, т'ө шьхөли нэкн. Бьра эw р'ожа бор'и ледане бэ. ²Щанэгаки, бэранэки у һ'эфт бэрхед йэксалийэ бе қөсур Хөданр'а дийарийа т'эвайишэwатейэ бинхwэш бьдн. ³Оса жи дийарийа wанэФ нани жь аре хаси р'унда стьрайи. Парэкэ чапейэ * жь дэһа сьсе бона щанэга, п'арэкэ чапейэ жь дэһа дөдө бона бэрен, ⁴Парэкэ чапейэ жь дэһа йэк жи бона һэр бэрхе жь һэр һ'эфт бэрха бьдн. ⁵Оса жи нерики чава дийарийаФ пақьжбуне бона афубуна хwэ бьдн. ⁶Вана ль сэр дийарийа т'эвайишэwатейэ һэр мэһер'а у дийарийа вейэ нанир'а, дийарийа т'эвайишэwатейэ һэр т'ьмр'а у дийарийа вейэ нанир'а у дийарийа wанэ сэрдакьрьнер'а анэго-ри қануне бьдн. Эва дийарийа шэwатейэ бинхwэш э Хөданр'а.

Дийарийа дэһе мэһа һ'эфта

⁷Дэһе мэһа һ'эфта жи бона wэ бьра щьвина пироз бэ, нэфса хwэ бышкеньн у т'ө шьхөли нэкн. ⁸Щанэгаки, бэранэки у һ'эфт бэрхед йэксалийэ бе қөсур Хөданр'а дийарийа т'эвайишэwатейэ бинхwэш бьдн. ⁹У оса жи дийарийа wанэ нани жь аре хаси р'унда т'эwдайи.

* 29:3 «Чап» дэрданэкэ 10 литьре бу.

П'арэкэ чапейэ жь дэһа сьсе бона щанэга, п'арэкэ чапейэ жь дэһа дөдө бона бэрен. ¹⁰П'арэкэ чапейэ жь дэһа йэк жи бона һэр бэрхе жь ван һэр һ'эфт бэрха бьдн. ¹¹Оса жи нерики чава дийарийа пацьжбуне ль сэр дийарийа пацьжбунейэ к'эвандьнер'а*, дийарийа т'эвайишэватейэ һэр т'ьмр'а у дийарийа вейэ нанир'а у дийарийа ванэ сэрдакьрьнер'а бьдн.

ЩэжьнаФ Н'олькчекьрьне

¹²Панздэһе мэһа һ'эфта жи бона вэ бьра щьвина пироз бэ, т'ө шьхөли нэкн у һ'эфт р'ожа Хөданр'а щэжьне бькн. ¹³Дийарийа т'эвайишэвате, дийарийа шэватейэ бинхвэш Хөданр'а бьдн: Сездэһ щанэга, дө бэрана у чардэһ бэрхед йэксалийэ бе қөсур бьдн. ¹⁴У өса жи дийарийа ванэ нани жь аре хаси р'унда стьрайи: Ван сездэһ щанэгар'а һэр йэкер'а п'арэкэ чапейэ жь дэһа сьсе, ван һэр дө бэранар'а һэр йэкер'а п'арэкэ чапейэ жь дэһа дөдө, ¹⁵ван чардэһ бэрхар'а һэр йэкер'а п'арэкэ чапейэ жь дэһа йэк бьдн. ¹⁶Оса жи нерики чава дийарийа пацьжбуне ль сэр дийарийа т'эвайишэватейэ һэр т'ьмр'а, дийарийа вейэ нанир'а у дийарийа вейэ сэрдакьрьнер'а бьдн.

¹⁷Ль р'ожа дөда: Донздэһ щанэга, дө бэрана у чардэһ бэрхед йэксалийэ бе қөсур бьдн. ¹⁸У өса жи дийарийа ванэ нани, дийарийа ванэ сэрдакьрьне бона щанэга, бэрана у бэрха анэгори һ'эсабе ван у қануне бьдн. ¹⁹Оса жи нерики чава дийарийа пацьжбуне ль сэр дийарийа т'эвайишэватейэ һэр т'ьмр'а, дийарийа вейэ нанир'а у дийарийа ванэ сэрдакьрьнер'а бьдн.

²⁰Ль р'ожа сьсийа: Йанздэһ щанэга, дө бэрана у чардэһ бэрхед йэксалийэ бе қөсур бьдн. ²¹У өса жи дийарийа

* 29:11 Бьньһер'э Қануна К'аһинтийе 16.

ванэ нани, дийарийа ванэ сэрдакьрьне бона щанэга, бэрана у бэрха анэгори һ'эсабе ван у қануне бьдн. ²²Оса жи нерики чава дийарийа пақьжбуне ль сэр дийарийа т'эвайишэватейэ һэр т'ьмр'а, дийарийа вейэ нанир'а у дийарийа вейэ сэрдакьрьнер'а бьдн.

²³Ль р'ожа чара: Дәһэ щанэга, дө бэрана у чардәһ бәрхед йәксалийэ бе қөсур бьдн. ²⁴У өса жи дийарийа ванэ нани, дийарийа ванэ сэрдакьрьне бона щанэга, бэрана у бэрха анэгори һ'эсабе ван у қануне бьдн. ²⁵Оса жи нерики чава дийарийа пақьжбуне ль сэр дийарийа т'эвайишэватейэ һэр т'ьмр'а, дийарийа вейэ нанир'а у дийарийа вейэ сэрдакьрьнер'а бьдн.

²⁶Ль р'ожа пенца: Нәһэ щанэга, дө бэрана у чардәһ бәрхед йәксалийэ бе қөсур бьдн. ²⁷У өса жи дийарийа ванэ нани, дийарийа ванэ сэрдакьрьне бона щанэга, бэрана у бэрха анэгори һ'эсабе ван у қануне бьдн. ²⁸Оса жи нерики чава дийарийа пақьжбуне ль сэр дийарийа т'эвайишэватейэ һэр т'ьмр'а, дийарийа вейэ нанир'а у дийарийа вейэ сэрдакьрьнер'а бьдн.

²⁹Ль р'ожа шәша: һ'әйшт щанэга, дө бэрана у чардәһ бәрхед йәксалийэ бе қөсур бьдн. ³⁰У өса жи дийарийа ванэ нани, дийарийа ванэ сэрдакьрьне бона щанэга, бэрана у бэрха анэгори һ'эсабе ван у қануне бьдн. ³¹Оса жи нерики чава дийарийа пақьжбуне ль сэр дийарийа т'эвайишэватейэ һэр т'ьмр'а, дийарийа вейэ нанир'а у дийарийа вейэ сэрдакьрьнер'а бьдн.

³²Ль р'ожа һ'әфта: һ'әфт щанэга, дө бэрана у чардәһ бәрхед йәксалийэ бе қөсур бьдн. ³³У өса жи дийарийа ванэ нани, дийарийа ванэ сэрдакьрьне бона щанэга, бэрана у бэрха анэгори һ'эсабе ван у қануне бьдн. ³⁴Оса жи нерики чава дийарийа пақьжбуне ль сэр дийарийа т'эвайишэватейэ һэр т'ьмр'а, дийарийа вейэ нанир'а у дийарийа вейэ сэрдакьрьнер'а бьдн.

Р'ожа h'эйшта

³⁵Р'ожа h'эйшта бьра бона wэ щьвина пироз бэ, тө шьхөли нэкьн. ³⁶Дийарийа т'эвайишэwате, дийарийа шэwатейэ бинхwэш Хөданр'а бьдьн: Щанэгаки, бэранэки у h'эфт бэрхед йэксалийэ бе қөсур бьдьн. ³⁷У өса жи дийарийа ванэ нани, дийарийа ванэ сэрдакьрьне бона щанэге, бэран у бэрхе анэгори h'эсабе ван у қануне бьдьн. ³⁸Өса жи нерики чава дийарийа пақьжбуне ль сэр дийарийа т'эвайишэwатейэ һэр т'ьмр'а, дийарийа вейэ нанир'а у дийарийа вейэ сэрдакьрьнер'а бьдьн.

³⁹Ван бона Хөдан щэжьнед хwэда чава дийарийед хwэ-йэ т'эвайишэwате, дийарийед хwэйэ нани, дийарийед хwэйэ сэрдакьрьне у дийарийед хwэйэ һэлэқэтийе ль сэр созед хwэр'а у дийарийед хwэйэ р'эзэдьлийер'а бьдьн». ⁴⁰Муса h'эму чь кө Хөдан э'мьри ль wi кьрьбу, готэ зар'ед Израел.

Ад-қьрар

30 Муса сэрwеред қөбилед зар'ед Израелр'а хэбэрда у гот: «Эв э хэбэра кө Хөдан э'мьр кьр: ²Гава мерэк ль бэр Хөдан ад-қьрар бькэ йан сонд бьхwэ кө борщэки һьлдэ ль сэр хwэ, эw гэрэ иди хэбэра хwэ нэт'эр'ьбинэ, ле һэр тышт чь кө жь дэве wi дэрк'этийэ, гэрэке бинэ сери.

³Ле гава жьнэк ль мала баве хwэ, щаһьлтийа хwэда ль бэр Хөдан ад-қьрар кэ кө борщэки һьлдэ ль сэр хwэ ⁴у баве we жи бона ад-қьрар у борще вейи һьлдаи ль сэр хwэ бьбьһе, дэнге хwэ нэкэ, һьнге h'эму ад-қьраред we у h'эму борще һьлдаийэ ль сэр хwэ, дьминьн. ⁵Ле һэгэр баве we ль we р'ожа кө бьбьһе изьна we нэдэ, һьнге h'эму ад-қьраред we у борщед вейэ ль сэр, р'эсит дьбьн. Хөдан we бьбахшинэ we, чьмки баве we изьн нэ дайэ we.

⁶Ле һэгэр эw мер кэ у ад-қьраред we у хэбэред дэве вейэ бе h'эмде хwэ готи, ль сэр we нэ, ⁷ль we р'ожа кө

мере we бьбьһе у дэнге хwэ нэкэ, һынге ад-qьраред we у борще вейэ һьлдайи ль сэр хwэ, дьминьн. ⁸ Ле һэгэр мере we бьбьһе у хут we р'оже изьна we нэдэ, һынге эw р'эсит дькэ ад-qьраре ль сэр we у хэбэред дэве вейэ бе һ'эмде хwэ готи. Хөдан we бьбахшинэ we.

⁹ Ле ад-qьраре жьнэбийе йан мербэрдайе, һэр борще кö we һьлда йэ ль сэр хwэ, ль сэр we бьминэ.

¹⁰ Ле һэгэр жьнэк ль мала мере хwэда ад-qьрар кьрийэ йан борщ бь сонд һьлда йэ ль сэр хwэ, ¹¹ мере we бьбьһе, дэнге хwэ нэкэ у изьна we бьдэ, һынге һ'эму ад-qьраред we у һ'эму борщед we ль сэр we бьминьн. ¹² Ле гава мере we ль р'ожа кö бьбьһе, ван р'эсит кэ, һынге һ'эму тышт чь кö жь дэве we дэрк'этийэ, awа готи ад-qьраред we у борщед вейэ ль сэр we, һ'өкөме ван т'өнэ. Мере we эw р'эсит кьрын у Хөдан we бьбахшинэ we.

¹³ Мер дькарэ мак кэ йан жи р'эсит кэ ван һ'эму ад-qьрар у борщед сондхварийэ кö бона нэфса хwэ шкенандьне кьрийэ. ¹⁴ Ле һэгэр мере we, we р'оже дэнге хwэ нэкэ, бь we йэке эw һ'эму ад-qьраред we у һ'эму борщед ль сэр we мак дькэ. Чьмки ль р'ожа кö wi бьһистийэ дэнге хwэ нэкьрийэ. ¹⁵ Ле һэгэр эw паши бьһистьна хwэ р'эсит кэ, һынге эwe дэwса we суцдар бэ».

¹⁶ Эв ын қәйдә-қанунед кö Хөдан э'мьри ль Муса кьрын, бона мер у жьна wi, бона бав у қиза wi, щаһьлтийа weда ль мала баве хwэда.

Шэр'е мьqабьли Мьдйанийа

31 Хөдан Мусар'а хэбэрда у гот: ² «Һ'эйфа зар'ед Исраел жь мьдйанийа һьлдэ, паше һэр'э бьгьһижэ цьмэ'та хwэ». ³ Муса готэ мьлэт: «Мера жь нава хwэ бона шер' һазьр кьн кö эw мьqабьли мьдйанийа шэр' бькьн, һ'эйфа Хөдан жь Мьдйанийа һьлдьн. ⁴ Һ'эзар мери жь һэр qэбилед Исраел бьшиньнэ шер'». ⁵ Донздэһ һ'эзар мер жь ордийед Исраел һатьнэ һазьркьрьне бона шер', жь һэр

қабиле һ'эзарәк. ⁶Муса жь һәр қабиле һ'эзарәк шандьнә шер'. Т'эви ван Пинһасе көр'е Елазаре к'аһин жи шанд, кө тыштед пироз у бор'ийед һәваре дестда бун. ⁷Әв мь-қабьли Мьдйане чунә шер', чава кө Хөдан әмьри ль Муса кьр у һ'әму мер көштьн. ⁸У ль сәр ванр'а пенщ п'адшед Мьдйане көштьн: Еви, Р'әқәм, Сур, һур у Р'әба. Вана өса жи Бьламе көр'е Бәур бь шур көшт. ⁹Зар'ед Израел жьн у зар'е мьдйанийа һесир һьлдан. һ'әму һ'әйванед ван, пәз-дәваред ван у һ'әму һәбука ван т'алан бьрн. ¹⁰У һ'әму бажаред ванә ль щи-варед ван, һ'әму зомед ордийед ван шәвьтандьн, ¹¹ле һ'әму т'алан у һ'әму чь кө зәфт кьрбун, жь мерьв һ'әта һ'әйвен хвәр'а бьрн. ¹²Вана һесиред һьлдаи у т'алан анинә зоме щәм Муса, Елазаре к'аһин у т'әмамийа щьвина зар'ед Израел, ль дәштед Моуабе, незики Урдөне, пешбәри Әриһае.

¹³Һьнге Муса, Елазаре к'аһин у һ'әму сәрверед щьвине жь зоме дәр дәрк'әтьнә пешийа ван. ¹⁴Муса һерса хвә ль сәрәскәра, сәрһ'эзара у сәрсәдед кө жь шер' вәгәр'ийа бун р'акьр. ¹⁵Муса готә ван: «Вә һ'әму жьн сах һьштнә? ¹⁶Нә вана бь хәбәра Бьлам кьрн кө зар'ед Израел ль бәр Хөдан беә'сьлийе бькьн, р'уйе П'ьһорда* бәла һатә сәре щьвина Хөдан. ¹⁷Ньһа, һ'әму зар'ед қьсьме нерин у һ'әму жьнед кө сәре хвә мерар'а данинә бькөжьн, ¹⁸ле һ'әму қизед шаһьлә кө сәре хвә мерар'а данәнинә, бона хвә сах бьһельн. ¹⁹Ле һун һ'әфт р'ожа жь зоме дәр бьминьн. һәр кәсе кө мәри көштиә, һәр кәсе кө щьнйаз к'әтийә, ль р'ожа сьсийа у р'ожа һ'әфта хвә пақьж кьн, һун у һесиред вә. ²⁰Һ'әму к'ьнщ, һ'әму тыштед ч'әрмин, һ'әму тыштед жь пьр'ч'а бьзьне чекьри у һ'әму тыштед дарин пақьж кьн».

²¹Елазаре к'аһин готә әскәред кө чубунә шер': «Әв ә қәйдә-қануна we һинкьрнә кө Хөдан әмьр ль Муса кьр:

* 31:16 Бьньһер'ә Жьмар 25:1-3.

²² Т'эне зер', зив, сьфьр, һ'эсын, қыла у льһем, ²³ һәр тышт чь кӧ агьрда нашэвьтэ гэрэке ль нава агьрр'а дэрбазкьн у эве пақьж бэ, ле диса гэрэ бь ава пақьжбуне жи бе пақьжкьрьне. Чь жи кӧ агьрда дышэвьтэ, гэрэ ль нава авер'а дэрбаз кьн. ²⁴ У ль р'ожа һ'эфта к'ьнщед хвэ бышон, һынге һуне пақьж бьн, пэйр'а һун дыкарьн бьк'эвьнэ зоме».

²⁵ Хӧдан Мусар'а хэбэрда у гот: ²⁶ «Тӧ т'эви Елазаре к'аһин у сэрверед малбэтед щьвине, йед һесир һьлдаи жь мервь һ'эта һ'эйвен бьжмьрэ. ²⁷ У т'ален ль нава эскэред кӧ чубунэ шер' у т'эмамия щьвине п'арэвэкэ. ²⁸ Жь п'ара эскэред кӧ чубунэ шер' Хӧданр'а хэрщ һьлдэ: Жь пенсьд һесири йэк, ӧса жи жь пез-девер у жь к'эра. ²⁹ Жь п'ара ван һьлдэ у бьдэ Елазаре к'аһин чава дийари Хӧданр'а. ³⁰ Ле жь п'ара зар'ед Израел, жь пенщи һесири йэке, ӧса жи жь пез-девер, жь к'эра жь һ'эму һ'эйвани һьлдэ у ван бьдэ левийе кӧ хвэйитийа П'арьстгәһа Хӧдан дыкьн».

³¹ Муса у Елазаре к'аһин ӧса жи кьрьн, чава кӧ Хӧдан э'мьри Муса кьрьбу. ³² Т'эмамия һ'эсабе т'алан, ава готи чь кӧ эскэр зэфт кьрьбу, эв бу: 675000 пэз, ³³ 72000 дэвар, ³⁴ 61000 к'эр, ³⁵ 32000 жи қизед кӧ сэре хвэ мерр'а данэнибун.

³⁶ Ниве we, ава готи п'ара йед кӧ чубунэ шер', эв бу: 337500 пэз, ³⁷ у жь ve 675 чава хэрщ данэ Хӧдан. ³⁸ 36000 дэвар у жь ван 72 чава хэрщ данэ Хӧдан. ³⁹ 30500 к'эр у жь ван 61 чава хэрщ данэ Хӧдан. ⁴⁰ 16000 мәри у жь ван 32 чава хэрщ данэ Хӧдан. ⁴¹ Муса эв хэрще дийарийа Хӧдан данэ Елазаре к'аһин, чава кӧ Хӧдан э'мьри ль Муса кьрьбу.

⁴² Ниве we п'ара зар'ед Израел, к'ижан кӧ Муса жь п'ара йед чубунэ шер' дэрхьстьбу, ⁴³ һақас бу п'ара щьвине: 337000 пэз, ⁴⁴ 36000 дэвар, ⁴⁵ 30500 к'эр, ⁴⁶ 16000 мәри бун. ⁴⁷ Муса жь п'ара зар'ед Израел, ава готи йэк жь пенцийи, жь мервь у жь һ'эйвен һьлда у да левийе кӧ хвэйитийа П'арьстгәһа Хӧдан дыкьн. Чава кӧ Хӧдан э'мьри ль Муса кьр.

⁴⁸Сэрэскэре сэр сэрh'эзара у сэрсэда незики Муса бун ⁴⁹у готьнэ Муса: «Әвдед тэ эскэред кө эм сэрверийе ль ван дькьн, мэ әв жьмьрин у аҥа т'ө кэс жь ван онда нэбуйә. ⁵⁰Ва йә эм бона к'әҥандьна нәфса хвә ль бәр Хөдан ве дийарийе Хөданр'а дьдьн, к'е чь тыштед зер'ин дит: Базьне сэр мьл, базьн, гөстил, гөһар у хьшьр бә». ⁵¹Муса у Елазаре к'аһин әв зер', һ'әму тыштед нәрдьшанди жь ван һьлдан. ⁵²Һ'әму зер'е кө сэрh'эзара у сэрсэда дийари Хөдан кьрьн, 16750 шекул* бу. ⁵³Әскэра һәр кәси т'алане хвә һьлда бу. ⁵⁴Муса у Елазаре к'аһин зер' жь сэрh'эзара у сэрсэда һьлдан у анинә ль Конев Щьвине, чаҥа биранин бона зар'ед Израел ль бәр Хөдан.

Ҡарбуна ль әрде Гиләде

32 һ'әйҥанед зар'ед Р'убен у зар'ед Гад гәләк бун. 1 Ҡана әрде Йазер у әрде Гиләде дит ва йә әв әрдәки р'ьнд бу бона һ'әйҥен. 2 Һьнге зар'ед Р'убен у зар'ед Гад һатьн ль щәм Муса, Елазаре к'аһинф у сәрверед щьвине у готьн: 3 «Әрде Әт'әрте, Дибоне, Йазере, Нимрайе, һ'әшбоне, Әлалейе, Сьҥаме, Нәбойе у Бьһоне 4 кө Хөдан бона щьвина Израел зәфт кьр, әв әрдәки р'ьнд ә бона һ'әйҥен у һ'әйҥанед әвдед тә һәнә». 5 Ҡана диса гот: «Һәгәр мэ ль бәр ч'әвед тә к'әрәм дит, бьра әв әрде һане әвдед тәр'а чаҥа мьлк' бе дайине. Мэ ль Урдөнер'а дәрбаз нәкә».

⁶Муса готә зар'ед Р'убен у зар'ед Гад: «Бьрайед ҥә һәр'ьнә шер', һуне жи ль ыр бьминьн? ⁷Чьма һун дьле зар'ед Израел сьст дькьн кө дәрбаз нәбьнә ль әрде кө Хөдан да ван? ⁸Бавед ҥә өса кьрьн, гаҥа мьн әв жь Қадеш-Барнеайе шандьнә щ'әсусийа ви әрди бькьн. ⁹Әҥ гьһиштьнә нәҥала Әшк'оле, әв әрд дитьн у дьлед зар'ед

* 31:52 «Шекъл» незики 12 гьрама бу.

Израел съст кърън кӧ дәрбаз нэбьнэ ль эрде кӧ Хӧдан дьдэ ван. ¹⁰У we р'оже һерса Хӧдан р'абу, ви сонд хвар у гот: ¹¹«Т'ӧ кәсе жь ван, йед кӧ жь Мьсьре дәрк'этьнэ, жь бистсалийе жортър, ви эрде кӧ мьн сонд хвар кӧ бьдьмэ Бьраһим, Исһақ у Ақуб набиньн. Чьмки вана т'ам гӧр'а мьн нәкър. ¹²Хенщи К'алебе кӧр'е Йьфунәһейе қьнизи у Йешуйе кӧр'е Нун, чьмки вана т'ам гӧр'а Хӧдан кър». ¹³һьнге һерса Хӧдан ль Израел р'абу у Хӧдан әв чьл сали бәр'ийеда гәр'андьн, һ'эта қьр'а т'эмамия ви ньсьле кӧ хьраби ль бәр ч'эве Хӧдан кър нә һат. ¹⁴Ва йә, һун, ньсьле гӧнәк'ар, дәwsа бавед хwә р'абунә кӧ һерса Хӧдан һе зәф ль сәр Израел р'акьн! ¹⁵Һәгәр һун жь р'и-йа Хӧдан дагәр'ьн, һьнге әwe Израел диса ль бәр'ийеда бьһелә у һуне т'эмамия ви мьләти онда кьн».

¹⁶Әw незики Муса бун у готьне: «Әме ль вьр ахьла бо-на һ'әйванед хwә у бажара бона зар'ед хwә чекьн, ¹⁷әме хwәха жи ч'әкед хwә гьредьн, һазьр бьн кӧ пешийа зар'ед Израелва һәр'ьн, һ'эта әм ван нэбьнэ ль щийед ван. Зар'ед мә жи бьра ль бажаред суркьрида бьминьн, бона бехофийе жь бьнәлийед ви эрди. ¹⁸Әм вәнагәр'ьнә малед хwә, һ'эта зар'ед Израел һәр кәс ль мьлк'е хwә war нәбә. ¹⁹Әм т'әви ван ль ви али Урдӧне у weда щи war набьн, чьмки ware мә ль ви али Урдӧне, алийе р'оһьлате йә».

²⁰Муса готә ван: «Һәгәр һун we йәке бькьн, бь ч'әк пешийа Хӧданва һәр'ьнә шер', ²¹һәр кәс жь wә ч'әк гьре-дайи ль бәр Хӧдан Урдӧнер'а дәрбаз бә, һ'эта Хӧдан жь бәр хwә дьжмьнед хwә р'анәқәтинә ²²у эрд бь хwәстьна Хӧдан бе зәфткьрьне, паши һьнге пашда вәгәр'ьн. һуне һьнге ль бәр Хӧдан у Израел бе суц бьн у әв эрде ль бәр Хӧдан бьбә ware wә. ²³Ле һәгәр һун ӧса нәкьн һун ль бәр Хӧдан гӧнә дькьн. Бьзаньбьн һуне бона ви гӧне хwә бенә щәзакьрьне. ²⁴Бажара бона зар'ед хwә у ахьла бона пәзед хwә чекьн, ле чь жи кӧ жь дәве wә дәрк'ә-тийә бькьн».

²⁵Зар'ед Гад у зар'ед Р'убен Мусар'а хэбэрдан у готын: «Э'вдед тэ we öса бькьн чава кө хwэйе мэ э'мьр дькэ. ²⁶Жьн-зар'ед мэ, пэз-дэwаред мэ у h'эму h'эйwанед мэ we ль wьр бьминьн, awa готи ль бажаред Гилэ'дда, ²⁷ле э'вдед тэ, h'эмуйед шер'р'а хазьр, we ль бэр Хөдан бона шер' дэрбаз бьн, чава кө хwэйе мэ дьбежэ».

²⁸Муса бона ван э'мьри Елазаре к'ахин, Йешуйе көр'е Нун у сэрwerед малбөтед қэбилед зар'ед Исраел кьр ²⁹у Муса готэ ван: «h'эгэр зар'ед Гад у зар'ед Р'убен т'эви wэ Урдөнер'а дэрбаз бьн, h'эму ль бэр Хөдан шер'р'а хазьр бьн у эw эрд дэстед wэда бэ, hьнге эрде Гилэ'д чава мьлк' бьдьнэ ван. ³⁰Ле h'эгэр эw т'эви wэ ч'экед хwэ гьредаи дэрбаз нэбьн, hьнге эwe мьлк' т'эви wэ ль эрде Кэнане-да бьстиньн». ³¹Зар'ед Гад у зар'ед Р'убен wэгэр'андьн у готын: «Чавa кө Хөдан готэ э'вдед тэ эме öса жи бькьн. ³²Эме ль бэр Хөдан ч'эк гьредаи дэрбаз бьнэ ль эрде Кэнане, т'эне бьра wаре мьлк'е мэ ви алийе Урдөне бэ».

³³Муса п'адшатиya Сихоне п'адше эморийаФ, п'адшатиya Oге п'адше Башане, эрд, бажаред we синоре ванва awa готи h'эму эрд бажарава данэ зар'ед Гад, зар'ед Р'убен у ниве қэби-ла Мьнашэе көр'е Усьв. ³⁴Зар'ед Гад Дибон, Э'т'эрот, Э'роһер, ³⁵Э'т'рот-Шофан, Йазер, Йогбоһа, ³⁶Бет'-Нимра, Бет'-һаран, бажаред суркьри чекьрьн, öса жи ахьлед пез. ³⁷Зар'ед Р'убен H'эшбон, Элале, Qирйатайим ³⁸öса жи Hэбо у Баэл-Мьһон, навед к'ижана һатьбунэ гөһастьне у Сивма чекьрьн. Навед ну данинэ ль сэр бажаред кө чекьрьбун. ³⁹Зар'ед Махире көр'е Мьнашэ жи чунэ Гилэ'де, эw ээфт кьрьн у бэри эморийе кө ль wьр дьман, дан. ⁴⁰һьнге Муса Гилэ'д да Махире көр'е Мьнашэ у эw ль wьр щи-вар бу. ⁴¹Йаире көр'е Мьнашэ жи чу гөндед we ээфт кьрьн у навед ван дани h'авот Йаир*. ⁴²Новаһ' чу Qьнат гөндед weва ээфт кьр у наве хwэ, Новаһ', дани сэр.

* 32:41 Бь зьмане ибрани «Wаргәһед Йаир».

Р'евитийа Израел жь Мьсьре ль Моваб^Ф

33 Эв ын фьрарийед зар'ед Израелэ кӧ ордийед хwэва жь wэлате Мьсьре, бь сэрwерийа Муса у харун дэрк'этын. ²Муса һэр щийед р'ек'этына фьрарийед ван анэгори хэбэра Хӧдан ньвиси. Эв ын р'евитийед ванэ анэгори щийед р'ек'этына ван.

³Панздәһе мәһа йәке, р'ожа Щәжьна Дәрбазбунейә дӧда, әw жь Р'амсес р'ек'этын. Зар'ед Израел бь мерк'ими ль бәр ч'әвед т'әмамыйа мьсьрийа дэрк'этын. ⁴Мьсьрийа жи һынге һ'әму ньхӧрийед кӧ Хӧдан қыр' кьрбу, ч'әл дькьрын. Хӧдан диwана хwәдейед ван кьр. ⁵Һынге зар'ед Израел жь Р'амсесе р'ек'этын у ль Сукоте зомед хwә ледан. ⁶Жь Сукоте р'ек'этын у ль Ет'аме кӧ хьлазийа бәр'ийе йә, зомед хwә ледан. ⁷Жь Ет'аме р'ек'этын у вәгәр'ийанә ль Пи-һаһирот'е кӧ пешбәри Баәл-Сьпоне йә у пешбәри Мигдоле зомед хwә ледан. ⁸Жь Пи-һаһирот'е р'ек'этын, ль нава бәр'ер'а дәрбази бәр'ийе бун. Се р'ожа бәр'ийа Ет'амр'а чун у ль Мараһе зомед хwә ледан. ⁹Жь Мараһе р'ек'этын, һатынә Елиме. Ль Елиме донздәһ кани у һ'әф-те даред хӧрма һәбун, wана ль wьр зомед хwә ледан. ¹⁰Жь Елиме р'ек'этын у дәве Бә'ра Сор зомед хwә ледан. ¹¹Жь Бә'ра Сор р'ек'этын у ль бәр'ийа Синеда зомед хwә ледан. ¹²Жь бәр'ийа Сине р'ек'этын у ль Дофқайе зомед хwә ледан. ¹³Жь Дофқайе р'ек'этын у ль Алуше зомед хwә ледан. ¹⁴Жь Алуше р'ек'этын у ль Р'ьфидиме зомед хwә ледан. Ль wьр ав т'ӧнә бу кӧ щьмә'те вәхwара. ¹⁵Жь Р'ьфидиме р'ек'этын у ль бәр'ийа Синайеда зомед хwә ледан. ¹⁶Жь бәр'ийа Синайе р'ек'этын у ль Қиброт-һат'авайе зомед хwә ледан. ¹⁷Жь Қиброт-һат'авайе р'ек'этын у ль һ'асероте зомед хwә ледан. ¹⁸Жь һ'асероте р'ек'этын у ль Р'әтмайе зомед хwә ледан. ¹⁹Жь Р'әтмайе р'ек'этын у ль Р'иммон-Пәрәсе зомед хwә ледан. ²⁰Жь Р'иммон-Пәрәсе р'ек'этын у ль Ливнайе зомед хwә ледан. ²¹Жь Ливнайе

р'ек'этын у ль Р'иссайе зомед хwэ ледан. ²² Жь Р'иссайе р'ек'этын у ль Qьhelат'айе зомед хwэ ледан. ²³ Жь Qьhelат'айе р'ек'этын у ль ч'ийайе Шэфэр зомед хwэ ледан. ²⁴ Жь ч'ийайе Шэфэр р'ек'этын у ль h'арадаие зомед хwэ ледан. ²⁵ Жь h'арадаие р'ек'этын у ль Maqhelоте зомед хwэ ледан. ²⁶ Жь Maqhelоте р'ек'этын у ль T'ah'ате зомед хwэ ледан. ²⁷ Жь T'ah'ате р'ек'этын у ль Tераhe зомед хwэ ледан. ²⁸ Жь Tераhe р'ек'этын у ль Mит'qайе зомед хwэ ледан. ²⁹ Жь Mит'qайе р'ек'этын у ль hашмонаие зомед хwэ ледан. ³⁰ Жь hашмонаие р'ек'этын у ль Мосероте зомед хwэ ледан. ³¹ Жь Мосероте р'ек'этын у ль Бьне-Йаhакане зомед хwэ ледан. ³² Жь Бьне-Йаhакане р'ек'этын у ль h'ор-hагидгаде зомед хwэ ледан. ³³ Жь h'ор-hагидгаде р'ек'этын у ль Йотбат'айе зомед хwэ ледан. ³⁴ Жь Йотбат'айе р'ек'этын у ль Эвронаие зомед хwэ ледан. ³⁵ Жь Эвронаие р'ек'этын у ль Эсийон-Гэбэре зомед хwэ ледан. ³⁶ Жь Эсийон-Гэбэре р'ек'этын у ль бэр'ийа Синда, аwа готи Qадешда зомед хwэ ледан. ³⁷ Жь Qадеше р'ек'этын у ль ч'ийайе hоре, хьлазийа э'рде ЭдомеФ, зомед хwэ ледан.

³⁸ Чьл сале зар'ед Исраел бун кö жь э'рде Мьсьре дэрк'э-тьбун, йэке мэha пенца, hаруне к'аhин анэгори хэбэра Хөдан hьлк'ышийа ль сэр ч'ийайе hоре у ль wьр мьр.

³⁹ hарун сэд бист се сали бу гава ль сэр ч'ийайе hоре мьр.

⁴⁰ П'адше Э'радеи кэнани кö ль НэщэфеФ, э'рде кэнанийадаФ дьма, бона hatьна зар'ед Исраел бьhист*.

⁴¹ Зар'ед Исраел жи жь ч'ийайе hор р'ек'этын у ль Салмонаие зомед хwэ ледан. ⁴² Жь Салмонаие р'ек'этын у ль Пуноне зомед хwэ ледан. ⁴³ Жь Пуноне р'ек'этын у ль Овот'е зомед хwэ ледан. ⁴⁴ Жь Овот'е р'ек'этын у ль Ийе-hаhабариме ль сэр синоре Mowaб зомед хwэ ледан. ⁴⁵ Жь Ийиме* р'ек'этын у ль Дибон-Гаде зомед хwэ ледан. ⁴⁶ Жь

* 33:40 Бьньher'э Жьмар 21:1-3.

* 33:45 Awa готи «Ийе-hаhабарим».

Дибон-Гаде р'ек'этын у ль Әлмон-Дивлат'аймаие зомед хwә ледан. ⁴⁷Жь Әлмон-Дивлат'аймаие р'ек'этын у ль сәр ч'ийайед Абарим, пешбәри Нәбо зомед хwә ледан. ⁴⁸Жь ч'ийайед Абарим р'ек'этын у ль дәштед Мowабедә, незики Урдөне, пешбәри Әриһаие зомед хwә ледан. ⁴⁹У ль бәр Урдөне, жь Бет'-һашимот'е һ'эта Абел-һашитиме ль дәштед Мowабда зомед хwә ледан.

Варбуна ль әрде Кәнане

⁵⁰Ль дәштед Мowабедә, бәр Урдөне, пешбәри Әриһаие Хөдан Мусар'а хәбәрда у гот: ⁵¹«Зар'ед Исраелр'а хәбәр дә у бежә ван: «Гава һун Урдөнер'а дәрбази әрде Кәнане бьн, ⁵²һьнге жь бәр хwә бәри һ'әму бьнәлийед ви әрди дьн у һ'әму шыкьлед һ'әйкәлед ван у һ'әму һ'әйкәлед вани р'окьри һурдәхwәши кьн, һ'әму һеланед^Ф ванә жорьн веран кьн. ⁵³Ви әрди хwәр'а бькьнә мьлк', ль wьр бьжин, чьмки эз ви әрди дьдьмә wә кө ле war бьн. ⁵⁴Бь п'әшк авитьне һуне жь ви әрди, анәгори малбәтед хwә, п'ар бьстиньн. Малбәта мэзын we зәф бьстинә, йа бьч'ук we һьндьк бьстинә, к'ер'а к'идәре бьк'әвә әwe жи бьбә п'ара ви. Анәгори қәбилед бавед хwә хwәр'а war һьлдьн. ⁵⁵Ле һәгәр һун жь бәр хwә бәри бьнәлийед ви әрди нәдьн, һьнге әwed кө һун сах бьһельн we бьбьнә мина стьруйед ч'әвед wәда у мина дьреша ль тәньшта wәда. У әwe wә ль сәр әрде кө һуне бьжин, бьзериьн. ⁵⁶һьнге әзе өса биньмә сәре wә, чава кө мьн дьхwәст банийа сәре ван».

Синоред әрде создайи

34 Хөдан Мусар'а хәбәрда у гот: ²«Әмьр ль зар'ед Исраел кә у бежә ван: «Әв ә әрде Кәнане кө синоред хwәва we п'ара wә к'әвә. Гава һун бьк'әвьнә әрде Кәнане, ³п'ара wәйә башуре we жь бәр'ийа Сине р'әх Әдомева һәр'ә. Алийе р'оһьлата синоре wәйи башуре

we жь хьлазийа Бэ'ра Мьри* дэстпекэ. ⁴У синор we жь башуре дагэр'э хэвразе Экрабиме, Синер'а дэрбаз бэ у we ль башура Qадеш-Барнеайева дэрк'эвэ у быгьнижэ H'асар-Аддаре у we дэрбази Эсмоне бэ. ⁵Синор we жь Эсмоне дагэр'э h'эта селафа Мьсьре у быгьнижэ бэ'ре*.

⁶Синоре р'оавайе we Бэ'ра Навбэре* бэ. Эwe бьбэ синоре wэйи р'оавайе. ⁷Эве жи бьбэ синоре wэйи бакөре: Жь Бэ'ра Навбэре h'эта ч'ийайе хор к'ьфш кьн. ⁸Жь ч'ийайе хор h'эта Льбо-хамате к'ьфш кьн у жь wьр синоре быгьнижэ Сьдаде. ⁹Синор we h'эта Зифроне хэр'э у ль H'асар-Эйнане хьлаз бэ. Эwe бьбэ синоре wэйи бакөре.

¹⁰Синоре хwэйи р'оһьлате жь H'асар-Эйнане h'эта Шьфаме к'ьфш кьн, ¹¹жь Шьфаме we бэржер хэр'э h'эта Рибьлаhe кө алийе р'оһьлата Э'йине йэ, паше we бэржер хэр'э у быгьнижэ дэве Бэ'ра Хьннерете*, алийе р'оһьлате-ва, ¹²паше синоре бэржер хэр'э Урдөне у Бэ'ра Мьрида* хьлаз бэ. Эве бьбэ синоре дора эрде wэ»».

¹³Муса э'мьри зар'ед Исраел кьр у гот: «Эв э, эw эрде кө хуне бь п'эшкавитьне war бьн, к'ижан кө Хөдан э'мьр кьр wэки нэһэ у нив қэбилар'а бе дайине. ¹⁴Чьмки қэбила зар'ед Р'убен малбәтед хwэва у қэбила зар'ед Гад малбәтед хwэва у öca жи ниве қэбила Мьнашэ, ware хwэ стандьнэ. ¹⁵Эw хэр дө қэбил у нив wi али Урдөне, пешбэри Эриһайе, алийе р'оһьлате, ware хwэ стандьн».

¹⁶Хөдан Мусар'а хэбәрда у гот: ¹⁷«Эв ьн наве меред кө we эрд бона wэ п'арэвэкьн: Елазаре к'аһин у Йешуйе көр'е Нун. ¹⁸Öca жи жь хэр қэбиле сэрwерэки бона эрд п'арэвэкьрьне бьбьжерьн. ¹⁹Эв ьн навед ван мера: Бона

* 34:3 Бь зьмане ибраниФ «Бэ'ра Хwe» йэ.

* 34:5 Аwa готи «Бэ'ра Навбэре».

* 34:6 Бь зьмане ибрани «Бэ'ра Мэзьн» э.

* 34:11 Пэйман Нуда наве we «Гола Щэлиле» йэ.

* 34:12 Бь зьмане ибрани «Бэ'ра Хwe» йэ.

қэбила Щьһуда, К'алебе көр'е Йьфунән бә. ²⁰ Бона қэбила зар'ед Шьмһ'ун, Самуеле көр'е Ә'миһуд бә. ²¹ Бона қэбила Бьнйамин, Әлидаде көр'е К'ислон бә. ²² Бона қэбила зар'ед Дан, Буди́е көр'е Йогли сәрвер бә. ²³ Бона зар'ед Усьв, ль қэбила зар'ед Мьнашә, һ'анийеле көр'е Епод сәрвер бә. ²⁴ Бона қэбила зар'ед Әфра́йим, Қьмуеле көр'е Шифтан сәрвер бә. ²⁵ Бона қэбила зар'ед Зәбулон, Әлисафана көр'е Парнах сәрвер бә. ²⁶ Бона қэбила зар'ед Исахар, Палтийеле көр'е Ә'зан сәрвер бә. ²⁷ Бона қэбила зар'ед Ашер, Ахиһуде көр'е Шьломи сәрвер бә. ²⁸ Бона қэбила зар'ед Нәфтәли, Пьдаһеле көр'е Ә'миһуд сәрвер бә». ²⁹ Әв ын әвед кө Хөдан ә'мьр кьр вәки зар'ед Исраелр'а әрде Кәнанае п'арәвәкьн.

Бажаред бона левийа

35 Хөдан^Ф ль дәштед Мовабеда, незики Урдөне, пешбәри Әриһа́е, Мусар'а хәбәрда у гот: ² «Ә'мьри зар'ед Исраел кә кө әв жь мьлк'е вәре хвә, бажара бьдьнә левийа кө әв ванда бьжин. Өса жи әрде дора ван бажара бьдьнә левийа. ³ Бажарада әве бьжин, әрде дора ван жи ве бона пәз-дәваред ван, һәбука ван у һ'әму һ'әйванед ван бә. ⁴ Әв әрдед бажарайи кө һуне бьдьнә левийа гәрә һәр чар алийава һ'әзар зәнд бә, жь сура бажер дәр. ⁵ Жь бажер дәр* алийе р'оһьлатева дө һ'әзар зәнди, алийе башурева дө һ'әзар зәнди, алийе р'оавайева дө һ'әзар зәнди у алийе бакөрва дө һ'әзар зәнди чап кьн, бажаре бьк'әвә наве. Әве бона ван бьбьнә әрдед бажара. ⁶ Жь бажаред кө һуне бьдьнә левийа, шәш бажара бькьнә бажаред сьт'арбуне, бона кө меркөж бьр'әвә ль вьр. Хенци ван бажара чьл дө бажара жи бьдьнә левийа. ⁷ Т'әмам т'әви һәв һун гәрә чьл һ'әйшт бажара т'әви әрде

* 35:5 «Жь бажер дәр», аһа жи дькарын фәм бькьн «хенци бажер».

ван бьднэ левийа. ⁸Һуне ван бажара жь ware зар'ед Израел һьлдн. һәр кәсе жь бажаред хwә анәгори ware хwә, we бьдә левийа. Йед к'е зә'ф ын, зә'фи һьлдн, йед к'е һндьк ын, һндьки һьлдн».

Бажаред сьт'арбуне

⁹Хөдан Мусар'а хәбәрда у гот: ¹⁰«Зар'ед Израелр'а хәбәр дә у бежә ван: Гава хун Урдөнер'а дәрбази әрде Кәна-не бьн, ¹¹хwәр'а бажара башқә кьн, әwe бона wә бьбьнә бажаред сьт'арбуне, кә әw мәрьве кә йәки бе һ'әмде хwә бькөжә бьр'әвә wьр. ¹²Әв бажаре бона wә бьбьнә сьт'ар жь йе кә һ'әйфа хуне we һьлдә, бь ви аwайи меркөже бәри диwана щьвине нәйе көштьне. ¹³Жь ван бажаред кә һуне бьдн, шәш бажар бьра бона сьт'аре бьн. ¹⁴Се бажара ль алийе р'оһьлата Урдөне бьдн у се бажара жи ль әрде Кәнанеда бьдн. Әwe бьбьнә бажаре сьт'арбуне. ¹⁵Әв һәр шәш бажар бона зар'ед Израел, бона хәриба у бона ван йед кә нава wәда дьжин we ле сьт'ар бьн. һәр кәсе кә бе һ'әмде хwә йәки бькөжә we бьр'әвә ль wьр.

¹⁶Гава йәк бь һ'әсьнәки йәки дьн хwә бькөжә, әw меркөж ә, әw меркөжа гәрә бе көштьне. ¹⁷Гава йәк пе кәвьре дәсте хwәдайи дәрба көштьне йәки хә бькөжә, әw меркөж ә, гәрәке бе көштьне. ¹⁸Йан гава йәк пе даре дәсте хwәдайи дәрба көштьне йәки хә бькөжә, әw меркөж ә, гәрәке бе көштьне. ¹⁹Йе кә һ'әйфа хуне we һьлдә, хwәха гәрә меркөж бькөжә. Гава р'асти wi бе хwәха гәрә wi бькөжә. ²⁰Һәгәр йәк жь нәйартийе йәки дә'ф дә, йан тыштәки қәста бавежә wi у әw бьмьрә, ²¹йан һәгәр йәк бь дәсте хwә йәки дьн хә бькөжә, чьмки әw дьжмьне wi буйә, йе лехьсти гәрә бе көштьне, әw меркөж ә. Йе кә һ'әйфа хуне we һьлдә гава р'асти wi бе, гәрә wi бькөжә.

²²Ле һәгәр йәк ньшкева йәки дьн дә'ф дә, йан бе һ'әмде хwә тыштәки бавежә wi, ле әw дьжмьне һәв нибунә, ²³йан әw кәвьрәки дәрба көштьне бавежә wi, әw бьмьрә,

ле ви эв нэдитьбэ, дьжмьне ви жи нибуйэ у хьрабийа ви нэхвэстийэ, ²⁴һынге бьра щьвин диwana меркөж у йе кө һ'эйфа хуне we һьлдэ бь ван қануна бькэ. ²⁵Щьвин бьра меркөж жь дэсте йе кө һ'эйфа хуне we һьлдэ хьлаз кэ у щьвин гэрэ ви вэгэр'инэ бажаре вийи сьт'арбуне, кө эв р'эви буйе. Бьра эв ль вьр һ'эта мьрна сэрэкк'а-һине^Ф кө бь р'уне пироз һатийэ р'ункьрыне, бьминэ. ²⁶Ле һэгэр меркөж жь ви синоре бажаре хвэйи ле сьт'арбуне дэрк'эвэ, ²⁷йе кө һ'эйфа хуне we һьлдэ, ви жь синоре бажаре вийи сьт'арбуне дэр бьбинэ у бькөжэ, йе кө һ'эйфа хуне we һьлдэ, нэ нәһэқэ. ²⁸Чьмки эв һ'эта мьрна сэрэкк'аһин гэрэ ль бажаре хвэйи сьт'арбунедэ бьминэ. Ль пэй мьрна сэрэкк'аһинр'а меркөж дькарэ вэгэр'э эрде ware хвэ. ²⁹Бьра эв бона вэ бьбэ қәйдэ-қануна һэқийе ль нава ньсьлед вэда, ль һ'эму щи-варед вэда.

³⁰Гава йэк мэрики бькөжэ, меркөж гэрэ анэгори хэбэра шэ'да бе көштьне. Ле шэ'дэк һьндьк э кө мэри бе көштьне. ³¹Жь бэр э'мьре меркөжва, йе кө гэрэ бе көштьне һэқ нэстиньн. Чьмки эв гэрэ бе көштьне. ³²Нэ жи жь мэрьве кө р'эвийэ бажаре хвэйи сьт'арбуне һэқ бьстиньн, кө эв бэри мьрна сэрэкк'аһин вэгэр'э эрде хвэда бьжи. ³³Эрде кө һун ль сэр дьжин, нәһ'эр'ьминьн, чьмки хун эрде дьһ'эр'ьминэ. Эрд нькарэ жь хуна ль сэр р'ети бе афукьрыне, хенщи бь хуна йе кө хун р'етийэ. ³⁴Эрде кө һун ль сэр дьжин нәһ'эр'ьминьн, нава к'ижанида кө эз дьминьм. Чьмки эз, Хөдан ль нава зар'ед Исраелда дьжим».

Қануна бона қизед хвэйимьлк'

36 Сэрверед олк'ед малбэта зар'ед Гилэде Махире көре Мьнашэ жь малбэта зар'ед Усьв, һатьнэ ль бэр Муса у сэрверед олк'ед зар'ед Исраел^Ф, хэбэрдан ²у готьн: «Хөдан хвэйе мэр'а э'мьр кьр кө эрд чава мьлк', бь п'эшк авитьне, бьдэ зар'ед Исраел. Хөдан өса жи

э'мьри хwэйе мэ кьр кö мьлк'е Сьлоф'аде бьре мэ бьдэ қизед ви. ³Ле һэгэр эw т'эви йэки жь қэбилэкэ дьнэ зар'ед Израел мер кьн, һнге мьлк'е wan we жь мьлк'е кал-бавед мэ бе стандьне у ль мьлк'е we қэбилер'а бе дайине к'ижанеда эwe мер кьн. Бь ви аwайи мьлк'е мэ-йи бь п'эшк станди we кем бэ. ⁴У салаФ р'аwастийейэ* зар'ед Израел, мьлк'е wan we бьгьһижэ мьлк'е қэбила к'ижанеда кö эwe меркьн. Бь ви аwайи жь қэбила кал-бавед мэ мьлк'е wan we бе стандьне».

⁵Муса анэгори хэбэра Хөдан э'мьри зар'ед Израел кьр у гот: «Қэбила зар'ед Усьв р'аст дьбежэ. ⁶Аwа Хөдан чь э'мьр кьр бона қизед Сьлоф'ад у гот: «Эw дькарьн wan мера бьстиньн, к'ижана кö эw бэгэм дькьн, ле т'эне жь қэбила малбэта баве хwэ. ⁷Бона кö мьлк'е зар'ед Израел жь қэбилэке дэрбази қэбилэкэ дьн нэбэ. Чьмки һэр кэсе жь зар'ед Израел гэрэке мьлк'е қэбила кал-бавед хwэва бе гьредане. ⁸Һэр қиза хwэйимьлк' ль нава қэбилед зар'ед Израелда гэрэке т'эви йэки жь малбэта қэбила баве хwэ мер кэ, бона кö зар'ед Израел һэр кэс мьлк'е кал-бавед хwэ war бэ. ⁹Мьлк'е қэбилэке дэрбази қэбилэкэ дьн нэбэ, чьмки һэр қэбила зар'ед Израел гэрэ мьлк'е хwэва гьредайи бэ»».

¹⁰Чаwа кö Хөдан э'мьри Муса кьр, қизед Сьлоф'ад öса жи кьрьн. ¹¹Маһ'ла, Т'ирса, һ'огла, Милк'а у Ноһа қизед Сьлоф'ад көр'апед хwэ стандьн. ¹²Wана меред жь малбэтед зар'ед Мьнашэйе көр'е Усьв стандьн. Бь ви аwайи мьлк'е wan ль нава қэбила малбэта баве wанда ма.

¹³Эв ьн эw қанун у диwan кö Хөдан бь дэсте Муса ль дэштед Мowабеда, незики Урдөне, пешбэри Әриһайе э'мьри зар'ед Израел кьр.

* 36:4 Бьньһер'э Қануна К'аһинтийе 25:10.